

Առաջեն իւկովան

ԽԱԺԱԿ ԳՅՈՒԼԵԱԶԱՐՅԱՆ



АКАДЕМИЯ НАУК АРМЯНСКОЙ ССР
ИНСТИТУТ ЛИТЕРАТУРЫ им. М. АБЕГЯНА

ХАЖАК ГЮЛЬНАЗАРЯН

АТАБЕК ХНКОЯН

ИЗДАТЕЛЬСТВО АН АРМЯНСКОЙ ССР
ЕРЕВАН

1968

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
Մ. ԱԲԻՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ԻՆՍՏԻՏՈՒՏ

ԽԱԺԱԿ ԳՅՈՒԼԱԶԱՐՅԱՆ

Աթաբեկ ինքոզան

A 10/48



ՀԱՅԿԱԿԱՆ ՍՍՀ ԳԱ ՀՐԱՏԱՐԱԿՉՈՒԹՅՈՒՆ
ԵՐԵՎԱՆ 1968

ԽԱԺԱԿ ՄԵԾՐՈՊՈՎԻԿ ԳՅՈՒՆԱԶԱՐՅԱՆ
ԽԱԺԱԿ ՄԵԾՐՈՊՈՎԻԿ ԳՅՈՒՆԱԶԱՐՅԱՆ

ԱԹԱԲԵԿ ԽՆԿՈՅՑԱՆ

Տպագրվում է ՀՍՍՀ ԳԱ գրականության ինստի-
տուտի գիտական խորհրդի որոշմամբ

Պատ. Խմբագիր՝ Ա. Ա., Մանուկյան
Հրատ. Խմբագիր՝ Ա. Հ. Շաղգամյան
Կազմը՝ Կ. Կ. Ղաֆադարյանի
Տեխն. Խմբագիր՝ Մ. Ա. Կափլանյան
Սրբագրիչ՝ Լ. Կ. Հարությունյան

Վ.Ֆ. 08882, Պատվեր 241, տպաքանակ 3000

Հանձնված է արտադրության 28/III 1968 թ.:

Ստորագրված է տպագրության 12/XI 1968 թ.:

Տպագր. 8,5 մամ., պայմ. 4,98 մամ., հրատ. 4,5 մամ.,
թուղթ № 1, $70 \times 90^{1/32}$: ԽՀԽ 1122, Հրատ. 2934:

Դիմում 30 կոպ.:

Հայկական ՍՍՀ ԳԱ հրատարակչության Էջմիածնի տպարան:





(1870 — 1935)



1890 թվականին Ալեքսանդրապոլում լույս տեսավ մի քանամյա երիտասարդի ոտանավորների ժողովածուն՝ «Բանաստեղծական փորձեր» վերնագրով։ Այդ գրքովն իր վրա չհրավիրեց ընթերցող հասարակազմության ուշադրությունը։ Հայթերցողը գրեթե ոչ մի նորույթ չէր կարող գտնել ժողովածուի մեջ։ Դրա հեղինակը՝ Աթաբեկ Խնկոյանը դեռևս իր սեփական ձայնը չուներ, նա որոնող էր ու իր որոնումների մեջ հաճախ էր փոխ առնում հայ դեմոկրատական պոեզիայի մոտիվներն ու մտահայեցողությունը։ Որբն իր անուրախ կյանքով, հարուստն իր ընչարադցությամբ և այդ երկրութեանների մեջ քանաստեղծն իր միամիտ լուսավորական քարոզով, իր «ոսկե» պատրաճքով մարդասեր հարուստի և երջանկացած որբի մասին։ Իհարկե նոր չէին այս մոտիվները։ Եվ, այնուամենայնիվ, գրքում կար ինչ-որ բույր, թաքնված մի երանգ, որ տարիների ընթացքում ավելի ու ավելի պիտի զգացնել տար իրեն, որ ի վերջո որոշելու էր քանաստեղծի հետագա ճանապարհը։ Այդ երանգը դեմոկրատական հայացքն էր աշխարհի նկատմամբ, քանաստեղծի կողմնորոշումը գրկվածների ու գրկողների վեճում, սոցիալական «արդարության» կարուտն ու որոնումը։

Այս սերմը պարարտ հողի վրա պիտի տար իր պտուղները: Եվ այդ պարարտ հողը, բարեբախտաբար, կար. դա XIX դարի վերջին տասնամյակի և XX դարի առաջին երկու տասնամյակների իրադրությունն էր՝ հայ ժողովրդի պատմական բախտի հարափոփոխումները, որ անմիջականուն ազդում էին հայ մշակույթի վրա: Վերջապես, դա հայ դասական գրողների միջավայրն էր՝ ժամանակի Թիֆլիսի նման մի խոշոր մշակութային կենտրոն, որտեղ վիճակվեց ապրել ու գործել ապագա գրողին ու բանաստեղծին՝ Աթաբեկ Խնկոյանին:

* * *

Աթաբեկ Խնկոյանը ծնվել է 1870 թվականի հոկտեմբերի 19-ին, Փամբակի շրջանի Ղարաբոյա (այժմ Խնկոյան) գյուղում: Հայրը՝ նախրապան Հովհաննեսը, չնայած տնտեսական ծանր պայմաններին, մտահոգվում է որդու ուսման գործով: Աթաբեկը տարրական կրթությունն ստանում է հայրենի գյուղում, միջնակարգը՝ Ալեքսանդրապոլում: 1892 թվականին ավարտելով Ալեքսանդրապոլի քաղաքային դպրոցը, նա իրավունք է ստանում պաշտոնավարելու որպես ուսուցիչ: 1911 թվականին Ստ. Լիսիցյանի հրավերով հայրենի գավառից տեղափոխվում է Թիֆլիս և, որպես մանկավարժ պաշտոնավարելով Լիսիցյանի մասնավոր պանսիոնում, միաժամանակ դառնում «Հասկեր» ամսագրի (որին աշխատակցում էր

դեռևս 1905 թվականից) պյուներից մեկը: Հայաստանում խորհրդային կարգերի հաստատումից հետո հրավիրվում է Երևան՝ գրական-մանկավարժական աշխատանքի:

Օժտված լինելով բնատուր գրական շնորհքով ու մանկավարժական ընդունակություններով, Աթ. Խնկոյանը երկար տարիներ (ընդհուպ մինչև 1924 թվականը) կարողացել է համատեղել մանկավարժի դժվարին աշխատանքն ու գրողի գործունեությունը: Մանկավարժությունն օգնել է նրան ճանաչելու հատկապես իր մանուկ ընթերցողներին, ուսումնասիրելու նրանց մտքերը, ապրումները, հակակրություններն ու համակրությունները, ապրելու նրանց հետաքրքրություններով, «մանկանպու», դառնալու նրանց գրողը:

Նախահեղափոխական մեր լավագույն մանկական պարբերականները՝ «Աղբյուրը», «Հասկերը» դժվար է պատկերացնել առանց Խնկոյանի: «Հասկեր»-ում տպագրված բազմաթիվ նյութեր՝ անստորագիր կամ զանազան ստորագրություններով (Աթ. Ալթիկ և այլն), Աթ. Խնկոյանի աշխատանքի պտուղներն են, դրա համար էլ յուրաքանչյուր տարվա բաժանորդագրության կոչը տպագրելիս «Հասկեր»-ի խմբագրությունը Հովհ. Թումանյանի անվան կողքին հարկ է համարել նշել Աթ. Խնկոյանի մշտական աշխատակցությունը: Խնկոյանն իր բաժինն ունի մայրենի լեզվի և ընթերցանության դասագրքերի ստեղծման գոր-

ծում: Նա աշխատակցել է Ստ. Լիսիցյանին և Հովհ. Թումանյանին՝ «Լուսաբերը», ինչպես նաև Զիլինգարյանին և Ռաշմանյանին՝ «Դասընկերը» կազմելիս: Հայտնի են Խնկոյանի «Մեր դպրոցը», «Կարմիր արև» դասագրքերը:

Այս բոլորը Խնկոյանի գրական-մշակութային գործունեության մի կողմն է: Երկրորդ կողմը նրա աշխատակցությունն է նախահեղափոխական հայ դեմոկրատական մամուլին (Աշ. Արանայանի «Աշխատանք» և «Նոր աշխատանք» շաբաթաթերթերին) ու խորհրդային «Մաճկալ», «Հայաստանի աշխատավորութի», «Անաստված» և որիշ պարբերականներին՝ ոտանավորներով ու գեղարվեստական այլ ժանրի երկերով, նվիրված հայ աշխատավոր գյուղացուն, հայ գյուղին:

1932 թվականի փետրվարին Խորհրդային Հայաստանի աշխատավորությունը տոնեց Խնկոյանի գրական գործունեության երեսնինգամյակը: ՀՍԽՀ Կենտգործկոմի հրամանագրով բանաստեղծին շնորհվեց վաստակավոր ուսուցչի և վաստակավոր մանկական գրողի կոչում:

Արաբեկ Խնկոյանը չի հասել խորին ծերության, նա վախճանվել է վաթսունինգ տարեկան հասակում՝ 1935 թվականի հոկտեմբերի 8-ին, Երևանում: Նա անցել է քառասնինգամյա ստեղծագործական ողի, թողնելով գրական հարուստ ժառանգություն, որից մեր ընթերցող հասարականությանը հայտնի է կեսից ոչ ավելին:

* * *

Աթարեկ Խնկոյանի գրական հայացքները, ավելի ճիշտ նրա կարծիքները գրողի ու գրականության հասարակական կոչման մասին, չեն շարադրված որևէ ամբողջական հոդվածում: Մանկական գրականության հարցերին նվիրված ականարկներ կարելի է գտնել նրա գեղարվեստական երկերում, մի քանի կիսագեղարվեստական նյութերում, ինչպես նաև մի անավարտ աշխատության մեզ հասած ձեռագիր հատվածներում:

Իհարկե, գրական առաջին իսկ փորձերից Աթ. Խնկոյանն աշխատել է պարզել իր՝ գրողի տեղը, բայց այդ մասին նրա առաջին ակնարկները վկայում են երիտասարդ գրողի մոլորությունը: «Բանաստեղծական փորձեր» ժողովածուի առաջարանի փոխարեն գրված ոտանավորում («Առաջարանի տեղ») նա պնդում է, թե իր ոտանավորները ծնվել են պարապ շմնալու ցանկությունից:

Այլ նպատակով
Մի քանի համար
Ես չգրեցի,
Այլ աշխատելը
Պարապ մնալուց
Լավ համարեցի:

Ժողովածուի ոտանավորները գրված են 17—
19 տարեկան պատանու կողմից և, իհարկե, թո-

թովանքներ են միայն: Բայց, հասկանալի է, որքան էլ թույլ է Խնկոյանի երախապրիքը, այնուամենայնիվ, դա պարապության արգասիք չէ: Գյրքույկում զետեղված ոտանավորներից մի քանիսը («Որբ», «Հարուստ», «Մոր ողբը» և այլն) այս կամ այն չափով սոցիալական գունավորում ունեն ն, անկախ գեղարվեստական կշռից, արգասիք են խոռվված պատաճու մտորումների և ոչ մեռյալ հանդարտության: Դրանք չեն կարող գրված լինել պարապության ձանձրույթը փարատելու համար:

Պատաճի օրերից Խնկոյանին անհանգստացրել է իր զգացածն ու մտորումը ուրիշների հետ կիսելու ցանկությունը: Այդ է պատճառը, որ առաջին և այն էլ ոչ փայլուն գյրքույկի տպագրությունը չի մարել նրա սրտի կրակը: Նույն տարիներին, ինչպես երեսում է գրականության ու արվեստի թանգարանում պահպող նրա ձեռագրերից, նա ոչ միայն գրել, այլև աշխատել է տպագրել իր ոտաճավորները հատկապես Ավ. Սրբականյանի «Մուրճ» հանդեսում: Մի քանի տարի անց «Աղբյուր»-ում տպագրվում են նրա բանաստեղծությունները, որոնցից մի քանիսում նա ողղակի անդրադառնում է նաև գրողի հասարակական դերին:

Առա 1897 թվականին «Աղբյուր»-ում տպագրված մի քանաստեղծություն՝ մեկը ժամանակի «տեսնենցիոգ» երկերից, որոնցում փորձ է ար-

վում ներանձնավորել հասարակական հովզը, ժողովրդի կյանքի կենսական հարցերը, նրա մտորումները բեկել սեփական շնկալման պրիզմայի մեջ. ըստ ամենայնի «քաղաքացիական» պոեզիայի նմուշ՝ նման Ս. Շահազզի և Ռ. Պատկանյանի հրապարակախոսական բանաստեղծություններին, որոնցում հեղինակին մտահոգողը ոչ այնքան գեղարվեստական հնարանքն է, որքան գաղափարն արտահայտող ուղղակի խոսքը:

ԵՐԳ ԶԻՆ

Համեստ երգիչ, քո սրտումն է
Այն անմեկին երկինքը,
Սկիզբ, վախճան և կյանք և մահ,
Նրանց անհայտ գաղտնիքը:
Ասա դու ինձ՝ այն կոհվը,
Որ կոչվում է գոյության,
Պիտի խեղդի՝ իր հոսանքում
Ամեն իդեալ, ամեն բան:
Ասա դու ինձ վերջին խոսք՝
Այդ վիշապը պիտ կո՞ւ տա
Այն սուրբ խաչը սիրո, գութի,
Որ բարձրացավ գողգոթա:
Գողգոթայի նահատակը
Ի՞նչ ավանդեց աշխարհին.
Հավա՞տ, հո՞ւս, սե՞ր, թե լոկ ցնորք
Նա պահ տվեց տկարին:

Սակայն երգիչ, հավատ ունին,
Հավատ զորեղ այն խաչին,
Որ այլանդակ բռնի ուժեր
Սիրո առաջ պիտ կորչին¹:

Ինչպես տեսնում ենք, Խնկոյանն այստեղ մարգարեի կարողություն է վերագրում երգչին ու նրանից է սպասում քարի խոսքը՝ «արդարության», «սիրո», «գութի», «սուրբ խաչի» հաղթանակի մասին:

Եթե խորամուխ լինենք այս ծրագրային բանաստեղության գաղափարին, ապա պիտի նշենք, որ սա արդեն մի քայլ առաջ է նախորդ ակնարկից: Թեև քրիստոնեական գունավորումով, այս ուսանավորում Խնկոյանը հայտարարում է իր հասարակական նպատակը՝ սոցիալական պայքարում զինվորագրվելու «սիրո», «քարո» գործին՝ ընդդեմ «բռնի ուժերի»: Նրա իդեալն այստեղ նարոդակական-դեմոկրատական պատրանքն է՝ աշխարհը կուլտուրական հեղաշրջմամբ փոխելու մասին, ինչպես և այն պատրանքը, թե անկախ սոցիալական աստիճանից, մարդու հոգում առկա է քարու հատիկը, որը նկատվում է նաև «Բանաստեղծական փորձեր» ժողովածուի «Հարուս» ուսանավորում:

Վերը բերված բանաստեղության մեջ որքան մշուշապատ է իդեալը, այնքան մեկին է բանա-

¹ «Աղբյուր», 1897, № 1, էջ 27:

տեղծի հայտարարությունը իր հավատի սասին: Բայց այդ հավատը չի բխում սոցիալական պրոբլեմներն իրենց խորությամբ ընկալելու կարողությունից, ընդհակառակը, դա նույն պատրանքի սույ արտահայտությունն է, հեղինակի ցանկությունն ուրիշներին և ինքն իրեն հասողելու, թե մարդկային արարքները արդյունք են ոչ օբյեկտիվ հանգամանքների, այլ մարդու «քննավորության», «հոգեկան խառնվածքի», որը կարելի է ու պիտի դաստիարակել, փոխել դեպի բարին: Հենց դրա մեջ էլ նա տեսնում է գրողի դերը: Խնկոյանը երգչի սրտում է որոնում կյանքի ու մահու, սկզբի ու վախճանի գաղտնիքը: Նա ժողովրդի անունից հասարակական պահանջ է դնում երգչի առաջ՝ ասել այդ գաղտնիքն ի լուր աշխարհի, և հավատում է բանաստեղծական խոսքի ուժին: Սա, թեև միամիտ, բայց գրական հավատամք է, որ բանաստեղծն աշխատում է ստուգել տպագրված խոսքով:

1914 թվականին ուկրաինական ժողովուրդը տոնում էր իր մեծ բանաստեղծի՝ Տարաս Շևչենկոյի ծննդյան հարյուրամյակը: Կոլտուրական այս ձեռնարկությանը մասնակցում էին նաև հայ դեմոկրատական մշակույթի ներկայացուցիչները: Շևչենկոյի ծննդյան հարյուրամյակի տոնակատարությունը հուզում է նաև Աթ. Խնկոյանին. դև հասկանալի է: Ուկրաինական աշխատավոր ժողովրդի երգիչը մոտ ու հարազատ է եղել հայ դե-

մոկրատական-գյուղացիական մտավնությամբ շընչող Խնկոյանի սրտին: Դրա համար էլ մեր քանատեղծը մի քանի թարգմանություններ է անում ԾԱՀԵՆԿՈՅԻց, որոնք իր գրած «Անմոռանալի Տարասը» կենագրական հոդվածի հետ տպագրում է «Հասկեր» ամսագրի մայիսյան համարում:

Մեզ համար այժմ հետաքրքիր են ոչ միայն Խնկոյանի՝ ԾԱՀԵՆԿՈՅԻց կատարած թարգմանությունները, որոնք ինքնին քանատեղծական թարգմանության լավ օրինակներ են, այլև առավելապես այն ընտրությունը, որ Խնկոյանը կատարել է ԾԱՀԵՆԿՈՅԻ ստեղծագործության մեջ: Դրացից մեկը «Պուրակ» քանատեղծությունն է, որ բնապաշտական գունավորում ունի, երկրորդը՝ «Գյուղը», որտեղ մեծ Կոբզարը նկարագրում է ուկրաինական գյուղի անդորրությունը, երրորդը՝ հոչակավոր «Կտակը» (ոչ լրիվ):

Երբ ես մեռնեմ, ինձ թաղեցեք
Իմ սիրելի Ռուկրախնում,
Գերեզմանիս հողաթումբը
Թող քարձրանա բաց դաշտում:

Եվ այնտեղից թող երևան
Դնեապրը, դաշտ ու ձոր,
Թող ես լսեմ Դնեապրի
Ահեղ ձայնը ամեն օր...

Գալ օրերի սիրով կապված
Ընտանիքում մեծանուն

Ինձ էլ հիշեք քաղցր խոսքով,
Իմ եղբայրներ սիրատուն:

ԾԱՀԵՆԿՈՒԻ ազատատենչ ոգին, նույնիսկ մեռ-
ելուց հետո ազատ, բաց դաշտում թաղվելու ցան-
կությունը, գալիք օրերի «սիրով կապված» «մե-
ծանուն» ընտանիքում քաղցր խոսքով հիշվելու
ձգտումը, տանջվող, չարաշար նահատակվող
ճորտ ժողովրդի երգչի հայրենասիրական երա-
զը,—ահա թե ինչն է գրավել Խնկոյանին: Այս
գողտրիկ բանաստեղծությամբ, որ «Կտակ» սիմ-
վոլիկ վերնագիրն ունի, ԾԱՀԵՆԿՈՒՆ փաստորեն
գծում է իր՝ հայրենասերի կերպարը, ժողովրդի
բանաստեղծի տեղն ու դերը կյանքում: ԾԱՀԵՆԿՈՒԻ
հայրենասիրությունը մոտ ու հարազատ էր Խնկո-
յանի սրտին: Դա առավել պարզությամբ երևում
է «Անմոռանալի Տարասը» հոդվածից:

Եթե հետևենք Տարաս ԾԱՀԵՆԿՈՒԻ ստեղծա-
գործությանը Խնկոյանի տված գնահատականնե-
րին, ապա պարզ կդառնա, թե ինչպիսի իդեալ էր
փայփայում Խնկոյանն իր համար, ինչպիսին կը-
ցանկանար լինել ինքը՝ իր ստեղծագործությամբ:

«Այդ բանաստեղծությունների մեջ ԾԱՀԵՆԿՈՒՆ
երգում էր այնքան վառ կերպով, այնքան անկեղծ
ու սրտալի իր հայրենի թանկագին Ուկրաինան,
նրա արձակ ընդարձակ դաշտերը, պարզ ու վճիռ,
անհուն, անհուն երկինքը, Դնեպրը, Ուկրայնի
փառավոր անցյալը, տխուր ներկան, թշվառ ճոր-

տի վիշտը: Ու Ուկրահնան ցայտուն կերպով իր անցյալով, ներկայով և գալ օրերով, իր վշտով ու խնդով արտացոլվում է նրա երգերում, ինչպես մի կախարդական հայելու մեջ: Քանի կա Ուկրահնան, կան նաև ԾԱՀԵՆԿՈՒՅԻ տաք, սրտաբուխ և հոգեզմայլ երգերը»¹:

Դժվար չէ նկատել, որ այս դեպքում Խնկոյանն այլևս համես չի գալիս վերացական «չարի» կործանման և նույնչափ հայեցողական «քարու» հաղթանակի իր երրեմնի մշուշապատ հավատով: Ժամանակը կողմնորոշել է նրան հասարակական-սոցիալական պայքարի իրադարձություններով, դեպի աշխատավոր մարդու կենսաշահերի և հասարակական իրավունքների ակտիվ պաշտպանությունը: Նա ոգևորված է ուկրահնական կոբզարի ըմբռստ երգերով, դրանց մեջ տեսնում է ճորտ գյուղացիության դասի պետականորեն «հանցավոր» պաշտպանությունը և դա է համարում գրողի մեծագույն արժանիքը:

Այս քաղվաճքում, որ ԾԱՀԵՆԿՈՒՅԻ ստեղծագործության միանգամայն ճիշտ գնահատականն է, պարզ երևում է Խնկոյանի կարծիքը գրողի դերի մասին. կյանքի համակողմանի ու խոր արտացոլում, ժողովրդական մասսաների ցավերի, վըշտերի, հոգսերի հարաքաշություն,—ահա Խնկո-

¹ «Համեր», 1914, № 5, էջ 155:

յանի կարծիքով գրողի տեղը կյանքում: Եվ նա միանգամայն իրավացի է, երբ պնդում է, թե այս հատկություններն ունենալով գրողն ու նրա ստեղծագործությունն կհարատևեն ժողովրդի հետ, կապրեն, քանի կա ժողովուրդը:

Այսպես էր հասկանում Խնկոյանն իրականության և կոլտուրայի փոխարաբերության հարցը համաշխարհային առաջին պատերազմի նախօրյակին՝ Մուսաստանում և Անդրկովկաստում սկսված հեղափոխական շարժումների նոր վերելքի ժամանակ և պատահական չէ, որ նա մեկը եղավ այն հայ մտավորականներից, որոնք խանդավառությամբ ընդունեցին հեղափոխությունն ու խորհրդային կարգերի հաստատումը Հայաստանում:

* * *

XX դարի առաջին տասնամյակում Խնկոյանն արդեն ձևավորված քանաստեղծ էր՝ հակված դեպի մանկական գրականությունը: Երկարամյա մանկավարժական աշխատանքը հայրենի գավառի տարբեր գյուղերում (Քափանակ, Խանլուսլար, Դավալու, Համզաշիման, Նալբանդ), իսկ հետագայում նաև Կարս ու Թիֆլիս քաղաքներում, ապա աշխատակցությունը «Աղբյուր» և «Հասկեր» ամսագրերին, առաջինում հայ մանկական գրականության նախապետներից Դ. Աղայանի հետ, երկրորդում՝ Հովհ. Թումանյանի, որի բարերար ազդեցությունը զգացվում է Խնկոյանի



ողջ ստեղծագործության վրա¹, կանխորոշում են նրա բանաստեղծական ուղին:

Երբ Հայաստանում հաստատվեցին խորհրդային կարգեր, Խնկոյանն արդեն ինքնուրուց ու ուժարգմանական 20 մանկական գրքերի հեղինակ էր²: Եվ զարմանալի չէ, որ նա առանձին ռազարդություն էր նվիրում մանկավարժության ու մանկական գրականության հարցերին: Թիֆլիսում և այլուր նա բազմաթիվ դասախոսություններ է կարդացել ծնողների համար, նվիրված երեխաների կրթության ու դաստիարակության պրոբլեմ-

¹ Այդ ազդեցության մասին մի առիթով խոսում է նաև ինքը՝ Սթ. Խնկոյանը:

1908 թ. հոկտեմբերին Նալբանդ գյուղից, որտեղ պաշտոնավարում էր, մի նամակում, որն ուղղված էր Հովհ. Թումանյանին (որի մեջ ի դեպ նկարագրում է գյուղական ուսուցչի ծանր վիճակը և հայտնում գրական մեծ շրջանի հետ շփվելու ու միայն սիրած գործին նվիրվելու իր բուռն ցանկությունը), նա գրում է. «Ես թեև Զեզ հետ քիչ ծանոթ, բայց միշտ ձեզնով ապրել եմ, ոգևորվել եմ, ապրել եմ Զեր գրվածքներով և ազդվել» («Գրական սերունդ», 1985, № 5, էջ 65):

² «Գյուղացին ու արջը», «Աղվեսն ու արջը», «Պապն ու շաղգամը», «Փեսացու մուկը», «Ծիտն ու որբերը», «Գող մաքին», «Աղվեսն ու պուտուկը», «Քարացած քոյրը», «Կիկիլիկի», «Քնած դշխուհին», «Տերտերն ու իր Բալդի ծառան», «Ֆրդուսի», «Գորտերի ու մկների կոխվը», «Նապաստակի տնակը», «Բայրոնն ու իր շունը», «Երբ որ հովիվ էի», «Հողածին», «Ամիրան Դարեշանի», «Մի ժամվա նախարարը», «Սուակներ»;

Աւերին: Այդպիսի մի դասախոսության սևագիր նոթագրումները այժմ ել պահպում են նրա արխիվում: Դրանցից երկում է, որ նա առավելապես շեշտել է աշխատանքային դաստիարակության կարևորությունը տաճը և դպրոցում, շոշափել կըրթության ու դաստիարակության մեջ գործնականի անհրաժեշտությունը, օրինակի ուժը դիտել որպես հիմնական գործոն:

Խնկոյանն ուսումնասիրել է ինչպես հայկական, այնպես էլ ոստական, անգլիական, գերմանական, իտալական, ֆրանսիական, իսպանական մանկական գրականությունը, գրականության տեսությանը նվիրված գրեթե ամբողջ նյութը և փորձել է ստեղծել սեփական տեսություն: Այդ են վկայում նրա արխիվում պահպող մի աշխատության սևագիր պատառիկները՝ վերնագրված «Մանկական գրականություն»:

Այժմ, երբ մանկական գրականությունը իր հաստատուն տեղն ունի գեղարվեստական խոսքի մեջ, գուցե և արտաստվոր թվա այն հարցը, թե արժե՞ արդյոք գրականություն ստեղծել հատկապես մանուկների համար: Սակայն, որքան էլ տարօրինակ լինի, Խնկոյանի աշխատության մեջ առաջարկվող հիմնական հարցերից մեկը դա է: Բանն այն է, որ Հոկտեմբերյան հեղափոխությունից առաջ մանկավարժական զանազան դպրոցներ երբեմն ժխտել են մանկական գրականության կարևորությունը և քանի որ դրանք առավելապես

հենվել են Ռուսասոյի ու Պիսարևի ասույթների վրա, Խնկոյանը ևս մանրամասն մեջբերումներով, հանգամանորեն լուսաբանում է երկու խոշոր մտածողների սկզբունքները: Նա ցուց է տալիս, որ եթե Ռուսատն իր Էմիլին մինչև 10—12 տարեկան դառնալը ոչ մի գիրք չի հանձնարարում, ապա դրանով չի ժիստում մանկական գրականության դերը, այլ ծառանում է վերացական, կրոնական, բարոյա-խրատական «մանկական» գրքերի դեմ, որոնք ոչ միայն չեն օգնում, այլև խաթարում են ազատ բնության մեջ ազատ քաղաքացու դաստիարակությունը: Նա ցուց է տալիս, որ Պիսարեվի քննադատական վերաբերմունքը ժամանակի կեղծ ու պատիր «մանկական» գրքերի նկատմամբ ոչ ոչ մի կապ չունի առհասարակ նաևկական գրականության ժիստման հետ:

Վերլուծելով համաշխարհային մանկական գրականության զարգացման ընթացքը, Խնկոյանը հեճանում է Բելինսկու, Չերնիշևսկու, ոռոս վաթունականների տեսակետների վրա: Այդ դիրքերից նա լուսաբանում է մանկական գրականության առանձնահատկությունները, իր և իր ընկերակիցների համար մշակում հաջող ու մատչելի մանկական երկեր ստեղծելու սկզբունքներ: Աշխատության մեջ հասած հատվածներից մեկում նա խոսում է մանկական գրականության նպատակների, բովանդակության, գեղարվեստական յուրօրինակության մասին՝ յուրաքանչյուր դեպքում կոնկրետ

գրական օրինակով հաստատելով իր տեսակետը:

Մանկական գրականությունը, ասում է Խնկոյանը, չի կարելի սահմանազատել առհասարակ գեղարվեստական գրականությունից: Ինչպիսին ժամանակի առաջավոր գեղարվեստական գրականությունն է, նույնպիսին է նաև այդ գրականության անբաժանելի մասը, «շղթայի օղակը» կազմող մանկական գրականությունը:

Երբ խոսքը վերաբերում է շատ փոքրերի համար ստեղծվող գրականությանը, ապա պիտի նկատի ունենալ, որ այդ գրականությունը ավելի շատ գործ ունի մարդու զգացմունքների, կամ ինչպես Լ. Ն. Տոլստոյին վկայակոչելով պնդում է բանաստեղծը՝ ներշնչումների հետ, քան թե գիտակցության: Այսինքն՝ փոքրիկների համար ստեղծվող գրականությունը հեռու պետք է լինի մարդկային-հասարակական բարդ հարաբերությունների լուսաբանությունից, որովհետև, միևնույն է, դրանք անհասանելի են երեխայի չհասունացած գիտակցությանը, այլև ճիշտ չընկալվելով՝ կարող են բոլորովին անցանկալի հետևանքների հասցնել: «Փոքրիկների գրականությունը» պետք է ներգործի երեխայի տրամադրության, զգացմունքների վրա և այդ ճանապարհով զվարթություն, կենսասիրություն, բարություն, աշխուժություն, աշխարհը, առաջին հերթին բնությունը ճանաչելու կարողություն դաստիարակի նրա հոգում:

Այստեղ փաստորեն շարադրված են մանկական գրականության տեսության հիմնական պրոբլեմները, մասունք ընթերցողի տարիքային առանձնահատկությունները հաշվի առնելու մեթոդոլոգիական ճիշտ պահանջը, մանկական «ուրախ գրքի» տեսակետը, որ, ինչպես հայտնի է, պաշտպանել են նաև Մ. Գորկին, Ն. Կրուպսկայան և որիշներ:

Մանկան դաստիարակության ու կրթության գործում օրինակը շատ ավելի կարևոր է, քան չոր ու մերկ բարոյախոսությունը։ Այստեղից՝ ցուց տուր և ոչ թե պատմիր։ Սա է Խնկոյանի միտքը, որ նա փոխ է առել Լ. Տոլստոյից։

Բարոյագիտական խրատաբանության (սենտենցիայի) խնդիրը Խնկոյանը դիտում է իր գրական նախասիրության հայեցակետից։ Ողջ կյանքում լինելով առավելապես կրտսերների գրողը, նա մեծ համարում չունի սենտենցիայի մասին։ Նա հասկանում է, որ մարդկային բարդ հարաբերությունները, որոնց հետ մասունք շփվելու է փոքր-ինչ ուշ, իրենց տեղն ու ժամանակն ունեն մանկա-պատանեկան գրականության մեջ, մինչդեռ երբ խոսքը նոր-նոր ճանապարհ ընկնող քաղաքացու մասին է, ավելի ճպատակահարմար է նրան դաստիարակել պատկերավոր, թեև երբեմն փոխաբերական օրինակների ուժով՝ առանց մերկ խրատ-հրահանգների նրա զգացմունքներն ազնըվացնելու ճանապարհով։

Խնկոյանը կարևոր ճշանակություն է տպիս
թեմային, ավելին, նա այդ համարում է մանկա-
կան լավ գիրք ստեղծելու առաջին նախապայ-
մանը: Նա գտնում է, որ մանկական գրականու-
թյան մեջ խստորեն պիտի տարբերել «հետաքրը-
քիր գիրք» և «լավ գիրք» հասկացողությունները:
«Պետք է առանձին ուշադրություն դարձնել, թե
այդ գիրքն ի՞նչ բովանդակություն ունի,—գրում է
նա և անմիջապես ավելացնում,—ի՞նչ ձևով, ի՞նչ
լեզվով է գրված»: «Մանկական գրողն ամենից
առաջ թող իմանա, ինչը որ իրեն համար հետա-
քրքիր է, են բոլորովին չի հետաքրքրում մա-
նուկներին, որ ամեն մի դարձվածք, ամեն մի
միտք հասկանալի չէ նրանց համար: Մանկական
գրողին անհրաժեշտ է իմանալ իր ընթերցողնե-
րին: Ահա առաջին խնդիրը, երկրորդ, թե ինչ
պետք է գրի մանկական գրողը, այդ բխում է ա-
ռաջնի լուծումից: Նա պետք է ուսումնասիրի մա-
նուկներին, պարզաբանի նրանց մտավոր պա-
հանչները, նրանց շահերը, պետք է իմանա, թե
կյանքի ինչ կողմերը, ինչ երևույթներ են նրանց
ավելի զբաղեցնում, և թե նրանք ինչպես են վե-
րաբերվում այդ երևույթներին: Եվ մանկական
գրողի առաջ կրացվեն անձանոթ գավառներ, որ
այնպես մեծ թափով ձգտում է մանկանց խոզար-
կու խելքն ու միտքը, որտեղ նրանք որոնում են

Առ տեղեկություններ և իրենց գրադեցնող հարցերի վճիռը»¹:

Ինչ վերաբերում է մանկական գրականության դերին, ապա այսուհետեւ ևս Խնկոյանի կարծիքներն իրենց թարմությունը պահպանում են մեր օրերում: Ահա, օրինակ, նա ինչ է գրում իր սևագիր աշխատության մի հատվածում.

«Մանկական գրականության դերը մանուկների կյանքում նույնն է, ինչ որ մեծերի գրականությունը մեծերի կյանքում: Գրականությունը լայնացնում է, ընդարձակում ընթերցողի մտավոր հորիզոնը, հաղորդում է նոր-նոր տեղեկություններ գիտության զանազան ճյուղերից, ծանոթացնում է կյանքի զանազան կողմերի և երևույթների հետ: Այդ գրականության միջոցով ընթերցողներն ընդունում են հեղինակի գգացմունքներն ու մտքերը: Խնքնազոհության, քաջության, հերոսության գաղափարները մանուկներին պետք է պատվաստել դեռ մանուկ օրերից, երբ նրանց հոգին ընդունակ է կրթվելու...»²:

Ահա մի ամբողջ տեսություն, մի ամբողջ սիստեմ: Հեղափոխությունից առաջ թե հետո Խնկոյանի բոլոր մանկական երկերը գրված են այս կառուցիկ սիստեմի տեսակետից, համոզված զինվորի նման նա անվարան ծառայել է իր սկզ-

¹ Գրական թանգարան, Աթ. Խնկոյանի ֆոնդ:

² Նոյն տեղում:

բունքին, որն հարստացավ ու հաստատվեց խորհրդային մանկական գրականության ու մանկավարժության փորձով:

Խնկոյանը մեկն էր հայ դեմոկրատական գրականության այն ներկայացուցիչներից, որոնք ցընծությամբ ընդունեցին Հայաստանում խորհրդային կարգերի հաստատումը: Նրա համար հասարակական նոր սիստեմը իր նոր բարոյականությամբ, նոր օրենքներով անակնկալ չէր: Գրական իր վաստակով նա այնքան պատրաստված էր դրան, որ հիսուն տարեկան հասակում իրեն «օտարութի» չէր զգում պրոլետարական գրականության երիտասարդ գրողների միջավայրում: Հետաքրքիր է, որ այդ գրականության ներկայացուցիչները, որ փոքր ինչ ծայրահեղացված սոցիալական համոգմունքների պայքարում հաճախ ժիստում էին դասական գրականության արժեքները, Խնկոյանին երբեք չեն դիտել ոչ բարիկադի այն կողմում և ոչ իսկ այսպես կոչված «ուղեկիցների» շարքերում: Խնկոյանը «հնից եկած» այն հազվագյուտ, անկուսակցական գրողներից էր, որոնց, շատ դեպքերում հանիրավի «անհաշտ նորերը», անվերապահորեն իրենցն էին համարում: Եվ, ինարկե, նրանք չեին սխալվում: Խնկոյանը մինչև կյանքի վերջը հավատարիմ մնաց հիսնամյա հասակում որդեգրած սկզբունքին:

Մեր ձեռքի տակ կա նաև մի ուրիշ փաստաթուղթ, որ զգում է Խնկոյանի կերպարը որպես

գրողն քաղաքացի: Իր ժողովրդի մշակույթին սիրահարված, նախանձախնդիր ու միաժամանակ արտակարգ համեստության տեր մարդ է եղել Խնկոյանը: Այդ փաստաթուղթը, որ իր հիսնամյակի և գրական մանկավարժական գործունեության քանինինգամյակի հոբելյանական հանդեսում նրա արտասանած ճառն է (տարաբախտաբար ոչ լրիվ) հաստատում է մեր ասածը:

Խնկոյանի հոբելյանը տոնվել է 1920 թվականի մայիսի 23-ին, Հայաստանում խորհրդավային կարգերի հաստատումից մի քանի ամիս առաջ, Թիֆլիսում՝ Ստեփան Լիսիցյանի, Դերենիկ Դեմիրճյանի և հայ մշակույթի մի քանի այլ մշակների նախաձեռնությամբ: Այդ հանդեսում է արտասանել Խնկոյանն իր փոքր-ինչ թախծոտ ճառը, որի վերջին մասը նրա վաղեմի երազի հուզիչ արտահայտությունն է:

«Թող գան լավ օրեր, թող արև ծագի հայ ազգի վրա, լացը, լացկանությունը, զուլումը, աղքատությունը վերանա հայ ժողովրդի միջից, թող ծաղկի գրականությունը, գրականագետն ապրի մարդավարի, նրա ինքնասիրությունը չտրորվի, արհեստական հոբելյաններ չսարքվեն՝ արտաքուստ հուդայի համբուլը կրող, ներքուստ փշեպսակ»:

Որքա՞ն դառնություն կա հոբելյարի խոսքերում, որքան խոր տառապանք ու միաժամանակ

խիստ դատապարտություն նախահեղափոխական
Հայաստանի տերերի հասցեին:

Այս նույն ճառում նա փորձում է գնահատել
իր վաստակը և խսկական ազնիվ գրողի համես-
տությամբ շատ ավելին է տեսնում իր ընկերակից-
ների վաստակի մեջ, քան իր սեփական:

Արդեն հանրահայտ առակախոսը իր ճառում
ևս մեջ է բերում մի առակ: Ծպտյալ թագավորը
անցնելով արհեստավորների գործատեղերի մո-
տով, բոլորին վարպետ է անվանում, այդ բառով
նա մեծարում է նաև խսիր գործողին: Սրա կինը
ձեռ է առնում ամուսնուն. «Թանկագին խալիչա-
ներ գործողն էլ ուստա, խսիր գործողն էլ ուստա,
Քիրմայի շալ գործողն էլ ուստա, խսան ու դումաշ,
ապրեշումն ատլաս գործողն էլ ուստա, խսիր
գործողն էլ ուստա, էն յաղութ, զմրուխտ, ալմազ
մատանի շինողն էլ ուստա, խսիր գործողն էլ ուս-
տա...»: «Այ կնիկ,—պատասխանում է ամուսի-
նը,—փառք աստծո, ականջովդ լսեցիր, որ ուրիշն
ինձ ուստա անվանեց ու անցավ գնաց, ես հո ինձ
ուստա չեմ անվանում»:

Հոգված Խնկոյանն իրեն գրականության մեջ
«խսիր գործող ուստա» է համարում, իսկ իր ըն-
կերներին՝ խսկական վարպետներ.

«Թող,—ասում է նա,—ավելի ջերմ համբուր-
ների արժանանան իմ քննկերներից գեղեցիկ գրա-
կանություն ստեղծողները, հայ գրականության
համար թանկագին գորգեր գործողները, գունըգ-

գույն կերպաս, մախմոր, մետաքսէ կտորներ պատրաստողները, կտորներ, որոնց գույները երբեք չեն խոնանում: Լալ ու գոհար, յաղութ-զըմրովս մատանիներ շինողները, մատանիներ, որոնք միայն կարող են գեղեցիկներին ավելի գեղեցկացնել, արևի շողբերն ավելացնել, ծիածանի գույները ցոլացնել»:

Թումանյանի, Խահակյանի, հայ դասականների կողքին նույն կրակից վառած թեև փոքրիկ, բայց պայծառ բոց էր Ալթաքեկ Խնկոյանը: Մանկական գրականության բնագավառում Խնկոյանը Ղ. Աղայանից և Հովհ. Թումանյանից հետո դարձավ երրորդ անունը, նա դասական մանկագրության վերջին ու խորհրդային մանկագրության առաջին հերկայացուցիչն էր, այն կամուրջը, որ Թումանյանի գրական դպրոցը կապում էր մեր ժամանակի հայ մանկական գրականության հետ: Եվ նոյնիսկ այն ժամանակ, երբ դեռևս ստեղծագործում էին Աղայանն ու Թումանյանը, երբ Թումանյանը «Հասկերի» էջերում մեկը մյուսի ետևից տպագրում էր իր մանկական գլուխգործոցները, Խնկոյանի փոքրիկ բոցը չէր խամրում այդ հսկայական խարուզկի առաջ: Նա իր տաղանդի ուժով մնում էր ինքնուրույն, յուրօրինակ գրող:

Նա դարձավ հայ խորհրդային մանկական գրականության դպրոցի հիմնադիրը, այն վետերանը, որի ազդեցությունն զգացվում է մեր բոլոր մանկագիրների ստեղծագործության վրա՝ սկսած

Հ. Աղաբաբից, որ նրա կրտսեր ժամանակակիցն էր, մինչև Մ. Կորյունն ու մեր օրերի մանկական բանաստեղծները:

* * *

Մանկական գրականության մեջ ևս տարբեր գրողների նախասիրությունները տարբեր են լինում: Մեկն ավելի մտերիմ է նախադպրոցականների ու դպրոցական կրտսեր տարիքի երեխաների հետ, ավելի հիմնավոր գիտե նրանց հոգին, նրանց հուզգերն ու պահանջները: Մեկ ուրիշին գրավում է պատաճին կամ պատաճիացող մանուկը՝ կյանքի երևույթները (այդ թվում նաև հասարակական հարաբերություններն ամենաընդհանուր գծերով) հասկանալու, երբեմն, նույնիսկ, անգիտակից ձգտմամբ: Տվյալ դեպքում չափազանց կարևոր է հիշյալ նախասիրությունների հաշվի առնումը, քանի որ մանկական գրականությունն ունի մի առանձնահատկություն, որ հատուկ չէ բոլոր մյուս հասակների համար ստեղծվող գեղարվեստական գրականությանը: Մեծահասակների համար գրվող գրքերն ազատ են ընթերցողների «տարիքային ցենզից», դրանցում հաշվի են առնվազան բազմաթիվ այլ գործոններ՝ կապված ընթերցողի կոլտուրական մակարդակի, մտահորիզոնի, աշխարհայացքի ու այլ կենսա-մտավոր հանգամանքների հետ, մինչդեռ մանկական գրականության մեջ այդ բոլորը մղվում է երկրորդ

պլան ու դրա փոխարեն հզոր նշանակություն է ստանում ընթերցողների տարիքային առանձնահատկությունների հաշվի առումը: Սրանով պայմանավորվում է մանուկների համար ստեղծվող գրականության յուրօրինակությունը:

Խնկոյանն առավելապես փոքրահասակ մանուկների գրողն է և այս իմաստով ճիշտ է նրա ստեղծագործությանը մոտենալ այդ հասակի երեխայի կրթության ու դաստիարակության պահանջների տեսակետից: Նա իր ստեղծագործական ավյունի ամենախոշոր մասը նվիրել է աշխարհի ամենափոքրիկ քաղաքացիներին: Սովորաբար մանկական գրողներն սկսում են նախադպրոցականների համար գրված փոքրիկ ուսանավորներով, ինտո, տարիների ընթացքում, կարծես իրենց ընթերցողների հետ հասակ առնելով, սկսում են գրել կրտսեր դպրոցականների, ապա միջին հասակի երեխաների, վերջապես պատանիների համար ու «մանկական աշխարհը» կարծեք «սպառված» համարելով՝ սկսում են գրել մեծահասակների համար: Բայց դրանք մեծ մասամբ այն գրողներն են, որոնք չեն զգում իրենց կոչումը, կամ, որ ավելի հաճախ է պատահում, բնատոր ձիրք չունեն մանուկների համար գրելու:

Այդպիսին չեն Խնկոյանը՝ մանուկների սիրելի Խնկո Ապերը: Նա շատ է գրել նաև մեծահասակների համար, ավելին, նրա առակների մեծ մասը, որ խոր սոցիալական գունավորում ունի,

գրված է ոչ թե մանուկների, այլ նրանց ծնողների համար, սակայն գրական կյանքի առաջին օրերից մինչև վերջ Խնկոյանը չի դաշտանել իր նախաս-սիրությանը: Հայ գրականության մեջ շատ փոք-րիկների, նախադարոցականների և հազիվ գրա-ճանաչ դարձած առաջին դասարանցիների հա-մար ոչ ոք այնքան գործ չի արել, որքան Խնկոյա-նը: «Աղբյուր»-ից, որի մեջ դեռևս 1902 թվականի հունվարին տպագրվել է ամենակրտսերներին հասցեագրված «Պունուր մկնիկը» հեքիալը, մին-չև մեր օրերը ոչ մի գրող այնքան շատ չի եղել մանուկների հետ, մանուկների մեջ, ինքն էլ ման-կացած, որքան այդ զարմանալի անխոնց գրողը: Խնկոյանի երկերը կարդալիս առաջին հերթին ընթերցողը նկատում է գրողի հանդիսարանը: Այդ սրահում նստած են հազիվ լեզուն բացված, միամիտ մանուկներ, որոնց փայփայում, ուրա-խացնում է նա՝ առանց նույնիսկ շանալու որևէ տարրական բան սովորեցնել, իրավացիորեն մտածելով, որ նրանց զբաղեցնելն ու զիարճացր-նելը ինքնին շնորհակալ գործ է: Այդ դահլիճում նստած են այբբենարան գրկած, հետաքրքիր, վատվող աչքերով առաջին դասարանցիները, ո-րոնց նա արդեն սովորեցնում է, զվարճացնելուց բացի «ցուց է տալիս» ու մասամբ էլ խրատում: Մերթ ընդ մերթ գրողն աչքը դարձնում է դեպի դահլիճի անկյունը, ալստեղ նստած են երրորդ-չորրորդ դասարանցիները: Սրանք մի քանի գիրք

արդեն կարդացել են, սրանց թվաբանության դասն այլևս մեկից մինչև տասը չեն, ծանոթ են թվաբանական չորս գործողություններին, այլև ծանոթ են կյանքի, մարդկային-հասարակական հարաբերությունների ամենացցուն, շուտ երևացող ու հեշտ ընկալվող կողմերին: Սրանց համար գրողը կարդում է սեփական ու իր փոխադրած առակները (այն էլ ոչ բոլորը), վերջին տողերում բացատրում այլաբանությունները՝ սովորեցնում, բայց և խրատում, դաստիարակում, նրանց փոքրիկ ձեռքերն իր կոշտացած ափերի մեջ առած առաջնորդում «փորձանքների» ու «կրակների» միջով ու ցուց տալիս մարդասիրությունը, հայրենասիրությունը, ազնվությունը, մարդկային լավ հատկությունները: Սակավ դեպքերում միայն նա դուրս է գալիս իր սիրած դահլիճից, խոսելու ավելի հասուն մանուկների ու պատանիների հետ: Այստեղ նա շփոթվում է, ձայնը փոխում, հաջող ու անհաջող տողերն ու պատկերները խառնում իրար ու վայրկենապես զգալով իր վիճակի անհարմարությունը, շտապում է կրկին մտնել դահլիճ:

Այսպիսին է առաջին տպավորությունը, երբ կարդում ես Խնկոյանի ստեղծագործությունը (խոսքը մանկական երկերի մասին է) և այդ տպավորությունն, իհարկե, ճիշտ է: Խնկոյանը բազմաթիվ ոտանավորներ է գրել, որոնք ոչ այնքան դաստիարակչական, որքան ճանաչողական նպատակ են հետապնդում: Դրանք «միտումնա-

վոր» բանաստեղծություններ են, որոնցում հեղինակն աշխատում է ցուց տալ «աշխարհը», իսկ թոթովախոս «քաղաքացին» դրանից ավելին չի է ուզում, չի էլ կարող ընկալել: Բնությունն իր հրաշալիքներով, իր եղանակներով, իր ծաղիկներով, թռչուններով, նենդանիներով, դաշտերով ու անտառներով, իր ծաղկուն ու պայծառ գարնանային ամիսներով, շոգ ամուսն զուղալ, սառնորակ աղբյուրներով ու գետակներով, աշնան հասուն ու հյութեղ մրգերով, ձմռան բուք ու բորանով, բնությունն ազատ ու արձակ, սիրելի ու գեղեցիկ՝ «զարմանալի» բնությունը,—սա է առաջին հերթին, որ գրավում է փոքրահասակներին: Խնկոյանը առաջին հերթին բնության նկարագիրն է, որ թեթև, հասկանալի, երաժշտական տողերով հրամցնում է իր դահլիճում աղմկող փոքրիկներին: «Գարուն», «Քամի», «Ալգի», «Ծիածան», «Զուկը», «Չորս եղանակ», «Եղևնի», «Աշնան դեմ», «Զմեռ», «Լուսին», «Մեղու» և այլն, և այլն: Ահա Խնկոյանի բանաստեղծությունների վերնագրերը: Սրանցում նա ոչինչ չի «դաստիարակում», բացի հիացական սիրոց դեպի հայրենի բնությունը, որովհետև նոր աշխարհ մտնող մանկան համար ամեն ինչ դեռևս անսովոր է, անծանոթ: Խնկոյանի այս բանաստեղծությունները հաճախ մի-մի պատկերներ են, բնանկարներ, ու զարմանալի չեն, որ այս տիպի երկերը «Հասկեր»-ում և «Հասկեր»-ից հետո ել հեշտ է եղել ձևավորելը:

Իր հովզը փոխ տալով նկարչին, Խնկոյանն ինքը
վրձնում, ձևավորում է նրա նետ: Ահա մի այդպի-
սի բանաստեղծական բնանկար.

Չ Մ Ե Ռ

Ծառը մերկացավ,
Զրկվեց տերնից,
Զյունի փաթիլներ
Խշան վերնից:

Զյուն ու ցուրտ եկան,
Առու, գետ լոեց,
Իր արծաթ գորգը
Զմեռը փուեց:

Զյունը ծնկահար
Նստեց մեծ ճամփին,
Սպիտակ հյուսերը
Կիտեց գետափին:

Պարզ, հասարակ, բնական պատկեր, ճշմա-
րիտ հասկացողություն ձմռան մասին, առանց
Առվնիսկ ձմռան մեջ գեղեցիկի գաղափարը շեշ-
տելու փորձի. սրանում բանաստեղծի վերաբեր-
մունքն իսկ միջնորդված է, ասված միայն ակնար-
կով երկու պատկերի մեջ՝ «իր արծաթ գորգը ձմե-
ռը փուեց» և «սպիտակ հյուսերը կիտեց գետա-
փին», որոնք լավ տրամադրություն ու ինչ-որ ներ-
քին գորովանք են հուշում:

Նույն տիպի բանաստեղծությունն է «Ծաղկանց ծովը», որի նպատակը Հայաստանի լեռների, հանդերի, անտառների, ալգիների ու պարտեզների երփներանգ ծաղիկների հետ երեխաներին ծանրթացնելն է: Մանուշակը, զանգակածաղիկը, մեխակը, բարձմեխակը, շուշանը, մարգարտածաղիկը, ալկակաչը, զարմանազանը, սուսանը, քրքումը, բալասանը: Ահա այդ փետջի ծաղիկները, որոնցից յուրաքանչյուրը մանկան է ներկայացվում իր գեղեցկության ամենաքնորոշ գծերով.

Մանուշակը կապուտ գլխով
Թաք է կացել թփերի տակ,
Զանգակիկը մեղմ ճոճալով
Թերն է նետել կապուտ, սպիտակ:

Գյուղեսապահ մի ծաղիկ կա,
Որ չի բացվում օր ցերեկով,
Նա կբացվի ու հոտ կտա
Արևից ետ, մութ գիշերով:

Մի անթառամ ծաղիկ էլ կա,
Ծաղիկների ծաղիկն է նա,
Նորի ճաման հինգն անթառամ,
Ամառ ձմեռ չի չորանա... և այլն:

Դարձյալ հասարակ, բնական, ճշգրիտ հասկացողություն՝ այս անգամ ծաղիկների մասին, դարձյալ, թվում է, առանց գեղեցկի գաղափարը շեշտելու փորձի, առանց հեղինակային բացար-

ձակ վերաբերմունքի: Նա միջնադարյան բանաստեղծ Դավիթ Սալահորցու կամ Թումանյանի նման չի մարդեղացնում ծաղիկներին, իր հուզը չի արտահայտում նրանց սիմվոլներով, որովհետև գրում է փոքրիկների համար, բայց այն քնքշությունը, որով թվարկում է ծաղիկներն ու նրանց հատկությունները, իր մեջ թաքցնում է նույն լավ տրամադրությունը, նույն ներքին գորովանքը: Մյուս կողմից, եթե նկատի ունենանք, թե միմիան այս մեկ բանաստեղծությունից որքան ծաղիկների անուններ է սովորում երեխան, միաժամանակ ծանոթանալով դրանց բնորոշ երանգավորումներին, հնարավորություն ստանալով դրանք զանազանել միմյանցից՝ պարզ կդառնա, թե որքան ուսուցողական մեծ նշանակություն ունի այսպիսի մի ոտանավորը.

Ահա «Մեղուն».

Պղզան, պղզան,
Պղզպղզան,
Պստիկ մեղու տղզտղզան,
Դաշտ ու հովիտ կշրջես,
Բարձր սարեր կթռչես,
Սուսան սմբուլ կծծես
Ու ոտքերով թափամազ
Փոշի առած տուն կգաս:

Պարզ «քնագիտական գրուց», ուր չկա ոչ մի «պատկեր», ոչ մի բանաստեղծական գյուտ: Առ-

հասարակ իր ստեղծագործության մեջ խնկոյանը ամեննին էլ դեմ չէ բանաստեղծական գյուտին, շողուն պատկերին կամ համեմատությանը, շեշտված վերջավորության ու երբեմն անակնկալ եզրահանգմանը, դեմ չէ բացատրությանը, որ առակներում բարոյախոսական խրատ է պարունակում: Բայց այստեղ ուրիշ է ընթերցողը (երբեմն այդ «ընթերցողը» կարդալ չգիտի, նրա համար կարդում են մեծերը), ուրեմն ուրիշ է նաև բանաստեղծության բովանդակությունը, նպատակը, ձևը՝ բնության մի անկյունը, մի մանրամասնը, դա երեխային ցուց տալու ցանկությունը և պարզ, թեթև, անբռնազբու տողերը երբեմն նրբացրած հմանահնչյունությամբ:

Սակայն այս տիպի բանաստեղծություններում խնկոյանը ոչ միշտ է վերաբերմունքը (ներքին գործանքը բնության հրաշալիքների նկատմամբ) թաքցնում ոտանավորի տողերում, երբեմն նա ուղղակի հայտարարում է, մասնավորապես այն ոտանավորներում, որոնք գրում է ոչ իր, այլ ընթերցողի (երեխայի) տեսանկյունից: Այդպիսին է «Լուսինը».

Լուսին, լուսին,
Լուսերես,
Ինչքան, ինչքան
Կլոր ես:
Լուս ես տալիս

Գիշերով,
Քո վառվոուն
Թշերով:

Այս երկու ոտանավորներն ասվում են երեխայի անոնից և սրանցում ակնհայտ է այդ երեխայի վերաբերմունքը մեղվի ու լուսնի նկատմամբ, մտերմիկ, լավ, բարձր տրամադրությամբ համակված երեխայի: «Մայիս» բանատեղծության մեջ կա նաև մեր հիշատակած հայտարարությունը.

Գարնան ամիս,
Սիրուն մայիս,
Նախշուն նկար,
Բարով եկար:
Եկար, բերիր
Վարդը կարմիր,
Սուսան, սմբուլ
Սիրուն բլբուլ:

Այս տիպի ճանաչողականից գրողը նրբորեն անցնում է դաստիարակչականին և դաստիարակության առաջին աստիճանն է համարում լավի, գեղեցիկի, օգտակարի նկատմամբ սեր արթնացնելը:

Մինչ այժմ հիշատակված բանատեղծություններում Խնկոյանը միայն մի կախարդ նկարիչ էր, որ իր նկարներով շատ փոքրիկ մանկանը ցույց էր տալիս բնության հրաշալիքները: Մանուկն այս-

տեղ ակտիվ էր միայն այնքանով, որ ընկալում էր գեղեցիկը, հնապատճեն դրանով, սովորում: Բայց ահա կամաց-կամաց Խնկոյանը խոսում է մանկան (հենց նոյն տարիքի մանկան) հոգու նաև այլ զգացմունքների հետ: Բնանկարին այստեղ արդեն խառնվում է առաջին փոխաբերությունը, իր հետ քերելով առաջին զգուշավոր սենտենցիան: Խսկական իմաստով սկսվում է քաղաքացիական դաստիարակությունը: Ահա ալդպիսի հազվագյուտ մի ոտանավոր:

ԲԿԼԻԿ ԶԿՆԻԿ

Զկնիկ, լող տուր, լող արա,
Դրսի որսը թող արա,
Իշխր շրի հատակը,
Մինչև անցնի վտանգը:

Տես, փորձանք կա քո գլխին,
Մի լալ մտիկ երեխին,
Որդ է խփել իր կարթին,
Չմոտենաս եդ որդին:

Ինձ չլսեց շեկլիկը,
Ինձ չլսեց բկլիկը,
Հո՞պ, կու տվեց նա որդը
Կարթը մնաց կոկորդը:

Սա առաջին «դրաման» է, որի հետ Խնկոյանը ծանոթացնում է մանկանը: Ոտանավորը երե-

խայի համար կարդալոց հետո մայրն այստեղ կարող է տալ առաջին խրատական հարցը: Եթե նախորդ ուտանավորները կարդալիս նա պիտի հարցներ. «Ինչպիսի՞ն է մանուշակը», «Աշունն ի՞նչ է մեզ տալիս», կամ «Բարով եկած մայսն իր հետ ի՞նչ է բերում», ապա այժմ նա պիտի հարցընի. «Ինչո՞ւ պատժվեց ձկնիկը»: Առաջին «ինչու»-ն, առաջին դաստիարակչական և ոչ ուսուցողական (ճանաչողական) հարցը: Եվ երեխան, բնականաբար, պիտի պատասխանի. «որովհետև քկլիկ էր ու չլսող»: Առաջին «որովհետևը», առաջին պատասխանը դաստիարակչական ու ոչ ուսուցողական հարցին: Եզրակացությունը պարզ է: Այստեղից մինչև առակները (ոչ բոլոր առակները), որոնք ընդգծված դաստիարակչական գունավորում ունեն, մի քայլ է միայն: Այսպիսի թաքնը-ված սենտենցիա ունեցող բանաստեղծությունները նպատակ ունեն աննկատելիորեն զարգացնել, մշակել երեխայի ակտիվությունը, նրան պատրաստել ընկալելու առակներում փոխաբերությամբ արտացոլվող մարդկային հարաբերությունների ամենացայտուն գծերը:

* * *

Խնկոյանի արձակի զգալի մասը հասցեագրրված է նախադպրոցական ու դպրոցական կրտսեր հասակի մանուկներին և այս առումով նոյն օրենքներն ու սահմաններն ենք տեսնում նաև այս արձակում:

Գրականության տեսության մեջ ընդունված էն ժամրերի կայուն բնորոշումներ. այսպես բնութագրվում է նաև հեքիաթը: Դարեր ի վեր այս ժամրի հիմնական առանձնահատկություններից մեկն է եղել մարդկային զգացումների ու հարաբերությունների սիմվոլացումը՝ արտաքինական պատկերացումների մեջ: Մենք չենք քննի այս եռուսպի արմատները, դրանք թաղված են հիմնին, անհմիտական դարերի խորքերում: Բայց հեքիաթի ավանդական ուժը զարմանալի հզոր է, հրաշապատում հեքիաթն իր «հրաշապատումությունը» պահում է նաև մեր օրերում, չնայած դրա համար հասարակայնորեն ոչ մի հիմք չկա: Սակայն դեռևս միշտադարում հեքիաթը ճեղքվում է հասարակական նոր հարաբերությունների առաջացման պայմաններում: Հրաշապատում հեքիաթների կողքին առաջանում է մի նոր միավոր, որ միշտադարում ավելի մերձնում է խրատական զրուցներին, նովելներին, իսկ այժմ մենք կոչում ենք իրապատում հեքիաթ անունով:

Իրապատում և հրաշապատում հեքիաթներ, ահա արդեն տեսական տարանջատում հեքիաթի ժամրի ներսում: Սրանք դեռ ապրում են կողք-կողքի, հրաշապատումը ավագ եղբոր իրավունքով, իրապատումը՝ անջատվելու, ինքնուրույնորեն ձևավորվելու և իրեն այնքան հարազատ պատմվածքի ու զրուցի ժամրերին մերձնալու ձգտումով: Ավելին. մանկական գրականության

մեջ այս երկուաը գտնում են իրենց ընթերցողներին, որոնք տարբերվում են միմյանցից պահանջներով, կարողություններով, հայացքով՝ «աշխարհի» նկատմամբ:

Այս տարանշատումը չհասկանալուց կարող են առաջանալ և առաջացել են հավերժական վեճեր հեքիաթի ժանրի, դերի, կարևորության, անհրաժեշտության մասին: 1890 թ. «Մուրճ» ամսագրում Ղ. Աղայանի «Զանգի-Զրանգի» և «Եղեգնուհի» հեքիաթները վնասակար են հոչակվել մանուկների համար: «Չհավատալով,—կարդում ենք մի հոդվածում,—որ աղջիկը կարող է ձուկ դառնալ, մորթած կաքավը խոսել և չորացած խաղողի վազը՝ իսկուն կանաչել,—այս բոլոր անկարելի սուտերին չհավատալով, երեխան դարձյալ ակամա ենթարկվում է այդ միֆոլոգիայի ազդեցությանը, դարձյալ նորա երևակայության մեջ մտնում են անքնական ու հիվանդու պատկերներ, որոնց մասին չի կարող հաշիվ տալ երեխան, որոնք դարձյալ անորոշ կասկածներ են հարուցում նորա թուլ ու չկազմակերպված հոգեկան աշխարհում»¹:

Չի կարելի ասել, թե այս միտքը տրամաբանական չէ, սակայն Աղայանը սրան պատասխանում է նույնափ տրամաբանական դատողությամբ. «Ել ի՞նչ Հերկուես, եթե նոր սպանած վիշապը պետք է մի հասարակ օճ լինի և ոչ մի հիդ-

¹ «Մուրճ», 1890, № 3, էջ 420:

յա բազմագլուխ, որ եթե մի գլուխը կտրես, մյուսը տնդը բռնի: Եթե այդ վիշապը զարհուրելի է, որքան առավել հիանալի է Հերկուլեսի սիրտը, նրա անվեհերությունը, քաջությունը, նրա հնարագիտությունը»¹:

Այս երկու փաստարկները զուգադրելով, դըժվար չէ կուահել, որ սրանց մեջ հակասություն չկա: Պարզապես բանավիճող կողմերը անտեսում են հեքիաթի ժանրի մեր հիշատակած ճեղքումը, երկու տեսակների տարանջատումը՝ հրաշապատում և իրապատում հեքիաթների «խաղաղ գոյակցությանը» նոյն հարկի տակ, մինչդեռ երևույթը վաղուց արդեն փաստ էր և երկու տեսակներն էլ իրենց ընթերցողներն ունեին: «Զանգի-Զրանգի» հեքիաթը չորս-հինգ տարեկանների համար չէ, դա գրված է միջին տարիքի երեխանների համար և դրանում մարդկային հարաբերությունների սիմվոլիկ արտաքնական պատկերումը չի կարող ճընշող լինել միջին տարիքի երեխայի համար: Դրանով իսկապես Աղայանը կարող է հասնել իր նվիրական նպատակին, որ նա ձևակերպում է մի խորիմաստ նկատումով. «Իմ նպատակն է եղել հեքիաթով հեքիաթական աշխարհը մտցնել երեխային և այդ աշխարհում կրավորական դեր չտալ նրան, այլ ներգործական»²: Բավական էր հիշեցնել տարբեր ընթերցողների «տարիքային ցենզը»,

¹ Պ. Աղայան, Երկեր, հատ. Դ, էջ 335:

² Նոյն տեղում, էջ 334:

հիշեցնել, որ ավելի կրտսերների համար նա ունի իրապատում հեքիաթներ, ավելին, «Գյուլնազ տատի հեքիաթները», որ ավելի շատ իրատական գրուցներ են՝ իրապատում հեքիաթի գեղարվեստական հատկանիշներով:

Բերած օրինակը ցայտուն կերպով ապացուցում է, թե ինչպես կարող է գրողը ստեղծագործության մեջ ճշմարիտ լինել ենթագիտակցորեն:

Խնկոյանը չի մշակել հեքիաթի ժամանակակից տեսությունը (գոնե ինքն իր համար), բայց կամա, թե ակամա նա հետևել է իր ընթերցողների պահանջներին, դրա համար էլ նրա հեքիաթները, ըստ մեծի մասին, իրապատում են, այն աստիճան, որ հեշտությամբ խառնվում են նրա գրուցներին ու պատմվածքներին: Ժողովածուներում պատմվածքների մեջ են «Ես», «Հպարտ աքլորը», «Կաշաղակը» և նման գործեր, միևնույն հեքիաթների բաժնում են «Պուճոր մկնիկը», «Ծիտը» և նմանները, որոնք գեղագիտական հնարանքներով և բնույթով չեն տարբերվում վերը նշված պատմվածքներից»:

Դրանք բոլորը գրված են ամենակրտսերների համար և միայն պայմանականորեն կարող են հեքիաթներ համարվել, ինչպես Ղ. Աղայանի «Գյուլնազ տատի հեքիաթները», եթե հիշենք հեքիաթի ավանդական բնութագրությունը, որ նկատի ունի դասական հրաշապատում հեքիաթը: Խնկոյանի այս կարգի հեքիաթները, առանց բացառու-

թյան, ժողովրդական բանահյուսության նյութերի վարպետ մշակումներ են: «Ծիտը», «Ծոիկը», «Փշկո-Նոնոն», «Կի-կի-լի-կի» և նման նեքիաթները գրված լինելով նախադպրոցականների և դպրոցական կրտսեր տարիքի երեխաների համար, ինչոր գաղափարական խոր բովանդակություն չեն պարփակում: Դրանք պարզապես ուրախ, ֆանտասիկ (բայց ոչ հրաշապատում) պատմություններ են, որոնց գլխավոր նպատակը երեխաներին զվարճացնելն ու զբաղեցնելն է: Սրանցում խոսում, գործում, հրճվում, վշտանում, հուզվում ու հանդարտվում է մարդեղացած բնությունը: Ծիտը կարող է տարօրինակ քաջագործություններ անել, ճոիկը դառնալ եզան հարսնացուն և այլն: Այսպիսի արտաստվոր բաները, ինչպես և Հ. Թումանյանի «Սուտլիկ որսկանում», գրավում են փոքրահասակ երեխաներին, նրանց մեջ առաջացնում զվարթ տրամադրություն և ինքն իրենից գոհ լինելու, ենթագիտակցորեն սեփական արժանապատվությունը զգալու հաճույքը: Ձե՞ս որ նա չի հավատում այդ բոլորին: Այդ բոլորը, ինչպես Ռ. Պատկանյանի մանկական բանատեղծությունների մի ամբողջ շարքը, հենց նրա համար է, որ երեխան նկատի անճշտությունը (սրանում թաքնված է ճանաչողական նպատակը), ուրախանա այն բանի համար, որ ինքը նկատում է տարօրինակը, չափազանցվածը, սխալը (սրանում ամփոփվում է նաև դաստիարակչական նպա-

տակ. այդ տարիքի երեխաներին զվարճացնելը, հոգելը, ուրախացնելը դաստիարակչական նշանակություն ունեցող հանգամանքներ են, եթե նկատի ունենանք Գորկու պաշտպանած «ուրախ գիրք, ուրախ մարդ դաստիարակելու համար» հայտնի ասուլյթը):

Խնկոյանի այս փոքրիկ հեքիաթներում ամեն ինչ (բովանդակությունից սկսած մինչև գրելաձելը) գուտ ժողովրդական է և այնքան լավ մշակված ու հղկված, որ թվում է, թե այդ երկերն այդպիսի բարձրության հասցենելը հեղինակի համար շատ հեշտ է եղել: Դա, իհարկե, ճիշտ չէ, դա մի խարուսիկ զգացում է, որ պաշարում է ընթերցողին հատկապես անթերի, պարզ երկերը կարդալիս: Հ. Թումանյանի «Չարի վերջը», «Անիծած հարսը» այնքան պարզ են, քնական, այնքան «հասարակ», որ յուրաքաչյուր ընթերցողի թվում է թե ինքն էլ կարող էր գոել նման մի բան, թե դրանցում բանատեղծական ոչ մի ճիգ չկա, մինչդեռ մեծ ճիգն է դրանք հասցրել այդ հստակությանն ու պարզությանը: Հենց այդպիսի երկեր են Խնկոյանի փոքրիկ իրապատում հեքիաթները: Խնչպես ժողովրդական համանան երկերում, սրանցում ևս օգտագործվում են մի քանի հնարանքներ, որոնք մի առանձին գրավչություն են տալիս հեքիաթին: Դրանց մեջ առաջինը որնէ դարձվածքի, որնէ հատվածի, երկախտության կրկնությունն է, որ հեշտացնում է ասվածը մըտ-

բում պահելը և միաժամանակ դինամիզմ է մտցը-
նում հեքիաթի մեջ: Այդ հնարանքի վարպետ օգ-
տագործման մի նմուշ է, օրինակ, «Կի-կի-լի-կի»
հեքիաթը: Ահա աքլորը, ասեղն ու կոպալը գնում
են չարչուց ետ խլելու վառելին. դոնից դուրս գա-
լիս կատուն հարցնում է.

— Ո՞ւր եք գնում, Ասեղ,
«Կոպալին հարցրու»:
— Ո՞ւր եք գնում, Կոպալ:
«Աքլորին հարցրու»:
— Ո՞ւր եք գնում, Աքլոր:
Կի-կի-լի-կի... Աքլորն եմ.
Կի-կի-լի-կի... Թագվորն եմ.
Մի հավ ունեմ տունը չե,
Մի հավ ունեմ՝ բունը չե,
Մինն էլ տարել է չարչին:
Գնամ պատճեմ տան միջին:
— Ես էլ կգամ:
«Լավ, արի, երեք չինենք, չորս լինենք»:

Հետո հանդիպում են շունը, իշուկը, ուլիկը: Եվ
ամեն անգամ նույն հարցն ու պատասխանը
կրկնվում են: Ամբողջը թողնում է մի տեսակ խա-
ղի տպավորություն, նույն բանն անընդհատ կըր-
կընվելով երեխայի ականջի համար դառնում է
սովորական, երեխան խսկույն բերանացի է անում
հեքիաթը:

Խաղ: Ամեն ինչ խաղի ձևով:

Խնկոյանը լավ է ուսումնասիրել իր կրտսեր «ընթերցողների» (որոնցից շատերը դեռ գրաճանաչ չեն) ապրելաձևը: Մանկավարժները վաղուց են նկատել, որ փոքրահասակ երեխան ամեն ինչ սովորում է խաղի միջոցով, նույնիսկ աշխատանքը առաջին հերթին խաղ է նրա համար: Դեռևս օրորոցում երեխաները ձեռք են բերում ոիլթի զգացողություն, դրանով է բացատրվում այն բանը, որ նրանք քնում են մեղմ, ոիլթմիկ երգի կամ թեկուզ մահճակալի ոիլթմիկ ճնճոցի ազդեցության տակ: Մյուս կողմից երեխայի համար աշխարհը հրաշալիքներով լի մի վայր է, որտեղ խառնվում են իրականի և երևակայականի սահմանները, ամեն ինչ նոր է, ամեն ինչ գեղեցիկ, ամեն ինչ վառում է նրա երևակայությունը: Այս բոլոր հանգամանքները պիտի հաշվի առնի ամենակրտսերների համար ստեղծագործողը: Կարդալով Խնկոյանի իրապատում հեքիաթներն ու փոքրիկների համար գրված պատմվածքները, զարմանքով նկատում են, թե որքան ճիշտ ու նուրբ է ընկալում հեղինակըն այս ամենը:

Հայտնի է, որ երբ երեխաներն արդեն ծանոթ են առարկայական աշխարհի շատ «մանրամասների» հետ, մեծահասակներն աշխատում են նրանց ծանոթացնել նաև անբոնելի «վերացական» գաղափարներին, լուս, գույն, ջերմություն, եղանակ, երգ, թիվ և այլն: Ընդ որում, դա հնարավոր է անել միայն ու միայն նյութական աշ-

խարիս պատկերներով: Լուսը Աղայանի կրտսեր ընթերցողի համար շոշափելի է դառնում պապուն քարի հետ միասին:

Արև, արև եկ, եկ,
Զիզի քարին վեր եկ...

Այդ դեռ լուսը, որ չի բռնվում, բայց տեսնը-վում է, կամ, ասենք ձայնը, որ չի բռնվում, բայց լսվում է, իսկ մի՞տքը, գգացո՞ւմը, թի՞վը:

Ուրիշ ճանապարհ չկա. դարձյալ ու դարձյալ առարկայական պատկերների օգնությունը: Իզուր չէ, որ առաջին դասարանցին թվեր սովորելու համար տասը փայտիկ ունի: Առանց դրանց նա չի կարող ընկալել թիվը՝ որպես գաղափար: Սակայն փայտիկները միանման են, դրանք քիչ կարող են օգնել յուրաքանչյուր թվի առանձնահատկությունն ընկալելու գործում, հետո, դրանք նույն չեն, ոռ-մանտիկ չեն, հրաշալի չեն... Ուրեմն գեղարվես-տական գրականության մեջ բացի վերացականի առարկայացումից հարկավոր է ելի ինչ-որ բան, այն ոռմանտիկը, հրաշալին, որ այնպես ձգում է փոքրահասակ երեխային: Առարկայացումը են-թագիտակցորեն (կամ թերևս գիտակցաքար) ըն-դունում են բոլորը, տարբեր գրողների ստեղծա-գործությունների մեջ առանձնակին, յուրօրինակը մնում է վերջին հանգամանքը, որ տվյալ դեպքում գեղարվեստականության չափանիշ է դառնում: Ով ինչքանով է կարողանում հետաքրքիր, հրա-

շալի, նուրբ, ոիթօմիկ, ոռմանտիկ դարձնել ասելիքը, այդքանով էլ հասնում է նպատակին:

Ասածը «առարկայացնելու» համար զուգադրենք երեք երկ, որոնք մի նպատակ ունեն. երեխային սովորեցնել հաշվելը, գաղափար տալ «լթիվ» վերացական հասկացողության մասին:

ՄԻ ՆՉԵՎ ՏԱՍԸԸԸ

Մինչև տասը հաշվել գիտե՞ք...
Մտիկ արեք թվեմ մեկ-մեկ,
Ես ու Տարասը,
Հայկն ու Աբասը,
Սոսն ու Մանասը,
Սեթն ու Մինասը,
Կիմն ու Ղուկասը
Եղանք ճիշտ տասը: (Վ. Վարդանյան)

ՇԱՏ ԵՆ Ք

- Ինչքա՞ն ես դու,
- Ես մեկ եմ:
- Իսկ դո՞ւ...
- Դե, ես էլ մեկ եմ,
- Իսկ ես ու դո՞ւ:
- Գիտեմ, երկու:

- Մեզ միանան Սոսն ու Կիմա՞ն:
 — Պարզ է, Էլի,
 Չորս ենք հիմա:
 — Չորս էլ որ գա՞
 Ասա դե շուտ:
 — Կաց մտածեմ...
- Կդառնանք ութ,
 — Ասենք, Հովհկն էլ մոտ եկա՞վ,
 — Այդ.. Այդ արդեն ինը եղավ,
 — Մինաս, դու էլ որ մեզ հյուր գա՞ս:
 — Կդառնանք տաս... (Վ. Տալլան):
- Այս երկու ոտանավորներում առկա է վերացականի «առարկայացումը», ինչ-որ չափով առկա է նաև ոիթմը, խաղացկուն հանգավորումը և այլն, բայց, վերջին հաշվով, սրանք առաջին դասարանցու թվաբանական փայտիկների մակարդակի վրա են, քանի որ եղածը բավական չէ գեղարվեատական կողմն ապահովելու համար, սրանցում չկա ո՞չ շքեղություն, ո՞չ հրաշալիք ո՞չ ոռմանտիկա...
- Այս թեմային անդրադարձել է նաև Աթ. Խնկոյանը, փոխադրելով Բարտոյի «Խմ դասը, 1-ից մինչև 10-ը»¹: Ահա դրա մի հատվածը.
- «Մի տաճ կոթան չալ չալտիկ, տիկ-տի-տիկ,
 տակին ձվեր,
 զարմանում էր.

¹ Խնկո Ապեր, ըստ Բարտոյի «Խմ դասը 1-ից մինչև 10-ը», Պետհրատ, Երևան, 1984:

— Էսքան երկար տիտիկ անեմ, կըոթ-կըոթալեն մտիկ անեմ,

Ծուտ չհանե՞մ...

Մին էլ մի ձու տակից տրա՞ք: Լուս ընկավ կլորիկ ձագ: Նա սուս..., սատեց-նստեց, նոր ընկերի սպասեց:

Մին էլ լսեց համեկարծ ճաքեց մի նոր ձվիկ: Նոր ծըլվիկ ընկավ լուս: Մեկ և մեկ՝ եղան երկուս:

Երկուտվ սուս... սատեցին-նստեցին, նոր ընկերի սպասեցին:

Երրորդ ձվիկից, նեղ տնակից լուս ընկավ նոր ընկերակից: Պուճ-պուճուրիկ, պուճուր քուրիկ: Երկուս և մեկ՝ եղան երեք: Երեքով սուս սատեցին-նստեցին, նոր ընկերի սպասեցին:

Կրկին մի ձու ճա՞ք, տրա՞ք, լուս ընկավ էլի մի ձագ, երեք և մեկ՝ եղան չորս, չորս ճանճափորս:

Չորսով սուս-փուս սատեցին-նստեցին, նոր ընկերի սպասեցին:

Թխախ վերջին ձվիկից լուս ընկավ քիթը ցից մի նոր քուրիկ տընըկ-տինկ: Չորս և մեկ՝ եղան հինգ» և այլն:

Արդ, ի՞նչ տարբերություն կա վերը քերված բանատեղծությունների և նուն նպատակին ուղղված այս իրապատում հեքիաթ-զրուցի միջև:

Ոիթմն այստեղ տարբերվում է բանատեղծությունների ոիթմից, այստեղ կարևորը ոչ թե բա-

Աաստեղծության չափն է, այլ ներքին երաժշտականությունը, որ տեսողական ընկալման մեջ համարժեք է համաչափությանը: «Տիկ-տի-տիկ», «սատեց-նատեց» և նման բառաձևերը, որ առաջին հայացքից նույնիսկ կարող են փոքր-ինչ անհմատ թվալ, հեղինակին հարկավոր են եղել հենց երեխային գրավող այդ ոիթմը, այդ ներքին երաժշտականությունը, համաչափությունը ստեղծելու համար:

Փոքրահասակ երեխան շրջապատում համաչափություն և ոիթմ որոնելու և տեսնելու իր անհոգ տենչով ու կարողությամբ անգիտակցորեն հասնում է խոսքի կամ նույնիսկ անհմատ հնչյունների հանգավորման: Այդ երևույթի տասնյակ օրինակներ է բերում Կ. Չուկովսկին «Երկուսից մինչև հինգը» հպատճի գրքում: Բնական հանգավորումը մոտ է, գրավիչ ու հետաքրքիր, չգիտակցված մի «գյուտ» է երեխայի համար: Այս հանգամանքը ևս վարպետորեն հաշվի է առնված գրվածքում և այն մասը, որը հեղինակը ցանկություն ունի հատկապես ամուր պահել մանկան հիշողության մեջ, տալիս է պարզ ու միաժամանակ հզոր հանգավորումով:

«Նոր ծըլվիկ ընկավ լուս: Մեկ և մեկ՝ եղան երկուս»:

«Երեք և մեկ՝ եղան չորս, չորս ճանճառոս»:

Այսպիսի տողերը չեն թոշի երեխայի մտքից,

ուրեմն և նա կհիշի (թեկուզ և առաջմ որպէս որպէս ոիթմիկ խոսքի խաղ), որ մեկին ավելացրած մեկ հավասար է երկուսի, երկուսին ավելացրած մեկ՝ երեքի և այն:

Ասացինք, որ նոր աշխարհ մտնող մանկան համար յուրաքանչյուր երևոյթ «հրաշալի» է: Դրա համար էլ գրվածքում օգտագործված են «հրաշապատում» երանգներ: Այստեղ ձուն ոչ թե ճեղքվում, կոտրվում է, ինչպես իրականում, այլ տրաքվում է, ինչպես պատկերացնում է երեխան: «Կըրկին մի ձու ճա՞ք, տրա՞ք...»:

Կրկնությունը, նախադասությունը, բառաձեռ մի քանի անգամ օգտագործելը հանրաճանաչ հնարանք է, որով մարդու հիշողության մեջ ավելի կատուն, հաստատուն է դառնում մտապատճերը: Դրանով է բացատրվում ժողովրդական հեքիաթների այս կամ այն հատվածի ոեֆրենացումը:

Այստեղ էլ նոյն նպատակն է հետապնդվում. դարձվածքի ոեֆրենացումը օգնում է երեխային լսածը հիշելու: Ահա բերված հատվածում օգտագործված ոեֆրենը:

«Նա սուս... սատեց-նատեց, նոր ընկերի սպասեց.

Երկուսով սուս... սատեցին-նատեցին, նոր ընկերի սպասեցին:

Երեքով սուս... սատեցին-նատեցին, նոր ընկերի սպասեցին:

Չորսով սուս-փուս սատեցին-նատեցին, նոր ընկերի սպասեցին»:

Ամենից հետաքրքիրը, սակայն, վերացականի «առարկայացման» միանգամայն նոր որակն է: Վ. Վարդանյանի և Վ. Տալյանի ոտանավորներում այդ «առարկայացումը» ի վերջո բավականաշահ «վերացական» է, քանի որ այնտեղ սուկ տասն անունի թվարկում է միայն: Մի քիչ այդպես չէ Խնկոյանի գրվածքում:

Սուր է երեխայի դիտողականությունը: Նորմալ երեխան նկատում է ոչ միայն շրջապատի մեջ եղած համաշափությունները, այլև յուրաքանչյուր կոնկրետ առարկայի ուրուսն գծերը, որոնցով առարկան որպես միավոր տարբերվում է իր նմաններից: Այսպես, երեխայի տեսած ճուտերը բոլորը նույնը չեն, նա դրանք տարբերում է մեկը մյուսից, առաջին հայացքից աննկատելի թվացող տարբերանշաններով:

Եվ ահա բերած հատվածում ձվից դուրս եկած ճուտերն էլ ընդհանրապես իրար նման լինելով չեն շփոթվում իրար հետ. եթե այսպես կարելի է ասել, դրանք անհատականացված են:

Առաջինը—«լուս ընկավ կլորիկ ձագ»:

Երկրորդը—«նոր ծըլվիկ ընկավ լուս»:

Երրորդը՝ «պուճ-պուճորիկ, պուճոր քորիկ»:

Չորրորդը—«լուս ընկավ քիթը ցից մի նոր քուրիկ»:

Այս փոքրիկ, թվում է, աննկատ տարբերությունները շատ լավ մնում են երեխայի հիշողության մեջ, դրանցով էլ նա տարբերում է մեկին մյուսից և եթե փորձենք նկարել տալ երեխային, ապա նա բոլոր ճուտերին կնկարի՝ հիշելով ու հաշվի առնելով նրանց առանձնահատկությունները:

Պարզ է, որ այստեղ վերացականի «առարկայացման» մակարդակն այլևս առաջին դասարանցու թվաբանական փայտիկների մակարդակը չէ:

* * *

Բայց ահա երեխան դուրս է եկել գուտ ճանաչողական ընկալումների հասակից: Մեծահասակները բավարար չափով վարժեցրել են նրա զգայարանները, նա միմյանցից զանազանում է գույները, ձայնային երանգները, ջոկում է ծաղիկների բույրերը, գիտի պտուղների համը, ինչպես և գիտի, թե ինչպես են աճում ծառերն ու ծաղիկները ու ինչո՞ւ է աշխանը դեղնած տերևն ընկնում ծառից:

Սկսում է նոր հասակային ժամանակաշրջան, երբ բնական զարգացման ճանապարհով երեխան հասնում է աշխարհընկալման ավելի բարձր աստիճանի և նրա մեջ ցանկությունն է առաջանում զգայարանների միշոցով ընկալածը ընդհանրացնելու: Ակտիվորեն աշխատում է միտքը, երեխան նկատում է շորջը տեղի ունեցող երևույթների լավն ու բարին, վատն ու չարը և աշխատում է

դրանք զանագանել իրարից, աշխատում է կողմ-նորոշվել: Այստեղ է, որ այլ գործոնների թվում խոշոր դեր է ստանում մանկական գրականությունը՝ ստեղծված այդ տարիքի երեխաների համար:

«Այդ տարիքում,—գրում է Ն. Կ. Կրուպսկայան,—գիրքն առանձնապես կարևոր դեր է խաղում երեխաների համար: Իհարկե, 8—12 տարեկան երեխայի հետաքրքրությունները շատ տարբեր են, բայց և այդ բոլոր հասակների համար սիրան ընդհանուր է՝ հետաքրքրությունը մարդկանց միջև եղած փոխհարաբերությունների, սոցիալական հարաբերությունների նկատմամբ: Այդ տարիքի երեխաների ուշադրության կենտրոնում դեռևս որևէ հասարակական չափանիշ չկա, այդ իմաստով նրանք անզոր են: Ահա ինչու հատկապես այդ տարիքի երեխաների համար անհրաժեշտ է գաղափարական զավածություն: Իհարկե, կարևոր են ոչ թե սոցիալական թեմաների շուրջը ընդհանուր դատողությունները, այլ կոնտրաստային կենդանի պատկերները՝ ներթափանցված սոցիալական բովանդակությամբ: Անհրաժեշտ է հետաքրքիր ֆաբուլա, ծավալվող գործողություն»¹:

Այս բնութագրումը, որ տարանջատում է միշին տարիքի ընթերցողներին նախորդ և հետագա

¹ Н. К. Крупская, О детской литературе и детском чтении, М., 1954, № 21.

հասակներից, պետք է լինի լուրաքանչչուր խմական մանկագրի ուշադրության կենտրոնում: Քաղաքացիական դաստիարակությունը, որ անշուշտ սկզբում է բարորից (ինչպես ճիշտ նկատում է Ա. Մակարենկոն) այս հասակում դառնում է ամենահզոր գործունը և բնականաբար մանկական գրականությունն էլ դրանից է ելնում:

Մեր մանկագրության մեջ այս առումով ամենացայտուն օրինակը, թերևս Խնկոյանն է: Նրա մանկական բանաստեղծությունների, առակների և արձակի գգալի մասը գրված է 8—12 տարեկան երեխաների համար և բնույթով ու գեղարվեստական առանձնահատկություններով բավականաշափ տարբերվում է կրտսերների համար գրածներից: Սրանցում ճանաչողականը չի գերազանցում, գրողի նպատակն այլևս երեխաների գգայրանները սրելը չէ և ոչ էլ ներքին, թաքնված վերաբերմունքը բնույթյան այս կամ այն երևույթի նկատմամբ: Այստեղ Խնկոյանն ավելի շատ աշխատում է ներազդել ընթերցողի մտքի վրա, ճանաչել տալ մարդուն, հասարակական հարաբերությունների մեջ՝ ամենաընդհանուր և երևացող գծերով: Այսինքն՝ սկզբում է բնանկարի շնչավորումը, ճանաչողությունը ծառայում է դաստիարակությանը: Բայց Խնկոյանն այս անցումը կատարում է զարմանալի սահուն, աննկատ, նա կարողանում է երկու հասակների համար գրած գործերը կամրջել ու հանկյալ օղակներով: Արդեն

տեսանք, թե ինչպես «Բկլիկ-ձկնիկի» մեջ նա երեխային ցուց տվեց առաջին դրաման: Դրանից հետո նա նրան է ներկայացնում իր առակների մեծ մասը՝ «մարդկանց միջև եղած փոխհարաբերությունների, սոցիալական հարաբերությունների նկատմամբ նրա աճող ծարավը հագեցնելու»:

* * *

Արդեն «Աղբյուր»-ում և հատկապես «Հասկեր»-ում Խնկոյանը ճանաչված առակագիր էր: Նրա լավագույն առակները ծանոթ էին թե՛ մանուկներին և թե՛ մեծերին: 1917 թվականին, երբ Կովկասի հայոց հրատարակչական ընկերությունը հրատարակեց նրա «Առակներ» ժողովածուն, Խնկոյանին սկսեցին համարել բացառապես առակագիր, համեմատեցին Կոհլովի հետ, մանավանդ, որ նա ամենին էլ չէր թաքցնում, թե առակների զգալի մասը փոխ է առել Կոհլովից և հայացրել:

Առակի մասին Խնկոյանն ունեցել է իր հաստատուն կարծիքը, նա առակը դիտել է որպես առավելապես դիդակտիկ նյութ «փոքր մեծերի ու մեծ փոքրերի համար»: Առակներում նա հիրավի ստեղծում է «կենդանի պատկերներ՝ ներթափանցված սոցիալական բովանդակությամբ», ֆարուղաներն իսկապես հետաքրքիր են, գործողությունները՝ ծավալվող: Այստեղ արտահայտ-

Վում են մարդկային-սոցիալական փոխարարերություններ, որոնց այլևս պիտի ծանոթ լինի միջին տարիքի երեխան:

Խրատական-շահեկան մտքերի շտեմարան է «հին օրերից» եկող ժողովրդական առակը, ինչպես սիրում է կրկնել Խնկոյանը: Խրատական-շահեկան մտքեր, խոհեր ամեն ինչի մասին, այն ամենի, որ վերաբերում է մարդկանց փոխարարերություններին, նրանց դասային ու դասակարգային պատկանելիությանը, վերջապես նրանց «բնածին» հատկություններին ու դրանց բախումին՝ հասարակական բարոյականությանը:

Խնկոյանի առակները, ինչպես նաև հեքիաթներն ու ժողովրդական բանահյուտության նյութերի այլ մշակումները պայմանականորեն կարելի են բաժանել երկու խմբի: Առաջին խմբի մեջ կմտնեն այն երկերը, որոնք մարդկային սոցիալական փոխարարերություններ չեն արտացոլում (թեև դրանք ևս իրենց հիմքում սոցիալական ինչ-որ բան ունեն կամ այդպիսին է նրանց ծագումը: Դրա փոխարեն այդ առակներն ունեն բարոյա-խրատական, դաստիարակչական երանգ և սրանց փոխարերությունն էլ պարզ է, հասկանալի՝ ուղղված միջին տարիքը թևակոխող երեխաներին:

Երկրորդ խմբում են սոցիալական բովանդակություն ունեցող առակները, որոնք ուղղված են միջին ու բարձր տարիքի երեխաներին ու բնակա-

նաբար ավելի քիչ են կապվում վերը հիշատակված «Բկլիկ-ձկնիկ»-ի տիպի բանաստեղծությունների հետ¹:

Առաջին խմբի առակներից են՝ «Վատ ընկերը», «Աքաղաղն ու կտորը», «Անհաղթ աքլորը», «Դեղձանիկն ու տատրակը», «Գորտն ու կովը», «Կապիկն ու հայելին», «Պուտուկն ու շերեփիը» և այլն:

Սրանցից յուրաքանչյուրում գրողը վերցնում է մի մարդկային արատ և փոխաբերական ձևով այն ներկայացնելով երեխային՝ հակակրանք առաջացնում դեպի այդ արատը: Ահա մի օրինակ.

ԴԵՂՋԱՆԻԿՆ ՈՒ ՏԱՏՐԱԿԸ

Դեղձանիկը մի թակարդում
Զարկըվում էր ու թպրտում:
Մի տատրակիկ,
Պուճուր ձագիկ
Ծիծաղում էր նրա վրա.
— Բա ամոթ չէ՞,—ասում էր նա,—
Օր ցերեկով,
Բաց-բաց աչքով

¹ Մի առանձին խումբ են կազմում Խնկոյանի այն առակատիպ բանաստեղծությունները, որ նա գրել ու տպագրել է խորհրդային մամուլում մեծահասակ և առավելապես գյուղական ընթերցողի համար:

Ընկար այդպես
Դու կույրի պես:
Ես լինեի,
Զէի խաբվի,
Իմ արևը:
Մին էլ ընը
Ուն ու թևը
Գցեց ցանցը
Սնապարծը:

Առակի փոխաքերությունն, ինչպես տեսնում ենք, միանգամայն թափանցիկ է. սնապարծությունը, մեծամտությունը պատժվում է: Սակայն Խընկոյանը չի մոռանում, որ իր ընթերցողը ճանաշողական ընկալման հաստկից դեռ նոր է անցնում միջին հասակին, որ նրան հարկավոր է ոչ միայն ցույց տալ (այս անգամ արդեն ոչ թե բնանկար, այլ մարդկային հարաքերությունների մի փոքրիկ դրվագ, «հերոսների» բնավորության գծերը ու կոնֆլիկտը դրանց մեջ), այլն բացատրել: Եվ այսամ է գալիս «առակս ցուցանե»-ի բարոյակուտության, առաջին, ամենակին ոչ ավանդական օրինակը: Առակը վերջացնելուց հետո երեխալի բացականչության նմանակ անելով Խնկոյանը գրում է.

Տեղն էր, տեղը էն տատրակին,
Ինչո՞ւ ծաղրեց դեղձանիկին:

Բարդախատական առակի լավագույն նմուշ
է հանրածանոթ «Ծպուռն ու մրջունը», որ մեր
դասագրքերի զարդերից մեկն է: Այս առակի դաս-
տիարակչական նշանակության մասին խոսելն
ավելորդ է: Սկսած ամենափոքր հասակից մինչև
հասուն տարիք, մարդու դաստիարակության հիմ-
նական կողմերից մեկը ծովության, անհոգու-
թյան, աննպատակության ու անստության խարա-
գանումն է, աշխատասիրության գովերգը: Աշխա-
տասիրության խորհրդանիշն այստեղ, ինչպես
ժողովրդական բանահյուսության մի շարք նյու-
թերում, մրջունն է, իսկ ծովության ու նրան զո-
գակցվող արատների կրողը՝ մոծակը, որ անհոգ
թափառել է, երգել ու պարել՝ չմտահոգվելով
վաղվա օրվա մասին և իր ծովության ու անհոգու-
թյան պատճառով ընկել անելանելի վիճակի մեջ:
Խնկոյանը, որ վերը բերված բանաստեղծություն-
ներում («Բկլիկ-ձկնիկ», «Դեղձանիկն ու տատ-
րակը») այնքան զգուշությամբ էր ակնարկում
ցավալին, կյանքի դրաման, այստեղ այլևս չի
վարանում դրամատիկ պահը «դաժանությամբ»
նկարագրել և արատն ամենայն խստությամբ
դատապարտել: Ծովը, անքանը դատապարտ-
ված է ոչնչացման, բայց նա բկլիկ-ձկնիկի պես
խղճահարություն չի առաջացնում, ընդհակառա-
կը, Խնկոյանը հասկացնում է, որ իր հեղինակա-
յին վերաբերմունքով նա հենց կյանքի այդ արդար
դատաստանի կողմնակիցն է:

— Երգո՞ւմ էիր, շատ բարի,
Այժմ էլ բռնի վեր-վերի,
Քամին ծափ տա, դու պարի:

Նրա այս անակնկալ «դաժանությունը» բխում է հենց այն մեծ մարդասիրությունից, որ գրողն աշխատում է դաստիարակել կյանքի քիչ թե շատ փորձ ունեցող երեխայի պրտում: Ծովությունն ու անքանությունը հասարակական շարիք են և ոչ անփութության և զրախոսության նման անհատական պակասություններ, որոնք քննադատված են «Բեկիկ-Ճկնիկ»-ի և «Դեղձանիկն ու տատրակը» առակի մեջ և քնականաբար դրանք արժանի են ավելի խիստ դատապարտության: Մյուս կողմից, այլևս նույնը չէ նաև ընթերցողը: Սա արդեն մանկական այն հասակն է, որի մասին Աղայանը գրել է. «Ճանկալի է, որ մեր նոր սերունդը ամուր ճարդեր ունենար և ոչ թե թույլ, դյուրագրգիռ, իստերիքական և ախտավոր...»¹:

Ամուր ճարդերի դաստիարակություն,—ահա այդ տարիքի համար գրված առակների (հեքիաթների, զրուցների, լեգենդների և այլն), թեև միշտորդված, բայց կարևոր նպատակներից մեկը:

Բայց այստեղ է նաև, որ հենց երեխայի տարիքով պայմանավորված պահանջով ավելի ու ավելի հաճախ է հանդես գալիս բարոյագիտական

¹ Պ. Աղայան, Երկեր, հատ. Դ, էջ 335 (ընդգծումը հեղինակին է):

խրատը, որն այլևս ձանձրալի չէ, ինչպես տարիներ առաջ, երբ ճանաչողական գրականության տողամիջում պետք էր խնամքով բաքցնել բարոյախոսական (դաստիարակչական) ակնարկը՝ երեխային միանգամից շխրտնեցնելու համար։ Ուղղակի, բացարձակ խրատը հիմնական գործոն է և դադարելու է այդպիսին լինելուց տարիներ հետո՝ ընթերցողի պատաճի հասակում, երբ նա ունակ կլինի ինքը եզրահանգումների հասնելու գրողի ստեղծած կերպարներից, դրանց փոխհարաբերություններից։ Այս հասակի ընթերցողին հարկավոր է չմիջնորդված քարոզը, այժմ, բացի գործողության ընթացքով դաստիարակելու մեթոդից, հարկավոր է նաև հեղինակի ուղղակի պատասխանը այս կամ այն հարցին։ Դրա կարիքը երեխան զգում է, պատահական չէ, որ այդ տարիքում նա ամենամեծ սիրով կարդում է հեքիաթներն ու մասնավորապես առակները՝ իրենց ավանդական բարոյախոսությամբ և ոչ միայն չի խորշում, այլ ընդհակառակը, ծարավի է ուսուցողական, դաստիարակչական երկերի։ Դրա համար էլ գործողության ընթացքով մտքերը բացահայտելուց հետո առակագիրը չի խորշում նույն միտքը հաստատել նաև ուղղակի խոսքով, որ դրվում է կամ պատմության սկզբում, կամ ավելի հաճախ վերջում։ Բերենք մեկ օրինակ նույն՝ ծովությունը խարազանելու համար գրված «Ով ալարի, ոչ դալարի» առակից։

Ալարկոտը չգիտի՝
Չաշխատողը չի ուտի:
Ով ալարի,
Ոչ դալարի:

Բարոյախրատական, կամ ինչպես պայմանականորեն ասել ենք, առաջին խմբի առակները բազմազան են իրենց թեմաներով ու բարոյախրական նպատակներով: Եթե հիշատակված երկու առակի մեջ խարազանվում էր ծովությունն ու անբանությունը, որ հասարակական չարիք են, ապա այլ առակներում Խնկոյանը այպանում է ուրիշ արատներ, որոնք պակաս կշիռ չունեն ու պակաս վճառ չեն հասցնում: Կարեւի է ասել՝ մարդկային ոչ մի թերություն չի վրիպում առակագրի աշքից: Նա անողոք «պատժում» է մեծամտությունը, գոռոգությունը, հիմարությունը, շողոքորթելու և շողոքորթվելու հատկությունները, ստախոսությունը, խորամանկությունը, անտեղի կրքոտությունը, նենգամտությունը և այլն, և այլն: Եվ բոլորը ցցուն փոխաքերություններով՝ մարդկային հատկություններ վերագրելով կենդանիներին ու բուսական աշխարհի ներկայացուցիչներին:

Ահա, օրինակ, «Գորտը և կովը», որտեղ իր մասին մեծ համարում ունեցող ոչնչությունը զոհ է գնում սեփական գոռոգամտությանը.

Գորտը գորտին ասավ.—քենի,
Խնդրեմ էս կողմ մի ետ դադի.

Տես՝ ուռե՞լ եմ,
Փուքն առե՞լ եմ,
Ուղիղն ասա,
Կովին հասա՞։

— Զոր է, վերջ տուր,
Կովն ո՞ր, դու ո՞ր։

— Հիմի՞ն, քեռի,
Ուռա՞ իսկի։

— Շատ չեն զոռի,
Նույնն ես, սակի։

— Մի տես, քեռի...
— Նույնն ես, լոի։

Աշխարհ կանցնի
Եթե գորտը
Կովին հասնի։

— Այ տես, քեռի...
— Թեկուզ մեռի,
Դու բաց աչքով
Չես դատնա կով։

Գորտը ուռավ,
Փքվեց նորից,
Խիստ փուք առավ
Ծաքվեց զոռից։

Ով որ փքվի,
Նա կչքվի։

Ահա տգետը, որ աշխարհի երևոյթները բացատրում է իր տգիտության «բարձունքից»

(«Կապիկն ու ակնոցները»), ահա շողոքորթության սիրահարը, որ թշնամու «Քաղցր լեզվից» խարված՝ զրկվում է իր ունեցվածքից («Ագռավն ու աղվեսը»), ահա նենգը, որ չարիք է նյութում, ապա ինքն իսկ զոհ դառնում իր նենգությանը («Կարիճն ու գորտը») և այլն:

Այս բոլոր առակներն, ի վերջո, սոցիալական գունավորում ունեն, քանի որ սրանցում խարագանվում են հասարակականորեն վճարակար արատները ու սրանց դաստիարակչական նպատակներն ել հասարակական-սոցիալական կշիռ են ստանում:

Սակայն սա այն տարիքն է, երբ երեխան պիտի ծանոթանա նաև բուն իսկ սոցիալական հարաբերություններին. նրան պիտի ասել նաև ինչոր բան մարդու հասարակական ճակատագրի, նրա իրավունքների և սոցիալական սիստեմում դրանց պաշտպանության հնարավորությունների մասին: Լավ է աշխատանքը, դա մարդու գոյության պայմանն է, հիմքը, բայց արդյո՞ք դրա պտուղները վայելում է աշխատավորը, արդյոք երբեմն չի՝ շահում մակարուցը, անարժանը: Ուեալիստ հեղինակը չի կարող աչք փակել այս պիսի հարցերի առաջ, նա չի ուզում խարել իր ընթերցողին, նա պարտավոր է ասել նաև, որ մանկան աչքերի առաջ աստիճանաբար բացվող հասարակական կյանքն ունի դառնություններ, անիրավություններ, որոնք արդյունք են հասա-

իակական-սոցիալական սիստեմի: Ու ստեղծվում
են արդեն իսկական իմաստով սոցիալական ա-
ռակները: Սրանցում կոնկրետ դաստիարակու-
թյան հարցերը մղվում են երկրորդ պլան, իրնաց
տեղը զրջելով հասարակական հարցերին, որ այլ-
ևս հասկանալի են կյանքի որոշակի փոշական ունեցող
երեխաներին: «Ուժեղի մոտ միշտ տկարն է մե-
ղավոր» («Գայլն ու գառը», «Գող մաքին») բա-
ցում է ընթերցողի առաջ Խնկոյանը դասակար-
գային հասարակության գայլային օրենքը, «Լա-
վությունը մոռացվում է միալար» («Հիվանդ եղ-
ջերուն») հիշեցնում է կյանքից առնված օրինակ-
ներով: Եսապաշտերն ու անձնապաշտները
պատրաստ են «մտահոգվել» հանուն հասարա-
կական բարիքի, միայն թե դա չսպառնա սեփա-
կան կյանքին ու բարօրությանը՝ սովորեցնում է
«Մկների ժողովը» հանրահայտ առակում: Անաշ-
խատ, ծով, պորտաբուծ մարդիկ սեփականում,
իրենց են վերագրում այլոց աշխատանքը, դառ-
նորեն նկատում է «Ծանձը» փոքրիկ, բայց խորի-
մաստ առակում.

Խոնարի ու հեզ,
Մի հոգնած եզ,
Արորն ուսին,
Ծանձը պողին,
Մի իրիկոն
Գայիս էր տուն:

Մին էլ ճանփին
Մի ուրիշ ճանճ,
Հենց նստածին
Ասաց.—Տո, ման,
Էս եզան հետ
Որտեղից էդ:

Քիթը տնկած
Ծանճն ասաց.
— Մենք որտեղից.
Վարում էինք,
Վարատեղից:

Մարդը չի շրջապատված միայն ազնիվ բարեկամներով, կյանքում քիչ չեն կեղծավորները, խարեբաները, որ ձգտում են օգտագործել շրջապատի դյուրահավատությունը, զգուշացնում է նա «Մուկն ու կատուն», «Բարեսիրտ աղվեսը» ու նման առակներում:

Եվ ի վերջո, գիծ առ գիծ գծվում է հասարակական կյանքի պատկերը, գործունեության այն ասպարեզը, որ շուտով ոտք է դնելու մանուկ ընթերցող՝ ապագա «ամուր նյարդերով» մարդը:

Առակների կապակցությամբ թերևս ամենից հարմարն է քննել Խնկոյանի լեզվի, բառապաշարի, ոճի և առհասարակ բանաստեղծական հնարքների հարցերը: Հայտնի է, որ Խնկոյանի առակներում թեմատիկ նորությունները սակավ

են: Առակների գգալի մասը, այդ թվում մեր հիշածներից շատերը թարգմանություններ կամ հայացի փոխադրություններ են: Այն առակներն են, որոնք թարգմանություններ ու փոխադրություններ չեն, ըստ մեծի մասին ժողովրդական բանահյուսության նյութերի մշակումներ են և թեմայով վաղոց ի վեր ծանոթ հայ ընթերցող հասարակացնությանը: Սակայն Խճկոյանի բոլոր առակներն են ի վերջո միայն ու միայն նրանն են, որովհետև, ինչպես Թումանյանն է պատկերավոր ասել, աստված կավից մարդ է ստեղծում, իսկ բրոտը՝ կճուճ: Բանն ամեննեին էլ թեմայի նորությունը չէ: Յուրաքանչյուր առակի հաջողության կամ անհաջողության գաղտնիքը մեծ մասամբ պետք է որոնել նրա մշակման վարպետության, այլ խոսքով՝ գեղարվեստական առանձնահատկությունների մեջ: Այստեղ առաջին հերթին պիտի հիշատակել առակի ժողովրդայնությունը, նրա ազգային երանգը: Տաղանդավոր առակախոս Կոիլովը, ինչպես ասել է Բելինսկին, «Ծշմարիտ իրողություն է այդ բառի փիլիսոփայական իմաստով, եթե նույնիսկ նրա բանաստեղծական տաղանդը մեծ էլ չէ, ապա նա միշտ հեճանում է ամուր հիմքի վրա՝ իր ժողովրդի բնավորության վրա... Իսկ այն բանաստեղծը, որի տաղանդը զորկ է ազգային շիթից, միշտ շատ թե քիչ չափով ժամանակավոր երևույթ է... Կոիլովն արտահայտել է ոուսական լայն ու ամբողջական ոգու մի կողմը միայն՝ նրա

առողջ, պրակտիկ միտքը, նրա փորձն ու կենսական իմաստությունը, նրա պարզահոգի, ուժգին իրունիան»:

Եթք Բելինսկու այս նկատողության լուսի տակ քննում ենք մեկ այլ առակագրի՝ Խնկոյանի գրական վաստակը, ապա իսկույն աչքի է ընկնում, թե որքան տեղին են ասված մեծ քննադատի խոսքերը առհասարակ գեղարվեստական գրականության գնահատման առումով։ Նժարի վրա չենք դնում Կոիլովի և Ալթ. Խնկոյանի ստեղծագործությունները, խոսքն այստեղ այդ ստեղծագործությունների ազգային-ժողովրդական ոգու մասին է։ Խնկոյանի երկերի ազգային-ժողովրդական ոգին հայկական է, ճիշտ այնպես, ինչպես Կոիլովինը՝ ուստական, եթե նույնիսկ մի կողմ թողնենք բնակարի հայկական կոլորիտը։ Խնկոյանն ամուր հենվում է հայ ժողովրդի բանահյուսության, նրա բանավոր ստեղծագործության վրա, որը դարավոր զարգացման, հղկման, մշակման, բյուրեղացման պատմություն ունի։ Որքան էլ նա քաջատեղյակ է համաշխարհային առակագրությանը, աչնուամենալիվ, նրա հիմնական աղբյուրը հայ սիօնադարյան առակներն են։ Ընկալելով ժողովրդական իմաստությունը, Խնկոյանն այնքան է սեփականում այն, որ այնուհետև մտածում, գրում, ստեղծագործում է ժողովրդի նման, ժողովրդական բանահյուսության մեջ փայլատակող առաջավոր գաղափարներով, ժողովրդական բանա-

հյուսության գեղարվեստական սկզբունքներով և դա, նույնիսկ, թարգմանությունների ու փոխադրությունների մեջ: Նա արտահայտում է լավ ու ամբողջական հայկական ոգու մի կողմը՝ նրա պայքարի մեջ կոփված, առողջ, գործնական միտքը, նրա փորձն ու կենաւական իմաստությունը, նրա ուժգին իրոնիան:

Ժողովրդական բանահյուսության և առհասարակ ժողովրդի մտածողության ազդեցությունն ամենուրեք զգացվում է Խնկոյանի ստեղծագործություններում: Նա աշխարհը դիտում է, ելնելով ժողովրդի բարոյական կոդեքսից՝ լավի ու վատի մասին, դարերով աշխատավոր գյուղացու մշակած բարոյականության նորմերից, նրա թևավոր, իմաստալից խոսքից, որի մեջ բառերի համար տեղը նեղ է, մտքի համար՝ լավն, նրա անողոք ծաղրի մտրակից, որ Այգեկցու սոցիալական առակներում իսկ նշանակալից է իր ռեալիստական «դաժանությամբ»: Այդ ազդեցությունը երևում է նաև լեզվի, բառապաշտի, ոճի մեջ: Խնկոյանը չի գրում բարբառով, բայց նրա լեզուն հեռու է նաև «կրկված» գրական հայերենից: Ժողովրդական բառաձերը, դարձվածքները, շարահյուսական ձևերը Խնկոյանի թե չափածու և թե արձակ երկերի աղճ են: «Ով աղարի, ոչ դալարի», «Մաղիկ-մաղիկ մղկտալեն», «Այ, ծակամուտ թոռիս թոռը, եղքան չեն տա խելքին զոռը», «Գլխիդ մատաղ», «Թոփի-վոփի», «Էլ ուր է, թե մեծ է ծովը» և այլն:

Ամեն մի առակում տասնյակներով կարելի է գըտ-
նել այսպիսի օրինակներ, և դրանց իրար մոտ
շարելը ոչինչ չէր ավելացնի եզրակացությանը:
Իսկ եզրակացությունը հետևյալն է. Խնկոյանի
նպատակն է եղել երկերի լեզուն հնարավորին
չափ մոտեցնել ժողովրդական խոսակցական լեզ-
վին, դրանով ևս պահել երկի ժողովրդական-ազ-
գային ոգին: Այս հարցում նա Հ. Թումանյանի հե-
տևորդն է, որ կենդանի լեզվի հարաշարժության
մեջ զարգացնան աղբյուրներից մեկն է համարում
ժողովրդական լեզվի, հայկական բարբառների
անքավ գանձերի շտեմարանը: Այդ շտեմարանից
են հանված մեր հիշատակած և էլի տասնյակ ու
հարյուրավոր թևավոր խոսքերը, ասացվածքները,
որ լնիքերցողը գտնում է Խնկոյանի առակներում,
հեքիաթներում, բանատեղծություններում, այդ
շտեմարանից են հանված հումորական պատկեր-
ները՝ «Մուկն ու կատուն», «Մկների ժողովը»,
«Աղվեսն ու խաղողը» և այլ առակներում:

Առակներում (և ոչ միայն առակներում) Խնկո-
յանը տաղաչափական ձևերի օգտագործման
վարպետ է: Նա երբեմն այնպես է փոխում ոիթմը,
որ ստացվում է վետվետուն, դյուրընթեռնելի,
միաժամանակ հետաքրքիր չափ ու հանգավորում:
Այս բանը կարելի է տեսնել բոլոր առակներում,
չափածո գրուցներում ու հեքիաթներում:

Հայ գրականության մեջ քիչ բանաստեղծներ
են այնքան տեղին կարողանում օգտագործել

բնաճայները, զանազան ձայնարկությունները, ինչպես Աթաքեկ Խնկոյանը: Այս հարցում նա Դ. Աղայանի ավանդների շարունակողն ու զարգացնողն է (հիշենք Աղայանի «Հնձվորները»): Բնաճայների նմանակները մանկական գրականության մեջ միշտ ել առատ են եղել: Աղայանից հետո դրանք, առատությամբ օգտագործել է նաև Խընկոյանի ժամանակակից մանկական բանաստեղծ Հ. Աղաբարը: Բայց Աղաբարը շատ դեպքերում միայն բնաճայների վրա է կառուցում ոտանավորը (օրինակ՝ նրա «Ճմբո, ցմբո...» ոտանավորը), մինչդեռ Խնկոյանը չափի օգացումը պահելով կարողանում է դրանք օգտագործել՝ առավելապես բնության ու գյուղական միջավայրի կողորդու ստեղծելու համար («Անհաղթ աքլորը», «Մկների ժողովը» և այլն):

* * *

Միջին տարիքի երեխաներին են հասցեագրը-ված Խնկոյանի հրաշապատում հեքիաթները: Հայտնի է, թե որքան մեծ կարևորություն են տվել Դ. Աղայանն ու Հովհ. Թումանյանը հրաշապատում հեքիաթներին: Աղայանն արել է մի դիտողություն, որ թերևս մեզանում այդ տիպի հեքիաթների ամենադիպուկ բնութագրությունն է. «Հեքիաթական աշխարհը իրական աշխարհի ամենաճգրիտ պատկերն է», — գրում է նա¹:

¹ Դ. Աղայան, Երկեր, հատ. Դ, էջ 334:

Սա նշանակում է՝ իրաշապատում հեքիաթը գնահատել կարելի է միայն իրականության արտացոլման չափանիշով (որքան էլ որ միջնորդված ձևով հանդես գա այդ իրականությունը սիմվոլիկ երևութային պատկերներում, հեքիաթային հարաբերությունների մեջ): Թեև կարող է պարադոքսային թվալ, սակայն սրանում թաքնված է նույնիսկ հեքիաթի նման ժամանի ռեալիստական խորքի պահանջը: Հեքիաթը որպես սույն ժամանց, որպես լոկ «ուրախություն սրտի», չի ընդունում նաև Հովհ. Թումանյանը: Այստեղից՝ նրա արտակարգ պահանջկոտությունն իր ստեղծած կամ թարգմանած հեքիաթների նկատմամբ, հեքիաթի ու կյանքի հարաբերության մասին նրա փիլիսոփայական եզրահանգումը: Ահա թե ինչ ենք կարդում 1922 թվականին Պ. Մակինցյանին գրած մի նամակում.

«Եմ կարծիքով, ես միայն մի հեքիաթ եմ մշակել կարգին (գուցե չնչին պակասություններ ունենա, ով գիտի) և դա «Քաջ Նազարե» է («Մի կարիլ մեղրը» առակ է, թեև ոռուները վրան գրել են սկազկա): Եվ այժմ, եթե ասում եմ «Հազարան Բլրովը» կտամ, որովհետև հավաքել եմ երկար տարիների ընթացքում նրա վաթսունից ավելի վարիանտները: Հեքիաթի մասին ոչ միայն մեր «երջանիկ» աշխարհում—ավելի լավ երկրներում էլ դեռ պարզ հասկացողություններ չունեն: Կարծում են, դա հեշտ ու հանաք բան է: Դա գրակա-

նության մեջ ամենաբարձր արտահայտությունն է, որ ամբողջը հավիտենական սիմվոլներ են»¹:

Իրական աշխարհի ամենաճշգրիտ պատկերը, գրականության ամենաբարձր արտահայտություն, հավիտենական սիմվոլներ (հասարակական հարաբերությունների իմաստով), — այսպես են մոտեցել Աղայանն ու Թումանյանը հեքիաթի ժանրին, այսպես է մոտեցել նաև Խնկոյանը, թեև իր մտքերը չի արձանագրել որևէ հոդվածում կամ նամակում:

Խնկոյանի «հավիտենական սիմվոլները» ծանոթ են մեզ և՛ իր հեքիաթին մոտեցող առակներից, և՛ նրա նախորդների հեքիաթներից: Բարձր հումանիզմ, հասարակական պարտքի զգացում, աշխատանքի ստեղծագործ, մաքրագործող ուժը, հայրենիքի զգացումը, — ահա դրանք են այդ «հավիտենական սիմվոլների» մեջ ներփակված գաղափարները:

«Ոսկե իլիկը» հեքիաթում հակամարտության մեջ են կյանքի չար ու բարի ուժերը: Չարը սիմվոլացված է մարդատյացության, ծովության, գոռոգության, անհամբերության և ընշաքաղցության կրողի՝ հեքիաթային չար քրոջ կերպարում, իսկ բարին ճիշտ հակառակ հատկությունների սիմվոլիկ խտացումն է՝ բարի քրոջ կերպարում: Հի-

¹ Հովհ. Թումանյան, Երկերի ժողովածու, Բատ. 5, էջ 472:

րավի, հեքիաթային են իրադրությունն ու գործողությունների ընթացքը, հրաշապատում են դեպքերը, սակայն երկու պերսոնաժների հատկությունները միանգամայն մարդկային են, թեև չափազանցված: Հեղինակը սիմվոլաբար արտահայտում է մարդկային, այն էլ իր ժամանակի, հարաբերությունները ու եթե հաղթանակը տախս է բարուն, ապա դրանով, թեև ձևականորեն հեռանում է իրականությունից, բայց և արտահայտում է բարու հաղթանակի՝ ժողովրդի մեջ դարերով անթեղված հավատը:

Սակայն այս հեքիաթում ամենագլխավորն, իհարկե, աշխատանքի գովերգությունն է: Ինչպես Թումանյանի և Աղայանի բազմաթիվ հեքիաթներում, այստեղ էլ աշխատանքը սրբագործում է մարդուն, բարձրացնում, վեհացնում է նրան, աշխատանքը այն կապույտ թռչունն է, որ փոխում է աշխարհը և կյանքը մոտեցնում գեղեցիկ հեքիաթին: Սա է այն հումանիստական դիդակտիկան, որ Խնկոյանը դնում է հրաշապատում պատկերների մեջ, այն ուալիստական մոտեցումը կյանքին, որ ուզում է դաստիարակել այս ու համանման հեքիաթներով:

Ժողովուրդը «Հազարան բլբուղը—կամ Ալո-դինյի նաղլը» հեքիաթում արտահայտել է արդարության իր հավիտենական ձգտումը, սոցիալական ու էթնիկական պայքարներում ձեռք չբերածը «հրականացրել» երազների մեջ, այդ հեքիաթային

երազներում հասել Թումանյանի «Ուկե քաղաք»-ին, որ ամենուր իշխում է ազատ աշխատանքն ու արդարությունը, որ երջանկության տաճարն այլև անթերի է, քանի որ արդարության երգըն է հնչում սիմվոլիկ թռչնի կոկորդից: Պատհանական չէ բնավ, որ Թումանյանը «Հազարան բրւբուլ»-ի վարժունից ավելի ժողովրդական տարրերակ է հավաքել, պատահական չէ, որ մեր գրողներից շատ շատերը այս կամ այն առիթով անդրադարձել են այս հեքիաթին, այս մեծ «հավիտենական սիմվոլին»: Սրան անդրադարձել է նաև Խնկոյանը: Նրա մշակումը միանգամայն հարազատ է ժողովրդական պատումներին, ոչ միայն ոգով, այլ նույնիսկ հեքիաթային դեպքերի հաջորդականությամբ: Այստեղ էլ երջանկության ձգտումը թափառումների է մղում երեք եղբայրներին, այստեղ էլ հեքիաթային պատկերների մեջ պարզվում են երջանկության գաղափարի երկու տարրեր ընկալումները: Երջանկությունը, որպես անհատական բարօրություն՝ շրջապատի թշվառության պայմաններում (երկու ավագ եղբայրները), որ ծնում է մարդկային ամենավատ արատները՝ նախանձից մինչև եղբայրասպանություն: Եվ երջանկությունը, որպես համընդհանուր բարիք, որին պետք է մոտենալ ազնիվ, նվիրված, անձնագործ սրտով, քաջ, անկոտրում բազուկներով, բնության տված անաղարտ արդարամտությամբ (փոքր եղբոր կերպարի հիմնական գծե-

ող): Վերջին հատկություններն է դաստիարակում իր մանուկ ընթերցողի սրտում խնկոյանը, դա հեքիաթի մանկավարժական կողմն է, իսկ գեղագիտականը՝ մարդկայինի, իրականի այն գեղեցիկ հեքիաթայնությունը, այն սիմվոլացումը, որ գտնում ենք հրաշապատում դեպքերի ընդհանուր հենքի մեջ և այն պայծառ հավատը, որով ապրում են մարդիկ՝ գալիք երշանկության կապույտ երազներում:

Չգիտես ինչու, Խնկոյանի ժողովածուներից միշտ դուրս է թողնվում նրա, մեր կարծիքով, ամենագեղեցիկ ու խորիմաստ հեքիաթը՝ «Քարացած քույրը», որ տպագրվել է «Հասկեր» ամսագրում, իսկ 1915 թվականին նաև առանձին գրքույկով, «Նվեր մանուկներին» ընկերության հրատարակությամբ: Մեր օրերի հրատարակիչներին հավանաբար խրտնեցրել է «կրոնական» երանգավորումը (հեքիաթում գործում են հրեշտակներ): Բայց դա զուտ պայմանական հանգամանք է և այս հեքիաթի երեք ողորմելի «հրեշտակները» ուրիշ հեքիաթների բարի կախարդների նման հեղինակի բարոյախոսությունը տեղ հասցնելու պաշտոնն ունեցող սիմվոլիկ պերսոնաժներ են:

Ընտանիքում ապրում է երեք եղբայրների միակ քույրը, ծառ ու ծաղկին, կախարդ բնությանը և հարազատ եղբայրներին սիրահարված անձնագործ, մեղմ ու բարի մի աղջիկ: Բայց, ինչպես հարյուրավոր ժողովրդական հեքիաթներում, այս-

տեղ էլ բարին հալածական է: Ոչ ոք չի սիրում նրան, թեև նա պատրաստ է ինքն իրեն մահու տալ հարազատների համար:

«Մարդիկ սառն են, մարդիկ դառն են: Նրանք իրենց չարն ու բարին չեն ճանաչում և դրա համար էլ պատժվում են...», —գրում է հեղինակը: Եվ այդ «սառն ու դառը» աշխարհում բարին փորձում է ջերմացնել մարդկանց հոգին, փոխել աշխարհը: Անհուսալի է մաքառումը, ուժերը անհավասար են, բարու հաղթանակը՝ անհնար: Բայց հեքիաթը հեքիաթ է, և ժողովուրդը սիրում է հեքիաթում իրականացած տեսնել իր նույնիսկ ամենաանհնար երազանքները: Թույլ ու թշվառ քույրը հաղթում է դաժան աշխարհին, փշրում է ատելության սառուցը իր... հեզությամբ, նվիրվածությամբ, ազնվությամբ, մարդասիրական բարձր հատկություններով, որոնք նրա մեջ չափազանցված են, հեքիաթային, բայց որոնք իրական են, հենված մարդկային ընկերական հարաբերությունների ամենապայծառ օրինակների վրա: Քույրը զոհում է իրեն ու փրկում կենդանի սնացած միակ եղբորը, այն եղբորը, որ պատրաստվում էր սպանել նրան:

Սա հեքիաթի այուժետային մեկ գիծն է, որ ընդհատվում է երկի կեսում՝ սկիզբ տալով երկրորդ գծին:

Եղբայրը դաժան է, անիրավ, նաև կույր, քանի որ չի նկատում միայն իր երջանկության համար

բարախող քրոջ սիրտը: Նրան՝ աչքերը բացելու, կյանքը, մարդկային հարաբերությունները ճիշտ ընկալելու համար, հարկավոր է մի արտակարգ ցնցում: Հեքիաթը հեքիաթ է և հեքիաթում ոչինչ անկարելի չկա: Կա նաև պահանջվող արտակարգը: Քույրը բարանում է՝ եղբորը փրկելով, և վերջապես բացվում են եղբոր աչքերը: Սկսվում է երկրորդ անձնազոհության պատմությունը, անլուր տառապանքների, երկար թափառուների մեջ, դժվարությունների դեմ մաքառելով, եղբայրը կատարում է իր եղբայրական և քաղաքացիական պարտքը. նա հազար անգամ նայում է մահվան աչքերին, մինչև փրկում է քրոջը և ինքն իրեն՝ ահոելի խղճի խայլից:

Կառուցված լինելով հայ ժողովրդական հեքիաթի ավանդական հնարանքներով, այս երկն, անշուշտ, կատարել ու կկատարի իր գեղագիտական ու մանկավարժական ռերը, քանի որ սրանում բարձրացվում է այն ամենն, ինչ դարեր ի վեր համարվել է մարդկայնության, ընկերավարական հարաբերությունների իդեալ:

Իհարկե, երբ խոսվում է երկի դաստիարակչական արժեքի մասին, երբեք հարցը չի դրվում կոնկրետ, ուտիլիտար ձևով, մի երկ, նույնիսկ, երկերի բավականաչափ մեծ քանակ չի կարող շուր տալ մարդկային բնավորությունը, դաժանը մի հեքիաթ կարդալով չի դառնա բարեգործ, ինչպես հարբեցողը չի բուժվի բժշկի հետ ունեցած

մի զրուցով: Սակայն գեղարվեստական գրականության առանձնահատկություններից մեկը հենց այն է, որ նա աստիճանաբար, անմկատ, կաթիլ առ կաթիլ լուս է հավաքում մարդու սըրտում, առավել հաջողությամբ, մանավանդ, երբ այդ մարդը 8—12 տարեկան է ու սրտում դեռ շատ ազատ տեղ ունի փրկարար լուսի համար: Այդ ժամանակ տվեք Թումանյանի, Աղայանի հրաշալի հեքիաթները, տվեք նրանց կրտսեր գրչակցի «Քարացած քույրը» հեքիաթի նման հումանիստական երկեր ու, թեկուզ ենթագիտակցորեն, երեխան դրանց տված լուսը կպահի իր սրտի ոսկե ֆոնդում: Ահա թե ինչո՞ւ խոր մոլորություն է այն կարծիքը, թե մեր տեխնիկայի դարում հեքիաթը մահվան է դատապարտված:

«Քարացած քույրը» հեքիաթում ևս Խնկոյանը հավատարիմ է իր սկզբունքներին: Բնությանը սիրահարված բանաստեղծը պատահականորեն չէ բնապաշտությունը, բնասիրությունը դարձրել հաքիաթի դրական կերպարի բարեմասնություններից մեկը: Բնությունն այստեղ էլ, ինչպես նրա տասնյակ ոտանավորներում, ինքնակա, սառը շրջապատ չէ, այլ նախ և առաջ ազատության, բարի ազատության սիմվոլը: «Սիրում էր կապուտ երկինքը, տարագիր ամպերը, դաշտ ու անտառ, ծառ ու ծաղիկ և թռչունների երգը: Որ ամպերին էր նայում, մտքով մի սարից մյուսն էր թըռչում, որ թռչունների ծլվլոցն էր լսում, ինքն էլ մի ծլվլան թռչուն էր դառնում ու թռչունների նման

երգում»: Բնության այս ավանդական շնչավորումը, մասնավանդ երբ հակադրվում է մարդկանց դաժանության ու անարդարությանը, նույնպես դիդակտիկ խորք ունի՝ մարդու սիրտն ազնվացը-նելու միտում:

Ինչպես առակներում ու ոտանավորներում, իր լավագույն հեքիաթներում ևս Խնկոյանը բառացիորեն «խաղ է անում» մտքերի, դրանց կապակցությունների, չափերի ու հանգավորումների հետ: Նա էլ Թումանյանի նման մեկ ընդ մեջ չափածո, հանգավորված տողեր է մտցնում ոհթմիկ արձակի մեջ: Ահա մի օրինակ նոյն «Քարացած քույրը» հեքիաթից.

«Նախշունիկ աստղեր, վառված կանթեղներ, անուշիկ քույրեր, ժպտացիք և ինձ կանչեցիք, երբ ես փախա իմ հոր ձեռիցը, համբույր դրկեցիք, ինձ միտթարեցիք: Կարկաշուն առու, պաղպաջուն առու, դու կյանք բաշխեցիր, դու լեզու առար, հետո խոսեցիր, դու ինձ ասացիր՝ վիշտդ մոռացիր...» և այլն:

Խնկոյանի հեքիաթների մեջ առանձնակի տեղ ունեն նրա կատարած թարգմանություններն ու փոխադրությունները: Խնկոյանը քաջ տեղյակ էր բազմաթիվ ժողովուրդների բանահյուսությանը, ինչպես և ականավոր գրողների հեքիաթներին ու դրանք թարգմանում էր կամ ավելի հաճախ՝ փոխադրում: Կովկասյան, Բուկովինայի հայերի, հարևան ժողովուրդների և քուն հայկական բանահյուսության հրաշալի նյութերի մշակումների կող-

քին կարդում ենք թարգմանություններ Չարսկուց («Երեք արցունք»), Կիպլինգից («Իր գլխի տեր կատուն»), Կոտ Մուլիկայի հեքիաթներից («Երեք երգը»), Վերջապես Պուշկինի «Տերտերն ու իր Բալդի ծառան»), որ հայ թարգմանական գրականության ընտիր էջերից է: Խնկոյանն այս հեքիաթը թարգմանել (լավ է ասել՝ փոխադրով) չ' գերի չդառնալով բնագրի տառին և վարպետությամբ պահելով Պուշկինի երկի խոր միտքն ու բանաստեղծական ոգին: Ընչասեր հարուստի արատը պատժելու առակային վարկածը, որ հատուկ է ոռու մեծ բանաստեղծի այս երկին, հարազատ է եղել առակախոս Խնկոյանին և նրա թարգմանությունը կարդալիս ընթերցողին թվում է, թե գործ ունի զուտ հայկական ծագում ունեցող երկի հետ: Պարզ, «խոսակցական» հանգավորում, տաղաչափական այն նույն խաղացկունությունը, որ հատուկ էր Խնկոյանի առակներին, վերջապես կերպարների (Բալդի, տերտեր, իրիցկին) հայացումը զարմանալի գեղեցիկ ու «բնաշխարհիկ» են դարձրել Պուշկինի հանրածանոթ հեքիաթը:

Նույնը կարելի է ասել Չարսկու «Երեք արցունք» քնարական հմայիչ հեքիաթի և Կիպլինգի «Իր գլխի տեր կատուն» հմացական գրուց-հեքիաթի արձակ փոխադրությունների մասին:

* * *

Միջին տարիքի երեխաներին են հասցեագրված Խնկոյանի մշակած լեգենդներն ու ավան-

դությունները, որոնք, դժբախտաբար, դուրս են
մնալու գրողի պարբերաբար հրատարակվող ժողո-
վածուներից: Լեզենդները, ինչպես և առակներն ու
հեքիաթները, բանահյուսական հիմք ունեն և
արդյունք են նյութի քաջ իմացության: Դեռևս
անցյալ դարի 90-ական թվականների վերջերին
«Աղբյուր»-ում տպագրվում էին երիտասարդ բա-
նաստեղծի ոտանավորները՝ «Ժողովրդական մո-
տիվներ» ընդհանուր խորագրով: Դրանք երբեմն
ժողովրդական խաղիկների մշակումներ էին, որոն-
ցում արտացոլվում էր «զուլումների» վիշտն ու
ժողովրդի տառապանքը, դարիբության մրմուն
ու հարազատի կորսույան կակիծը: Խնկոյանը չի
փոխել դրանց ոգին. ավելին, կարծես չի փոխել
նաև բառապաշարը, շինանյութը, բայց դրանք ա-
նաղարտ ժողովրդական երգեր չեն այլևս, այլ
գրական մշակումներ, ժողովրդականի նմանա-
կությունը պահած, զարմանալի նորբ, ուկեր-
չական փոփոխություններով.

Ահա դարիբության խաղիկներից մեկը.

Այս կանեմ՝ արին կգա,
Թիկոնքս քարին կգա,
Վախում եմ՝ դարիբ մեռնեմ,
Հացկանս դարիբ կգա:

Իմ արմատից պոկվեցա,
Քամին քշեց՝ հեռացա.

Քար ու քռա հողի մեջ
Ես անարմատ չորացա...¹:

Ահա խաղիկ, ուր քովորը սգում է հարազատ
եղբոր կորուստը.

Կաքավը կանգնեց քարին,
Կտուցը լիքը արին,
Նա իմ սև օրն է լալիս,
Եղբորս մորթած բերին:

Վա՞յ, սերը սուր է դառել,
Սրինը ջուր է դառել,
Քար-քանդ լինի աշխարհը,
Ինձ համար հուր է դառել...²:

Այստեղ հետաքրքիրը ոչ միայն թեմայի ընտրությունն է, թեմա, որ համապատասխանում է այդ թվականների հայ իրականության, ինչպես և գեղարվեստական գրականության ընդհանուր ոգուն, այլև գրական մշակման զարմանալի վարպետությունը՝ դեռևս անփորձ մի բանաստեղծի համար: Ժողովրդական խաղիկների մեջ կարելի է գտնել վերը բերած երկու ոտանավորների ոգին, բայց և պատկերներն ու բառապաշարը, սակայն

¹ «Աղբյուր», 1902, № 9, էջ 293:

² Նույն տեղում, էջ 294: Հմնտ. Հ. Թումանյանի տողերի
հետ:

Հ. Թումանյանի նման Խնկոյանը ևս հում ձեռվ չի օգտագործում դրանք, այլ բծախնդիր ընտրությամբ, ջոկելով տասնյակ ժողովրդական խաղիկներից ու համադրելով միտքը խտացնելու համար, այլև փոխելով լեզվական ֆակտորան:

Այդ տարիներին մշակած ժողովրդական մոտիվների մեջ Խնկոյանն արդեն ունի լեզվանման ուսանավորներ, որոնցում կա պարզ ուղղագիծ այուժե, հոգեբանական վերլուծության փորձ ու հեղինակի վերաբերմունքը իր նկարագրած մարդկային փոխհարաբերությունների նկատմամբ: Դրանցից մեկն է «Ալոն»: Սա մի քուրդ ավագակի վերջին շահատակության նկարագրությունն է: Ալոն ճղճիմ է հոգով, արյունաբու, միաժամանակ վախկոտ: Անզեն «գյավուրներին» մորթելուց ու թալանելուց հետո նա ընկըրկում է զինված հակառակորդի առաջ, դիմում փախուստի և մահացու վերք ստանում կոնակից: Ցեղը չի ներում նրան և անունը մոռացության է տալիս արգահատանքով:

Ալոն փախավ թշնամիից,
Ալոն իր ցեղն անպատվեց,
Ալոն մեռավ անարգ մահով,
Ալոն իսպառ մոռացվեց¹:

¹ «Աղբյուր», 1897, № 2, էջ 52:

Եթե մի կողմից այս և նման բանատեղծությունները ժամանակի արյունութ իրադարձությունների անմիջական արգասիքներն էին, հայրենասեր գրողի սրտի անկեղծ պոռթկումները իր տառապած ժողովրդի օրհասական ցավերի հանդեպ, ապա մյուս կողմից սրանք ի վերջո բարոյախրատական երկեր են, որոնցում դեպի մանկագրությունը թեքվող բանատեղծը նաև դաստիարակչական նպատակներ է հետապնդում։ Տվյալ դեպքում նա խարազանում է Ալոյի դաժանությունը և հավասարաշափ՝ վախկոտությունը՝ «Աղբյուր»-ի ընթերցողներին երկու արատներից էլ զերծ պահելու համար։

Այսպիսի ժողովրդական մոտիվների մշակումներից մինչև լեգենդները մի աստիճան էր միայն, բայց մի աստիճան, որին հասնել կարելի էր գրական համապատասխան փորձի ու հասունության պայմաններում։ Դրա համար էլ լեգենդները երեվացին շատ ավելի ուշ, 1910-ական թվականների լավագույն հեքիաթների ու առակների հետ։

Խնկոյանը գրել է և՛ չափածո, և՛ արձակ լեգենդներ։ Դրանց մի մասը ինքնուրույն գործեր են, մի մասը՝ փոխադրություններ, որոնք նրա փոխադրած առակների ու հեքիաթների նման ինքնուրույն ստեղծագործությունների բույր ու արժեք ունեն։ Արձակ լեգենդներից հիշատակելի են հատկապես երկուսը, քաղած հնդկական բանա-

հյուսությունից՝ «Անտառի կանթեղները»¹ և «Կարմրալանջիկը»²: Սրանցում խառնվում են հեքիաթային ու լեգենդային տարրերը: Առաջինն, սրինակ, շատ ավելի հեքիաթի է նման և նպատակ ունի գովերգել լավը, բարին: Բարի մանկիկն այստեղ իր անարատ հոգով հասնում է հրաշքի՝ անտառի ոգին նրա համար գույնզգույն կանթեղները է վառում թոշունների բների մոտ, որ նա տեսնի, զմայլվի բնության գեղեցկությամբ, դյութվի անտառի հավքերի անուշ դայլայլով: Բայց բավական է, որ նա ձեռքը մեկնի ամենագեղեցիկ թոշնին տիրանալու, չքվուն է կախարդանքը, նա զրկվում է անմահական դյութանքից: Շատ ավելի լեգենդային է «Կարմրալանջիկը»: Նույն բարձր հումանիզմն է այս գեղեցիկ երկի հիմքում: Որսորդի պատաճի որդին նետ ու աղեղով մտնում է անտառ, նա իրեն ու հորը կերակրելու համար պարտավոր է սպանել, բայց նա էլ առաջին լեգենդի մանկիկի նման ականջաբաց ու աչքաբաց է բնության հրաշալիքների հանդեպ, նա չի կարող սպանել այն, ինչով զմայլվում է: Հայրը պատժում է նրան, սոված փակում տնակում, մինչև բնության սիրահարը կերպարանափոխվում, դառնում է կարմրալանջիկ թոշուն ու խառնվում ազատ հավքերի երամին:

¹ «Հասկեր», 1913, № 3, էջ 92:

² «Հասկեր», 1913, № 6, էջ 183:

Տիտոր եւ Խնկոյանի լեգենդները, բայց դրանցում, ինչպես նրա լավագույն հեքիաթների մեջ, վեհացնող մի բան կա՝ սերը: Սերը աշխարհի, մարդեղացած բնության հանդեպ, որով շնչում է գրողի հոգին, որով համակում է նա իր մանոկ (և ոչ միայն մանոկ) ընթերցողին: Սա լոկ էաթետիկական ճաշակի վարժանք ու մարզում չէ, այլև խոր փիլիսոփայական հայացք՝ եթե նկատի ունենանք, որ լեգենդներն ել հեքիաթների նման հասարակական կյանքի հավիտենական սիմվոլներ են: Այս միտքը պարզաբանելու համար կանգ առնենք «Ինչիցն է, որ խեցիներն աղմկում են»¹ և «Հողածինը»² չափածո լեգենդների վրա:

Մարդուս չի կարելի պոկել իր միշավայրից, նա կմեռնի այնպես, ինչպես թփից պոկած ծաղիկը, ահա «Ինչից է, որ խեցիներն աղմկում են» լեգենդի հիմնական գաղափարը: Ծովի արքան՝ Նեպտոնն իր պալատում աննման գանձեր ունի: Նրա պալատում ապրում են նաև անման հավերժահարսեր: Դրանցից մեկը անգիտակ անփութությամբ մեղանչում է տիրակալի առաջ: Նեպտոնը նրան պետք է վտարի իր պալատից, ծովից և ահա թե ինչ է պաղատում դատապարտյալը.

Օ՛, հզոր արքա, կարոտից, վշտից,
Անշուշտ կմեռնեմ, երբ զրկվեմ ծովից.

¹ Խնկո-Ապեր, Ժողովածու, 1945, էջ 73—75:

² «Հասկեր», 1912, № 9, էջ 241—248:

Ծովի շաշյունը, ծովի ծփանքը
Կազմել են կյանքիս քաղցր պատրանքը:
Օրոր են ասել ինձ օրորոցում
Ու քուն են դրել ջրերի ծոցում.
Հիմա եթե դու ինձ չես խնայում,
Քեզանից միայն ես այս եմ խնդրում.
Ծովի շաշյունը տուր ինձ հիշատակ,
Որ շոյե հոգիս ամեն ժամանակ,
Ուր էլ որ գնամ, որտեղ էլ լինեմ,
Իմ սիրած ծովի կարոտը առնեմ:

Հիմա դիտենք լեգենդը, որպես «հավիտենական սիմվոլների» երկ: Չէ՞ որ այստեղ հասարակական մեծ խորք է թաքնված, չէ՞ որ սա պատկերավոր խոսք է հայրենիքի սիրո մասին, սեր, առանց որի չի կարող ապրել ոչ ոք: «Նույն՝ հայրենիքի սերև ու կարոտը «Հողածինը» գեղեցիկ սպանելության խոհական մոտիվներից մեկն է: Խընկոյանի այս երկը, որ չի զետեղված նրա ժողովածուներից և ոչ մեկում, հավերժական փիլիսոփայական գաղափարի շուրջը բանաստեղծի մտորումների արդյունք է: Կյանք և մահ, աշխարհն իր չքնաղությամբ և չգոյությունը: Իր նախնիների նման մեր բանաստեղծի հոգին էլ չի հաշտվում մահվան գաղափարի հետ: Նրա քնարական հերոսի սրտում մի բան մրմնջում է, թե «ավելի լավի համար ենք ծնված» (Գյորե), ու նա որոնում է երշանկությունը հավերժության մեջ:

Ես մի այնպիսի տեղ եմ որոնում,
Որ մահ չլինի, մարդը չմեռնի...

Որոնում է: Նրան չի կարող բավարարել սուլ
երկարակեցությունը, երբ տարիներից հոգնած
մարդիկ հաշտվում են մահվան գաղափարին: Նրա
թափառումների ժամանակ երկու անգամ նրան
խոստանում են այդպիսի երկարակեցություն.

Կաց ինձ մոտ, Ռոստոմ, մահը ուշ կգա,
Մահը ուշ կգա, կաց ու ծերացիր.
Կաց ու ծերացիր, կյանքից ձանձրացիր:

Բայց ըմբռատ է հերոսի ոգին, նա չի կարող
հաշտվել բնության օրենքների հետ, չի կարող
ընդունել մահը՝ հավիտենական անարդարությունը, թողել է տուն ու տեղ, թագավորական գահ
ու պատիվ, թողել է սիրասուն մորը՝ անմահության հորը որոնելու համար, թեև չի ճանաչում,
չգիտե, թե ինչ է նրա անոնը: Անմահության ա-
նոնը գեղեցկություն է: Գեղեցկությունը գերում է
նրան.

— Դու որոնում ես անմահությունը,
Այս, ես կյանքն եմ, գերագույն կյանքը,
Ինձ հետ ապրողը անմահ կմնա,
Կյանքը իմ մեջ է, մահը ոտիս տակ:
Ստեղծագործման առաջին օրից

Ես այսպես թարմ եմ, կմնամ պապես,
Աշխարհը որ կա՝ ինձ է պարտական...
Գիտե՞ս ով եմ ես.. «Գեղեցկությունը»,
Կյանքը իմ մեջ է, մահը ոտիս տակ...

Եվ ապրում է Ռոստոմը Գեղեցկության հետ,
մարդը հասնում է անմահության՝ գեղեցկության
հետ, գեղեցկության մեջ, բայց ալդպե՞ս է արդ-
յոք: Արդյո՞ք գեղեցկությունն այն ուժն է, որ չի
ընկրկում ոչ մի բանի դեմ, արդյո՞ք իսկապես հո-
մանիշ են գեղեցկությունն ու անմահությունը:
Ծապոնական բանահյուսության մեջ «Ուրաշի-
ման» և մեզանում այս ավանդությունը (երկուսն
էլ ժողովուրդների դարավոր մտորումների արդ-
յունք) գլխավորապես հենց այս իմաստասիրա-
կան հարցին են ուղղված.

Ոչ,—պատասխանում է դարերի փորձը,—գե-
ղեցկությունը դյութական է, գեղեցկությունն ուժ է,
մեծ ուժ, գեղեցկությունն ինքը ապրում է ինքնա-
կա, գեղեցկությունը թև է տախս մարդուն, անմա-
հության պատրանք, բայց որիշ են «կյանքի հզոր-
ները»: «Ուրաշիմա»-յում գեղեցկությունը նիրվա-
նաւ է, նրա գրկում հերոսը մոռանում է ժամանա-
կը, դրա համար էլ ժամանակն անցնում է արագ:
Նույնն է նաև պատեղ.

Ու ապրեց Ռոստոմն, ապրեց նոր կյանքով,
Ու կյանքը հեքիալթ, ու կյանքը երազ,
Կյանքը հոսում էր երազի նման,

Գեղեցկությունը շքեղ երազ էր,
Ժպիտը շքեղ, կարմիր արշալուս,
Ծով-ծով աչքերը՝ ցնորդի աշխալին,
Մի լուսնակ գիշեր՝ ցոլուն աստղերով,
Մի անհուն երկինք՝ ոնց սերը անբիծ,
Արևն էր ծագում նրա աչքերից,
Կենաատու շունչը՝ անձրևն էր ծաղկանց,
Գլխի պսակը՝ յոթ գույնի աղեղ:
Դա մի երազ էր, մի շքեղ երազ
Ու կյանքն էր հոսում երազի նման,
Հազար ու հազար տարիներ անցան
Ու հազար տարին՝ հազար ակնթարթ...

Բայց ինչպես «Ուրաշիմա»-յում, այստեղ ել
մարդը վերջնականապես երջանիկ չէ ինքն իր
երջանկության մեջ, նրա հոգու մի անկյունում
վառվում է փոքրիկ կալծը, ամենահզորը անմահ-
ներից՝ կարոտը.

Բայց հոգին շունի, շունի հագենալ,
Որ նա կարոտից հանգիստ չի կենալ:
— Մի կարոտ ունիմ, սրտամաշ կարոտ...
Ես կարոտել եմ անուշիկ մորս,
Ազգականներիս, իմ հայրենիքին,
Իմ հայրենիքին, օդին ու ջրին
Ծառին ու ծաղկին, շողին ու շաղին,
Սարին ու ձորին, դաշտին ու հողին...
Ես կարոտել եմ, կարոտն է մաշում...

Կարոտը հաղթում է գեղեցկությանը, Ռոստոմը հեռանում է դիցուհու պալատից: Սկսվում է հոգեբանական դարձը: Փոխվել է աշխարհը, չկան այլևս հարազատ մարդիկ, հարազատ ծխանների ծուխը չկա: Ուրաշիմայի նման Ռոստոմն էլ կամավոր մահ է ընդունում:

Առաջին հայացքից թե՛ ճապոնական, թե՛ կովկասյան ավանդությունները կարող են տիսուր թվալ: Պարզունակ բացատրությամբ՝ ծնվեց-ասւուեց-մեռավ. հոդ էր՝ դարձավ հոդ, չկա անմահություն, հավերժական ոչինչ չկա, բացի, թերևս, հողից, նյութից... Բայց այս բոլորն առաջին հայացքից: Քանի որ երկու դեպքում էլ իմաստափառական խորքն ամեննին էլ այդ չէ: Սիմվոլիկ կարոտը, որ երկու ավանդությունների մեջ էլ հաղթում է Ներվանա-Գեղեցկությանը, ոչ այլ ինչ է, քան կյանքի հաղթանակը մարդու սրտում:

Ի՞նչ է հավերժությունը բուռն ու իմաստալից կյանքի կողքին, նյութական, արթմնի կյանքի, որտեղ կա մայր, սեր, երջանկություն, մարդիկ, հասարակություն ու թեկուզ վշտեր, այդ թվում և մահվան բնական օրենքի իմացության արգասիքը: Իմաստուն է այդ օրենքը, քանի որ դրա մեջ հավերժությունն ապրում է ուրիշ ձևերով, քանի որ մեկ անհատի մահը մահվան հաղթանակ չէ, քանի որ Ուրաշիման և Ռոստոմը արթնանալով տեսնում են կյանքը՝ թեև օտարացած մարդկանց հասարակությամբ հարատևող:

Այն, որ երկուսն էլ նախընտրում են փոշիանալ իրական կյանքում, քան անմահանալ երազների մեջ, կյանքի հաղթանակն է, բնության մեծ փիլիստփայության հաղթանակը: Սա է Խնկոյանի «Հողածինը» լեգենդի իմացաբանական էությունը, որ ներփակված է բանաստեղծական իսկապես գեղեցիկ պատկերի մեջ: Բանահյուսական նյութը բանաստեղծին հնարավորություն է տվել վաստելակայությամբ ստեղծել տարածության և ժամանակի հիպերբոլիկ բնութագրումներ: Այս տեսակետից չափազանց գեղեցիկ է երկարակեցության երկու սիմվոլների՝ Եղջերվի և Արծվի նկարագրությունը: Առաջինը

Չոքել է գետնին, գլուխը կախած
Պոզերի ծայրը ամպերի միջին:

Երկրորդը երկարակեցության դիմաց հեքիաթային տառապանք է վճարում.

Ես եմ նույնապես մահին ենթակա,
Բախտն է որոշել, որ ես ել մեռնեմ,
Բայց իմացիր ե՞րբ, երբ փոսը լցնեմ,
Այ էս անդունդը, որ աչք չի կտրում
Եվ գիտե՞ս ինչով. մանր քարերով,
Որ պետք է կտցով պոկեմ ժայռերից
Եվ իս պոկածը, ասեմ, օրական
Մի ընկույզի չափ քար պետք է լինի...

* * *

Աթ. Խնկոյանի պատմվածքները, որ գրված են դարձյալ միշին տարիքի երեխաների համար, ոչ բոլոր դեպքերում են համապատասխանում պատմվածքի ժանրի ընդունված նորմաներին: Դրանց մի մասը, ինչպես «Ես», «Խխունջն ու սունկը», «Հպարտ աքլորը», «Կաչաղակը», «Ընկուզն ու որդը», «Գայլի խոստովանանքը», «Փղի գերեզմանը» և այլն, իրենց ժանրային առանձնահատկություններով ավելի մոտ են իր իսկ՝ Խընկոյանի առակներին: Դրանք խրատական արձակ էջեր են, որոնցից յուրաքանչյուրի մեջ նա անց է կացնում մի կոնկրետ միտք, ծաղրում մի արատ, պատասխանում համակեցության ու բարոյականության վերաբերող կոնկրետ հարցի: Սրանք բոլորը աչքի են ընկնում նախ և առաջ իրենց զարմանալի սեղմությամբ ու հիշեցնում են Տոլստոյի հանրահայտ մանկական մանրապատումները: Ահա դրանցից մեկը.

ՍԵՐՈԲԸ

— Սերոբ,—ասում է հայրը,—գնա հարևանից արշինը բեր, կտավը չափենք:

— Է՛, բան չունես, հայրիկ, ինչ նեղություն տանք հարևանին, ես գիտեմ, որ մեր կատուն պո-

չից մինչև ականջի ծայրը մի արշին է: Էլ արշինն
ի՞նչ անենք:

— Սերոբ, Սերոբ,—ասում է հայրը,—ապրես,
գնա հարևանից գրվանքանոցը բեր, պանիր կըշ-
ռենք:

— Ե՛, բան չունես, հայրիկ, այ, մեր սատկած
էշի ամբակը մի գրվանքա է:

— Սերոբ, Սերոբ, դու ինձնից թեթև ես, մի
դուրս վազի, տես եղանակը ինչպես է:

— Ե՛ հայրիկ, Էլ ինչ գնամ, կուզես մեր շանը
կանչեմ, թե մազերը չոր են, Բո եղանակը պարզ է:

— Սերոբ, Սերոբ,—շունչը կտրած ասում է
հայրը,—հացը բկիս կանգնեց, ջուր, ջուր, ջուր...

— Ե՛, հայրիկ,—ասում է Սերոբը,—դու Էլ
ինչ դժվար բան կա, ինձ ես ասում...

Առհասարակ այն նուրբ հումորը, որ հատուկ
է Խնկոյանի բազմաթիվ առակներին, նրա այս
տիպի «պատմվածքների» աղճ է: Ինչպես տես-
նում ենք կոնկրետ մեջքերված օրինակում, Խըն-
կոյանն իր կողմից ոչինչ չի ասում, «թաքցնում է»
իր հեղինակային վերաբերմունքը, բայց «թաքցը-
նում է» այնքան մոտիկ, որ մասուկը հեշտությամբ
կարող է գտնել: Ծովը, անպիտան Սերոբը ընթեր-
ցող երեխայի սրտում ծաղր ու հակակրանք է ա-
ռաջացնում և դրանով «խորամանկ» հեղինակը
հասնում է իր մանկավարժական-գեղագիտական
նպատակներին: Այսպիսի մանրապատումներում,
իհարկե, խոսք չի կարող լինել կերպարի ու տի-

պականացման մասին, այստեղ մի ստվերագիծ է միայն, բայց գծված սեղմ հումորի հրաշալի ուժգնությամբ: Առհասարակ Խնկոյանի թե չափածո, թե արձակ երկերի մեծ մասում չպետք է որոնել ամբողջական մարդկային անհատականություններ, ինչպես նրա նախորդների՝ Աղայանի ու Թումանյանի երկերում: Խնկոյանն առավելապես հետևում է կենցաղային «մանր» դեպքերի, մարդկային բնավորության առանձին գծերի շեշտված արտահայտություններին: Նա մի տեսակ մասնատում է «չար» ու «բարի» մարդկանց իր հարյուրավոր բանաստեղծություններում, առակներում, պատմվածքներում, հեքիաթներում, արձակ էջերում՝ միշտ նախանձախնդիր բարոյականության իր սկզբունքներին, և նրա ստեղծագործության հանրագումարի մեջ միայն տեսնվում է և՛ «չարի», և՛ «բարու» ամբողջական կերպարը:

Աթ. Խնկոյանն ունի նաև իսկական իմաստով պատմվածքներ, զրոյցներ, որոնցում նույնական են գրական-ստեղծագործական հնարանքները, սակայն առկա են նաև այս կամ այն չափով ավարտված պումբներ ու կերպավորման ձգտումը: Դրանք շատ չեն ու, թերևս, առանձին որակ չեն կազմում գրողի ողջ ստեղծագործության մեջ, սակայն յուրօրինակ մի երանք են ընդհանուր համապատկերում: Այդպիսի գործեր են «Իմ բադիկը», «Գալոյի աղվեսը», «Բանաստեղծի վարդերը» և այլն: Առաջին երկուսը մանկական հիշողություններ են,

երրորդը պատմվածք է պարսկական մեծ բանաստեղծ Հաֆիզի կյանքից: Երկու մանկական հիշողությունները գրված են ատեղծագործական տարրեր մոտեցումներով. «Դմ բաղիկը» տիտոր պատմվածք է, ապագա բանաստեղծի կյանքում պատահած առաջին խոր վշտի նկարագրությունը: Նա մոր հետ գնում է հարեւան գյուղ՝ քեռանց տուն: Մայրը գնում է հարուստ ազգականներից օգնություն ստանալու ակնկալիքով: Նա օգնություն չի ստանում, իսկ յոթ տարեկան մանուկը երջանկանում է բաղի կաղլիկ ճուտով, որ նրան է նվիրուս քեռու կինը: Բայց մանկան երջանկությունը երկար չի տևում. բաղիկը սատկում է: Կտրատվում է մանկան հոգին, դա առաջին խոր վիշտն է՝ հարազատի մահը, թեկուզ այդ հարազատն ընդամենը մի կադ բաղիկ է:

Մի քանի էջ է Խնկոյանի այս պատմվածքը, բայց զարմանալիորեն շատ է պատմվածք՝ նույնիսկ կերպավորման արվեստի, ել չենք խոսում հոգեբանական վերլուծության տեսակետից: Մոր մասին քիչ քան է ասում հեղինակը, ասենք շատ քան ասելու տեղ էլ չկա, ընդամենը մոր և որդու մի փոքրիկ «ճանապարհորդություն» է դեպի հարեւան գյուղը՝ ակնկալիքով և վերադարձ՝ մեկի համար հիասթափությամբ, մյուսի՝ երջանկության զգացումով: Բայց նույնիսկ այս մի քանի էջի մեջ մայրը գծված է իր բնավորության մի քանի տիպական կողմերով: Հետաքրքիր է նրա՝ գեղշնու-

հու բնականից ճիշտ «մանկավարժական» հնարանքը: Նա որդուն տանում է ունենոր ազգական-ների մոտ՝ նրա մերկությունը և ոտարացությունը ցուց տալու համար: Այդ բնականից սրամիտ կի-նը, նույնիսկ, հանպատրաստից երգիծական ո-տանավոր է հյուսում որդու վիճակի մասին.

Մի տղա կա՝ անունն Աթիկ,
Ոտարբորիկ, անվարտիք,
Թռչկոտում է ինչպես հոդիկ,
Համ ձի ունի, համ մտրակ,
Չունի գուլպա ու գտակ:

Բայց նա որդուն չի ասում իր գնալու նպատակը, ավելին, նա շոյում է որդու ինքնասիրությունը՝ շեշտելով նրա կարծեցյալ կարևորությունը «դըժվար, վտանգավոր» ճանապարհորդության ժամանակ: «Աթիկ ջան, չե՞ս գալիս գնանք քեռանցդ, ես մենակ վախում եմ»: Այս տեսակետից մոր և որդու հոգեվիճակներն ու բնավորությունները բացահայտող մի գեղեցիկ կտոր է պատմվածքի հետևյալ հատվածը.

— Մայրիկ ջան, որ գնանք քեռանց տուն, դու ասա՝ ես երեխան ել բորիկ է հո: Մարդ քեռակինը, են է, կհասկանա, բուրդ կտա, դու ել ինձ համար գուլպա կգործես, հա՞, մայրիկ ջան, կասե՞ս:

— Չե, չեմ ասի, Աթիկ, գուլպան դու պիտի հագնես, դու ել ասա:

— Ես ամաչում եմ, մայրիկ շան, ինչպե՞ս ասեմ, ամոլք չի՞: Է, մայրիկ շան, եթե շասես, էս է ձիուս գլուխը ետ դարձրի, գնում եմ մեր գյուղը, դու մենակ կաց ու վախեցիր: Հը՞, կասե՞ս, թե ոչ:

— Լավ, լավ, մի բարկանա, Ալթիկ, կասեմ, կասեմ, ինձ մենակ մի թողնի, եթե ոչ, կգնամ ու կկորչեմ, էն ժամանակ քեզ ո՞վ մայրիկ կլինի:

— Որ էդպես է, գնանք, մայրիկ շան,—վազեցի ու փաթաթվեցի նրան:

Երկրորդ մանկական հիշողություն-պատմվածքը գրված է երգիծական շնչով: Սնոտիապաշու, խավար գյուղացին գոմում, մթության մեջ անակընկալ հանդիպում է «չարքի»: Լեղապատառ օգնության է կանչում: Ներս են ընկնում յուրայինները, ճրագի լուսով տեսնում են աղվեսին, ընկնում են ետևից, չեն կարողանում ճարպիկ կենդանուն բռնել, իրենց «կատաղի» հարձակումների ժամանակ շարդում են խեղճ անասուններին, շանը վիրավորում: Աղվեսը վախչում է:

Այս զավեշտական պատմությունը, որ շատ է հիշեցնում Թումանյանի «Զախորդ Փանոսը» ու կենցաղային գրուցները, նույնպես գրավում է իր սեղմությամբ և կերպարների մասնակի տիպականացման միտումով: Կենդանի, շոշափելի են Գալոն ու նրա կինը, առաջինն իր անօգնականությամբ, իր անգիտակ վախով «չար ուժերի» հանդեպ իր ներողամիտ խանդաղատանքով սրամիտ, «քաջ» կողակցի նկատմամբ, երկրորդն իր

սրամնությամբ, երգիծելու բնատուր կարողությամբ:

«Որդիներն ու հարսները մի լավ ծիծառեցին, ինքն էլ, Գալո ապին, քմծիծաղ էր տալիս:

— Հա, հա, Զանան, էդ էլ մի բան շինեցիր, գցեցիր գեղամեջ, խալխի բերանը: Ուրիշ կնանիք իրենց մարդկանց պակասությունները ծածկում են, որու ես, որ ինձ ծաղրում ես: Դեհ, փորձանք էր, էլի, եկավ:

— Լավ, լավ, Գալո ջան, ոչ մի տեղ չեմ ասի, մենակ մի մեռելատանը, մի հարսնատանը, մին էլ շատ-շատ՝ ժամումը: Հիմի փափախտ տուր մի աղոթեմ, հաճգիստ քնիր, տեսնենք էն անտերն ինչ է եղել, որ փախել է քո ոտքերի արանքիցը:

Խնկոյանի այս պատմվածքները կարդալիս ակամազից հիշում ես Թումանյանի «Մերոնք» շարքը: Նույն համն ու հոտը, նախահեղափոխական հայ գյուղի նույն ազնիվ, հոգսերի մեջ կորած, բայց կենդանի մարդիկ, վերջապես նոյն ոճն ու բառապաշարը:

Այլ է «Բանատեղծի վարդերը» պատմվածքի ոգին: Սա կապվում է Խնկոյանի մեկ այլ ստեղծագործության հետ, որ կոչվում է «Ֆրդուի» և առանձին գրքով լույս է տեսել դեռևս 1912 թվականին: «Ֆրդուին» նպատակ ունի հանրամատչելի ձևով ընթերցողներին ծանոթացնել պարսիկ մեծ բանաստեղծի կյանքին ու գործունեությանը: Գրավում է նախ՝ իր պատմականորեն դրամատիկ բո-

վանդակությամբ, ժամանակի իրադրությունները ըմբռնելու և բացատրելու հեղինակի կարողությամբ, այն հատվածներով, որ Խնկոյանը թարգմանել է «Շահ-Նամե»-ից, ապա և՝ Մահմոդ շահի ու մեծ բանաստեղծի կերպարները որպես հակոտնյա հատկությունների խորհրդանիշներ գծելու Խնկոյանի հաջողված փորձով: «Բանաստեղծի վարդերը», որի կենտրոնական կերպարը պարսից ժողովրդի մեկ այլ պարծանքն է՝ XIV դարի նշանավոր բանաստեղծ Հաֆիզը, խոհական-քնարական պատմվածք է, որտեղ նույնպես իրար դեմ կանգնում են հակոտնյա հատկությունների կրողները՝ աշխարհակալ Լանկթեմուրն իր դաժանությամբ, փշրելու ապանելու, լլկելու իր գազանային մարմաջով (նա չի ամաչում հայտարել պաշարված Շիրազ քաղաքի բնակիչներին. «Ինչպես այս քարը, ես խոլ եմ դեպի ձեր խնդիրքը») և բանաստեղծն իր մեծ մարդապիրությամբ, որով, ինչպես գազաներին զապողը, կարողանում է սանձել գոռող բուակալին.

«Թող վարդը իր թփին. Եթե քաղվի՝ նա կմեռնի, և դու չես տեսնի նրա գեղեցկությունը և հոտը չես առնի: Թող վարդը իր թփին: Մի՞թե դու չես կարող չքաղած հիանալ նրանով, թող վարդը իր թփին: Եթե չքաղես քեզ համար, կասեն, որ դու իմաստուն ես, դու ողորմած ես: Բայց եթե քաղես, կասեն, որ քո ձեռները վայրագ են ու քո սիրաը անողորս: Թող վարդը իր թփին»:

Այս խոսքերը, որ Հաֆիզի բուն իսկ խոսքերն են, արտահայտությունն են այն մեծ հումանիզմի, որով առաջնորդվել է իր ստեղծագործական կյանքում նաև Խնկոյանը:

Բանաստեղծ Հաֆիզի և որբուկ Դոնիայի միջև տեղի ունեցած միջադեպը (որբուկը գողանում է բանաստեղծի վարդերը, վաճառում ու դրանց գնով կերակրում անձանոթ մուրացիկ պառավիճ), որ պատմվածքի գրական հենքն է, ծառայում է նույնպես այս գաղափարին, օգնում կերպավորելու միջնադարի մեծ հումանիստին:

Թե՛ «Ֆրուսի» և թե՛, մասնավորապես, «Բանաստեղծի վարդերը» գործերում Խնկոյանը զարմանալի հարազատ է մնացել միջնադարյան Արեվելքին, նրա կենցաղին, մարդկանց աշխարհընկալմանն ու աշխարհազգացողությանը: Մի քանի էջում նա կարողանում է ընթերցողին տեղափոխել դարերի խորքը, հուզել իր կերպարների կյանքով ու ճակատագրով:

Այսպիսին է Խնկոյանը իր, դժբախտաբար, սակավաթիվ պատմվածքներում:

* * *

Դեռևս հեղափոխությունից առաջ իր աշխարհայացքով կանգնած լինելով աշխատավորականդեմոկրատական դիրքերում, Խնկոյանը մեր երկրում խորհրդային իրավակարգի հաստատումից

հետո միանգամից գտնում է իր երազած հնարավորությունները՝ ստեղծագործելու ազատ երկրի, ազատ մասուկների համար:

Երկրի սոցիալիստական շինարարությունը, նոր մարդու պարտականություններն ու իրավունքները, հայրենասիրությունն իր արտահայտման բազմազան ձևերով, հումանիզմը, ինտերնացիոնալիզմը, պայքարը հնից մնացած խավարի, տգիտության, սնուտիապաշտության դեմ,—ահա թեմաներ, որոնք իրենց գեղարվեստական մարմնավորումը պիտի գտնեին Խնկոյանի ստեղծագործության մեջ: Հիրավի, խորհրդավիճ տարիներին ստեղծված նրա մանկական երկերի վերնագրերն անգամ ակնառու կերպով ցուց են տալիս այդ փոփոխությունը: «Մեծն Հոկտեմբեր», «Տրամվայը Երևանում», «Պիոներ Հրաչը», «Նավթի լամպա, բարի ճամփա, մոմն էլ քեզ հետ չդառնաք ետ», «Չորս ազգի մայրեր, չորս ազգի մանուկներ», «Միստեր Թվիստեր» և այլն: Սրանք երկեր են, որոնք կարող են ստեղծվել միայն խորհրդավիճ տարիներին: Սրանցից մի քանիսը փոխադրություններ են Մարշակից, Բարտույից և ուրիշ գրողներից, բայց նույնպես «հայացրած», հարմարեցրած Խնկոյանի ստեղծագործությանը հատուկ ժողովրդական ոգուն և այդ առումով ինքնուրուց բանաստեղծությունների արժեք ունեն:

Ստեղծագործության այս երկրորդ էտապում

ևս Խնկոյանը հարազատ է մնում իր սիրած ժան-
իերին և մասնավորապես՝ ձևերին ու գրական
հնարանքներին։ Նա մեծ աշխարհափոխությունը
երգում է ավելի հաճախ ոչ ուղղակի խոսքով, այլ
սիմվոլիկ պատկերներով, որոնցում արդեն վար-
պետացել էր։ Այսպես, դեռևս 1922 թվականին
նա գրում է «Կարմիր գարուն» բանաստեղծությու-
նը, որտեղ սիմվոլիկ ձևով պատկերում է մեր
երկրում սոցիալիստական հեղափոխության հաղ-
թանակը։ Սա գարնան երգ չէ։ Ժողովրդին ծանոթ
էին Խնկոյանի գարնան երգերը, որոնք նկարա-
գրական ոտանավորներ էին։ Ինքը, բանաստեղծն
ել շեշտում է այս գարնան առանձնահատկությու-
նը։ «Դու չես տեսել Էսպես գարուն»։ Սա առաջին
հերթին բանաստեղծի ժողովրդասիրության ար-
տահայտությունն է՝ գրված ժողովրդական երգե-
րի հնարանքներով, նույն «հավիտենական սիմ-
վոլներով», որ տեսանք հերթաթներում ու լեգենդ-
ներում։ Սա խոսք է՝ ուղղված հայ ժողովրդին, որ
եղել է նոր ճանապարհ, որտեղ այլևս չի տեսնելու
«սրտի մրմուռ», չի թափելու «բուռ-բուռ ար-
ցունք», որտեղ «օձը չի ուտելու անմեղ ձագու-
կին»։ Գարունը՝ կարմիր, կակաչը՝ կարմիր, մո-
րին՝ կարմիր և ջերմ խանդաղատանք ու շնորհա-
կալություն, հիացմունքի արտահայտություն կար-
միրի նկատմամբ։ Ոտանավորը հավասարաշափ
հասկանալի է ամեն տարիքի ընթերցողներին, այդ
թվում նաև մանուկներին ու պատանիներին։ Երբ
բանաստեղծը գրում է, թե.

Գարուն եկավ,
Կարմիր գարուն,
Մեծ գետ դարձավ
Փոքրիկ առուն,
Ել չթողեց ճամփին ճահիճ,
Քշեց տարավ օձ ու կարիճ,—

Ընթերցողը հասկանում է, որ այստեղ խոսքը
սույ գարնան մասին չէ, այլ տրված է փրկարար
հեղափոխության՝ բանաստեղծական փոխաբերա-
կան պատկերը:

Նույն «հավիտենական սիմվոլներով» է Խնկո-
յանը հյուտում իր պոեմները: «Մեծն Հոկտեմբեր»
պոեմն, օրինակ, ոչ այլ ինչ է, քան եթե հեղափո-
խության նկարագրությունը չափածո հեքիաթի
հնարանքներով: Այստեղ հեքիաթային-սիմվոլիկ
են և՛ հեղափոխական, և՛ հակահեղափոխական
ուժերը (թեև բանաստեղծը գրում է նաև պրոլե-
տարիատ ու բոլորուազիա բառերը), այդ ուժերը
ընդհանրանում են «չար» ու «բարի» սիմվոլների
մեջ: Ազատությունը «անմահական շուր է», որի
համար կովում են հեքիաթային նժոյգ հեծած հե-
րոսները.

Խնքս տեսա,
Քանի, քանի
Քաջ պատանի,
Նոր-նորահաս,
Հեծած նժոյգ,
Հեծած պեգաս,
Անմահական

Զրի ճամփին,
Թե մեն-մենակ—
Թե խմբովին,
Մի անհոգի
Հրեշ-վիշապ,
Չար վիուկի
Կախարդական
Գավազանով
Ժեռ քար դարձան,
Քարե արձան...
Բայց թե վերջ կար
Նաև չարին:
Դեռ չեր անցել
Հինգ-վեց տարին,
Եկավ կանգնեց
Մեջտեղ բարին,
Որ ծնվել էր լաց ու կոծից,
Ծով արցունքից...
Սրտի հուրքից,
Հոգու կրքից,
Ներքին հարկից,
Մուրճի զարկից,
Խոփի գորքից
Այդ բոլորի
Երկ-երկունքից՝
Մի վիթխարի
Հուժկու հսկա
Նրա գովքը
Անել չկա... և այլն:

Այսպես, անդավաճան ինքն իրեն, իր ոճին, Խնկոյանը մանուկների հետ խոսում է նոր գաղափարների մասին հիմ ձևերով: Առհասարակ հեղափոխությունը, դասակարգային պալքարը, սոցիալական բարդ հարցերը փոխաբերություններով ու սիմվոլներով արտահայտելը քանական թվականների մանկական գրականության ամենաընդունված հնարանքներից մեկն է եղել: Դա բացատրվում է մի կողմից բարդ գաղափարները առօրեական, հասարակ, մատչելի համեմատություններով ու պատկերներով տեղ հասցնելու միտումով, քանի որ գրողը նկատի ունի իր ընթերցողների տարիքը, սոցիալական պրոբլեմները համապարփակ ու ամբողջական ձևով ընկալելու անկարողությունը, մյուս կողմից այստեղ երկրորդական դեր չի խաղացել գրական ավանդը, ուժը՝ ընդունված, ժամանակի քննությունը բռնած ձևի, որ առհասարակ գրականության մեջ շատ ավելի կայուն է, քան բովանդակությունը: Նոր բովանդակություն հիմ, մշակված ձևերի մեջ,—ահա այդ տարիների մանկագրության բնորոշ հատկանիշներից մեկը: Այսպես որ այս հարցում Խնկոյանն ամենախն էլ բացառություն չէ¹:

1 Նույն հնարանքներով են գրված Ստ. Մանուկյանի «Ով աշխատի—նա կուտի», Մ. Դարբինյանի «Յարն ու մուրճ» երկերը, երկուսն ել հեղափոխության պատկերումներ՝ սիմվոլներով ու փոխաբերություններով:

Բայց Խնկոյանի ուժն այս տիպի երկերի մեջ չէ: Խնչակն հեղափոխությունից առաջ, այնպես էլ 1920-ական թվականներին նա առավելապես փոքր կտակի՝ լիրիկական չափածոյի վարպետ է: Քայլ առ քայլ հետևելով մեր կյանքի գարգացմանը, նա քնարական փոքրիկ բանատեղծություններ է հասցեագրում իր երազած ապագայի կառուցողներին, փոքրիկ քաղաքացիներին, գովերգում նրանց աշխատանքը, ուսման ծարավը, այն երկիրը, որ նրանք ծաղկելու ու փթթելու հնարավորություններ են ստացել («Չորս սերունդ», «Պիոներական քայլերգ», «Հոկտեմբերիկների երթը», «Մենք պիոներ ենք», «Այս գարնան հետ» և այլն): Սրանցում հաճախ նոր չեն դաստիարակչական նպատակները, բայց խրատն այլևս կապվում է կոնկրետ միջավայրի, հասարակական որոշակի պարտականությունների հետ: Օրինակ, աշխատանքի, աշխատասիրության գաղափարը միշտ էլ Խնկոյանի ստեղծագործության հիմնական մոտիվներից մեկն է եղել: Այժմ էլ նա երգում է աշխատանքը, բայց նրա երգերում այդ գաղափարն այլևս վերացական չէ, այն ուղղված է նոր մարդուն և արծարծվում է հանուն նոր հասարակության: Այդպես է «Ընկեր» բանատեղծության մեջ.

Աշխատանք կուզի
Աշխարհը նորիկ:

Նա այժմ ավելի համարձակ կարող է կարդալ
աշխատասիրության դրդող իր խրատը, քանի որ
բանաստեղծի համար ավելի հեշտ է ցուց տալ
աշխատանքի հասարակական օգուտը, այլև գնա-
հատումը նոր հարաբերությունների պայմաննե-
րում.

Աշխատանքը մեր
Չի կորչի անհետ,
Անմահ կմնա
Վեհ մտքերի հետ:

Այս շարքում խսկապես հմայիչ են Խնկոյանի
մի քանի փոխադրությունները, հատկապես «Զորս
ազգի մայրեր, չորս ազգի մանուկներ» երկարա-
շունչ ոտանավորը՝ ըստ Բարտոյի: Մի քանաս-
տեղծություն-խաղ, որ ճանաչողական արժեքից
բացի ունի նաև դաստիարակչական նշանակու-
թյուն, քանի որ սերև և խանդաղատանք է առա-
ջացնում ընթերցողի սրտում, երկրի վրա ապրող
բոլոր ժողովորդների նկատմամբ և անցկացնում
միշագգային եղբայրության գաղափարը:

Ինչ վերաբերում է Խնկոյանի այդ տարիներին
գրած պոեմներին, ապա պիտի ասել, որ քանա-
կան թվականներին ու մասամբ նաև երեսնական
թվականների առաջին տարիներին մեր պոեզիա-
յում նկատվող ընդհանուր թերությունները՝ սին-
մատիզմը, միամիտ սոցիոլոգիզմի տարրերը իրենց

հետքն են թողել նաև դրանցից մի քանիսի վրա: Այսպես, օրինակ, ժամանակին բարձր են գնահատվել Խնկոյանի «Զորագէսի երգը», «Տրամվայը Երևանում» պոեմները: Այդ գնահատականը ակնհայտորեն չափազանցված է: Այս երկերի մեջ էլ, ինարկե, Խնկոյանն աշխատում է հավատարիմ մնալ իր ստեղծագործական ընդհանուր սկզբունքներին: Սրանցում կա հետաքրքիր միտք, բովանդակություն: Ասենք, «Զորագէսի երգը» պոեմում մարդեղացնելով գէսը, հեղինակը նրա բերանով պատմում է Անդրկովկասի սոցիալիստական վերաշինությունը, «Տրամվայը Երևանում» պոեմում գովերգում խորհրդային երկրի մարդկանց աշխատանքային ոգևորությունը և այլն: Սակայն այս՝ իր համար նոր թեմաները Խնկոյանը չի կարողանում մշակել իր լավագույն երկերին հասուն հստակությամբ: Սրանցում մերթ ընդ մերթ գաղափարն արտահայտվում է մշուշապատ ֆրազներով, աննյութ, անշոշափելի պատկերներով, ինչպես օրինակ.

Հայաստանը ցարի գաղութ,
Միության հետ՝ ալմաստ յաղութ...

Կամ՝

Բայց զննում է անդադար
Երևանում ընդհանուր
Բոլշևիկյան մուրճը կուռ:

Նա զարկում է, նա զարկում,
Կայծակտում է, կայծարկում,
Սլրում հինը և եղծում
Նորը կերտում, ստեղծում:

Այս հանգամանքն ըստ երևոյթին ունի նաև իր սուբյեկտիվ պատճառները: Բնությունից, երեխայի հոգեբանության վերարտադրությունից, իմաստալից ժողովրդական բանահյուսության համեմ ու հոտը ունեցող երկերից դուրս, Խնկոյանը նույն հմայքը չունի, այդ հմայքը խաթարվում է, երբ նրան է խառնվում ժուռնալիստական ագիտկան, ինչպիսիք են «Մաճկալ» և «Հայաստանի աշխատավորութի» պարբերականներում տպագրված նրա բազմաթիվ հոդվածները, ուղղված հայ գյուղացիներին: Այնուեղ նրա ընթերցողները, թեկող և կիսագրագետ, բայց մեծահասակներ են, այնուեղ խոսքը հենց այդ մեծահասակների ցավերի ու հոգսերի մասին է, այս իմաստով «Մաճկալի» և «Հայաստանի աշխատավորութի» հանդեսի ագիտկաները ժամանակին ունեցել են իրենց դերն ու նշանակությունը: Մինչդեռ այստեղ, մանկական գրականության մեջ, դրանք անտաշ սեպեր են՝ սրբատաշ, ողորկ, տառապանքով ու չարչարանքով մշակված ծաղկանկար քարերի արանքում:

Այժմ քիչ են հիշվում Սթաբեկ Խնկոյանի արձակ ու չափածո գրուցները, ակնարկները, ֆելիետոնները, ագիտկաները՝ գրված մեծահասակների, հայ գյուղացու և գեղջկուհու համար, տպագրված քանի-երեսնական թվականների մամուլում՝ «Մաճկալ», «Հայատանի աշխատավորունի», «Անատված» և այլ պարբերականներում։ Իհարկե, Խնկոյանի ընդհանուր գրական վաստակի մեջ այդ երկերը, թեև քանակով բավականաշատ շատ, գեղարվեստական առումով մնացուն արժեք չեն ներկայացնում։ Մի առիթով Մ. Գորկին Դ. Բերենու մասին ասել է, թե նա ստիպված էր իր գրական ձիրքի օգաղի մասը նվիրել հավուր պատշաճի, կարևոր ագիտացիոն աշխատանքին։ Նույնը կարելի է ասել մեր քանատեղի մասին։ Հիշյալ պարբերականներում, ինչպես նաև առանձին գրքույկներով տպագրված Խնկոյանի այն գործերը, որոնք հասցեագրված են մեծահասակներին, ժամանակի հասարակական-քաղաքական հարցերի գեղարվեստական մատուցման փորձեր են։

20-ական թվականները հայ պոեզիայի լուրջնեակ տարիներ էին։ Այդ տարիներին պոեզիայի հիմնական մոտիվները դարձան գյուղում ու քաղաքում տեղի ունեցող տցիալական տեղաշարժերը, հեղափոխության շարունակությունը խաղաղ պայմաններում։ Գրականությունը կոչում ուներ

արտացոլելու նորը, որ շատ դեպքերում տարօրինակ ու անհասկանալի էր, մանավանդ գյուղերում, որ մատների վրա էին հաշվվում գրագետ մարդիկ, որ հեղափոխության գաղափարների հաղթանակը անձնագոհ աշխատանքի տարիներ էր պահանջում:

Այս իմաստով յուրաքանչյուր գրող ու բանաստեղծ, եթե իրեն համարում էր «բարիկադի այս կողմում», պարտավոր էր արձագանքել համընդհանուր պայքարին, զինվորագրվել կուլտուրական հեղափոխության գործին: Իրեն այդ գործի զինվորն էր համարում նաև հիսունն արդեն բոլորած Աթարեկ Խնկոյանը: Խմանալով հայ գյուղը, հայ գյուղացու կյանքն ու հոգսերը, այլև իր գյուղացիական-աշխատավորական աշխարհայացքով լինելով հայ աշխատավոր գյուղացու ցավաքաշը, Խնկոյանն առանց երկմտելու նոր գրիչ առավ: Արդեն 1923 թվականին, եղբ հիմնադրվեց գյուղացիական «Մաճկալ» թերթը, Խնկոյանը դարձավ դրա ակտիվ աշխատակիցը (տարիների ընթացքում նաև ստեպ-ստեպ փաստական խմբագիրը) և սկսեց տպագրել իր բազմաթիվ ուսանակորներն ու մտերմիկ գրուցները հայ գյուղացիների համար: Սրանք մեծ մասամբ կենցաղագրական բնույթ ունեն և վերաբերում են գյուղի կուլտուրական վերաշինության հարցերին: Պայքար խավարի ու տգիտության դեմ, դպրոց, մանկամտուր, անասնաբուժական կայան, հողի քիմիա-

կան պարարտացումը, վարճ ու հունան՝ ժամանակին, գյուղկոռապերացիա, մաքուր կենցաղ: Բայց և պայքար կրոնի, կուլակի ու տերտերի դեմ, կոմերիտմիության աշխատանքը, կնոջ տեղն ու դերը գյուղի կառավարման գործում, կարմիր բանակն ու զորացրված կարմիր բանակայինը, ունեցուրկների պայքարը գյուղի փաստական ղեկավարության համար և, նույնիսկ, միջազգային, քաղաքական հարցեր, որոնց տեղյակ պիտի լինի մեր ժամանակի մարդը: Ահա Խնկոյանի այս տիպի երկերի բովանդակությունը: Գյուղում տեղի ունեցող հասարակական-սոցիալական փոփոխությունները ավելի ուշինք արտացոլելու նպատակով, Խնկոյանը դիմում է քանական թվականների պոեզիային այնքան հասուկ հակադրությունների հնարանքին: Կենցաղային պատկերներում սա առանձնապես հաջող է ստացվում նաև քանաստեղծի գրական փորձի պատճառով: Մասնական քանաստեղծություններում և մասնավորապես առակներում (փոքրերի ու մեծերի համար գրած) Խնկոյանը հակադրելու հնարանքի մեծ փորձ էր կուտակել, որն օգտագործում է նաև ագիտացիոն ուսանավորներում ու զրուցներում: Եթք նա խոտում է նոր գյուղի մասին, նյա կողքին նկարում է հինը՝ թանձր, ուժեղ գույներով, ճիշտ այնպես, ինչպես առակներում ու հեքիաթներում «բարու» կողքին նկարագրում է «շարը», վերջինիս նկատմամբ հակակրանք առաջացնելու դաս-

տիարակշական միտումով։ Հին հասարակարգի արատավոր կողմերը խտացնելու ու նորը ռոման-տիկական գուներով պատկերելու մեջ է Խնկոյանի այս երկերի տեսնեցը, ագիտացիոն ուղղվածությունը։ Այս տեսակետից հետաքրքրական են «Երգ տասնամյա գյուղին» («Մաճկալ», 1930, № 138), «Կոմտոնի մայրը» («Հայաստանի աշխատավորութիւն», 1924, № 5) բանաստեղծությունները և «Խնչպես դարձա գյուղթղթակից» պոեմը («Մաճկալ», 1930, № № 5, 6, 8, 11)։ Առաջինում հին գյուղն իր վլեկ տներով, տգիտությամբ, խավարով, տեղական «բարերարներով» հակադրվում է նոր գյուղին, որտեղ կա մանկամտոր ու դպրոց, լիկկայան ու ակումբ, որտեղ լուսավորությունը ու նոր կենցաղը արդեն առօրյա են դարձել։ Երկրորդը պատճետավոր բանաստեղծություն է, ըստ երևութիւն, որուերենից հայացրած, որտեղ մի ընտանիքի ճակատագիրը նկարագրելով, շեշտում է ոչ միայն կենցաղի, այլև մարդկանց հոգեբանության մեջ տեղի ունեցած փոփոխությունները։

Գասն տարեկան
Գնացի մարդու
Մի ընտանիքում
Անձար, անձրագ,
Կեսրարս՝ վըովըո,
Կեսուրս ջադու,
Մարդս հարքեցող....
Խեղճ ջանիս կրակ...

Մենք երեքով
 Չարչարանքով
 Ապրում ենք սեր
 Աշխատանքով,
 Ամեն իրկուն,
 Գիշերն անքուն
 Կար եմ անուն
 Աղջկաս հետ:
 Իսկ Միկիչս
 Նոր գրագետ
 Գիրք ու գագեթ
 Միշտ, միշտ կարդում
 Ու մեզ դեպի
 Նորն է դրդում:

«Ինչպես դարձա գյուղթղակից» պոեմը կյանքի ավելի լայն արտացոլում է, նոր մարդու ճակատագրի ու ձգտումների պատկեր: Պարզ է պոեմի պուժեն: Տաս տարեկան երեխային որբեայրի մայրը ծախում է կուր մուրացկանին: Սա կոպիտ, ձեռնաքաշ, հարբեցող մարդ է: Սրա հետ մանուկը զանազան արկածներ է ունենում, մինչև հանդիպում է մի պիոներ աղջկա ու նրա հորդորով փախչում դաժան ծերունու մոտից, վերադառնում հայրենի գյուղը, մտնում կոմերիտմիության մեջ ու դառնում թղթակից: Այստեղ արդեն Խնկոյանը փորձում է հերոսներին կերպավորել, գեղարվես-

տական խոսքով պատկերել նրանց հոգեբանությունը: Շոշափիկի է սուտ ճգնավորի կերպարը.

Ծաղատ, քյոսա ու երկչոտ,
Ուզգվոր, բոշա, աներես,
Խոսքերումը լաց ու կոծ...
Տեղ կար՝ գող էր ձեռնածու,
Տեղ կար՝ տեղով չարագործ,
Գյուղերում սուտ ճգնավոր,
Մի կատարյալ կույր ոչխար:

Նա դաժան է խեղճ մանկան հետ, միաժամանակ կեղծ բարեպաշտ, դժգոհ նոր կարգերից.

— Ուց կտրեցին կատարը
Երկգլխանի մեծ արծվի,
Այ, կործանվի էս դարը
Էս ժամանակն անիծվի...

Սա հինն է, քանական թվականների հայ գեղջուկին ծանոթ պատկերը: Սրա կողքին Խնկոյանը նկարագրում է նոր մարդուն, որը ձգտում է դեպի լույսը, կյանքը: Նա ընդվզում է հնի սիմվոլի դեմ, փախչում դեպի մարդկային հասարակությունը, որ նրա աչքի առաջ փոխվում է օրեցօր: Հնի ու նորի այս հակադրությունը, իհարկե, խոր ժոգեբանական կտավ չի դարձել: Բայց Խնկոյանի նպատակն էլ եղել է համեստ: Ոչ միայն այս պունտում, այլև բազմաթիվ բանաստեղծություններում ու պոեմներում նա մտահոգված է եղել ոչ

այնքան «ինչպես», որքան «ինչ» ասելու հոգտվի:
 Նա երբեմն բառացիորեն հարմարվել է թերթի
 առօրյա պահանջին, գրել շափածո հոդված՝
 «Մաճկալ»-ի անունից, ասենք, գյուղատնտեսու-
 թյան վնասատուների դեմ պայքարելու անհրա-
 ժեշտության, անասնապահության, այգեգործու-
 թյան, բանջարաբուծության, դաշտավարության
 մեջ գյուղատնտեսական նոր մեթոդներն արմա-
 տավորելու կարևորության մասին և այլն: Այսպի-
 սի նպատակներ են հետապնդում նրա բանա-
 տեղծություններից շատերը, որոնց մի մասը
 տպագրվել է նույնիսկ առանձին գրքով («Գյու-
 ղատնտես անասնաբույզը և իր ագրոգրուցը»¹):
 Իհարկե, այս տիպի երկերին այժմ չի կարելի մո-
 տենալ գեղարվեստականության բարձր պահանջ-
 ներով: Ժամանակին էլ դրանք դիտվել ու գնա-
 հատվել են բացառապես իրենց քաղաքացիական
 անհրաժեշտության համար², բայց, այնուամենայ-
 նիվ, այս ոտանավորները, բացի իրենց պրոպա-
 գանդիստական ու ուսուցողական արժեքից, ինչ-
 որ շափով ունեն նաև գեղարվեստական արժեք,
 և իզուր չեն, որ քննադատը պնդում է, թե դրանք
 «Լավ նվեր են մեր գյուղական օդաներին, այն-
 տեղից դուրս քշելու համար «Շահ Խամայիլի» և

¹ 1926 թ. հրատարակություն Հողժողկոմատի, Երևան:

²Տե՛ս Վ. Սանդորի (Վ. Սլազան) գրախոսությունը
Բիշյալ գրքույնի մասին, «Մաճկալ», 1926, № 96:

նման հեքիաթները»¹: Բանն այն է, որ փորձված
առակախոսը, որ քաջ գիտակ էր հայ լեզվին, մաս-
և ավորապես բարբառներին, զարմանալի կեր-
պով կարողանում է համով դարձնել իր պատմե-
լիք նյութը: Այս ոտանավորները կարդալիս ըն-
թերցողը երբեմն մոռնանում է, որ սրանց հեղինա-
կը ուրիշ բնագավառում բավականաշատ համա-
րում ունեցող բանաստեղծ Խնկոյանն է: Նրան
թվում է, թե նատած զրուցում է գյուղատնտեսու-
թյան «բնածին» մասնագետ գյուղացու հետ, որն
իր գյուղական հոգսերն է պատմում՝ խոսքը համե-
մելով տասնյակ առածներով ու ասացվածքներով:
Խոսքի աշխուժությունը, կենդանությունը, որ Խըն-
կոյանի առակների ու հեքիաթների գեղարվես-
տական կարևոր առանձնահատկություններից
մեկն էր, այսուեղ ևս նկատվում է: Ժողովրդական
առածները, խտացած, բյուրեղացած մտքերը այն-
պես անբռնագբոս են տեղավորվում Խնկոյանի
խոսքի մեջ, որ թվում է, թե դրանք նրա իսկ հո-
րինածներն են.

Ս.Շկանոն Կիթ՝
Վնասը կովիդ,
Վնասը հորթին,
Խոտ կոխի մորթին...

Ու անմիջապես.

¹ Խոյն տեղում:

Ինչ ցանես, են կհնձես,
Անպետք սերմը չի կանաչում,
Ծառն իր պտղից են ճանաչում:
Ոտենուց ուր,
Նոենուց՝ նուր,
Արտը խախուտ,
Մահանան կարկուտ:

Խակապես դժվարանում ես որոշել, թե որտեղ
է վերջանում ժողովրդական առածը ու որտեղ
սկսվում իրեն՝ Խնկոյանի հորինած թևավոր խոս-
քը:

Հատկապես, երբ խոսեցնում է գեղջուկին,
Խնկոյանը նրա պատկերավոր մտածողությանը
հետևելով ժողովրդական խոսքի գեղեցիկ նմա-
նակություններ է ստեղծում: Ահա մի օրինակ
«Ժամանակի հետ գնանք, տղամարդուց ետ շը-
մնանք»¹ արձակ ագիտկայից.

«Ե, ինչ ասեմ որ...

Արևը գեշ տեղ ա մտել... Շատ բան ունեմ ա-
սելու, համա տեղը չի, շատ խաղ գիտեմ, բայց
ձեն չունեմ:

Լավ կլիներ, որ կինը ծանր նստեր իր տեղը,
որ լիդր գար, բալքի մի քանի գրվանքա էլ ավելի
գար, թե ոչ, կնիկն ինչ, խորհուրդն ինչ: Արևն ա-
րևելքից ծագում ա, կեսօրին հարավումն ա ըլում,

¹ «Հայաստանի աշխատավորութի», 1927, № 1, էջ 13—
16:

իրիկուն էլ արևմուտքում մեր ա մտնում: Դե դու
արի ու էս ամենը փոխի, կարա՞ս...» և այլն:

Քսանական թվականներին գյուղում տարվող
աշխատանքի հիմնական ուղղությունը պայքարն
էր դասակարգային թշնամու որոգայթների դեմ,
կոռակերատիվ շինարարության, կուլտուրական
մակարդակի բարձրացման և վերջապես կնոջ ի-
րավահավասարության համար, պայքարը հնից
եկող արատների՝ հարբեցողության, կոպտության,
տգիտության, կրոնական ծեսերի դեմ: Այդ բոլոր
հարցերին Խնկոյանը «Մաճկալ», «Հայաստանի
աշխատավորուհի» և այլ պարբերականներում
բանաստեղծությունների ու զրուցների շարքեր է
նվիրել: Կրոնի դեմ են ուղղված նրա «Ինչ մաճ-
կալից, են ուղիղ գիծ» («Մաճկալ», 1926, № 17),
«Աշխատանքով, ոչ աղաթով» («Մաճկալ», 1927,
№ 62), «Քրիստոսի ծնունդ, թե տերերի սնունդ»,
(«Մաճկալ», 1928, № 2), «Զաջուրի ժամի կըս-
րան բուսած սուրբ ծառը» («Հայաստանի աշխա-
տավորուհի», 1925, № 7—8) և այլն: Սրանցում
նա անխնա խարազանում է քահանաների ընչա-
քաղցությունը, նրանց գգվրտոցը «ծովս» ձեռք բե-
րելու համար, եկեղեցուն և «սուրբ» նշաններին
նվիրաբերվող բարիքների թալանը և բարեկամա-
կան հումորով ծաղրում տգես, խավարամիտ,
գյուղացիներին՝ նրանց աչքերը բացելու համար:

Չմոռանանք,
Եղ ու կարագ,

Խավ ու խավկիթ,
Սուրբ ծառին մոս,
Խոննի առնենք,
Խսս աղլուխներ,
Գազով կտավ,
Որ սուրբ ծառին
Փաթաթենք...
Կեցո սուրբ ծառ,
Տունս, տեղս,
Տաշտս, մաղս
Զաջուի...
«Հորդորում» է դեն Շետել «կրոն-գրոն», սին
«աղաթը», աչքերը բացել աշխարհի անցուղարձը
հասկանալու համար:

Կնոջ իրավահավասարության թեման հազար
ու մի երանգներով արծարծվում է Խնկոյանի
բանատեղծություններում ու գրուցներում: Կինը
զյուղիսորհրդի նախագահ, կինը ժողովում՝ իր ա-
մեննին էլ ոչ «կանացի» պահանջներով, կինը՝
աշխարհաշեն աշխատանքում, ըստ ամենավեհ
սպատագրված կինը. ահա Խնկոյանի երազը: Նա
ցանկանում է հասարակության լիիրավ ու ակտիվ
քաղաքացի տեսնել իր Մանաւին, երբեմնի բե-
րանփակ գեղջկուհուն, որ գեղջկուհին

Կրթի, հարթի սիրուն ու հոգին,
Նիստ ու կացը, ման գալը,

Լեզու ելցի հին դարերի
Հին դարաքաշ, հին լալը...¹

Այս թեմայի քնարական - բանաստեղծություններից մի քանիսը նաև արվեստի կատարման իմաստով ժամանակին բարձր են գնահատելու ու դարձել տարածում գտած երգեր: Դրանցից է, օրինակ, «Բեզ հազար ողջուն» բանաստեղծությունը («Մաճկալ», 1924, № 38), գրված որպես կոչ գյուղացիական թերթի անունից:

Նորեկ գեղջկունի,
Սղջիկ նոր դարի
Գարունդ է եկել,
Գոմից դուրս արի:
Արևը կարմիր
Կապել է կամար,
Ուրախ օրեր է
Բերել քեզ համար...

Հիշյալ թեմայի երկերից շատերը այուժետավոր բանաստեղծություններ են, որոնց հիմքում ընկած են գյուղում տեղի ունեցող փոփոխությունները: Այս առումով կոլորիտով գրված հետաքրքիր շափածո պատկեր է «Գյուղխորհրդի անդամ կուլակ Բրոտ՝ն, յե հարս Եղտն»², որտեղ Խնկոյանը մի

¹ «Հայաստանի աշխատավորունի», 1924, № 4, էջ 11, «Աշխատավորունի Մանանիս»:

² «Հայաստանի աշխատավորունի», 1924, № 5, էջ 7—10:

քանի ստվերագծերով Ակարում է քսանական
թվականների հայ գյուղը իր հետաքրքիր բնա-
կիչներով, արթնացած կանանց խմբով, դասա-
կարգավիճ-սոցիալական ներհակություններով:
Ահա, օրինակ, մի պառավ, որ իր ողջ կյանքում
գյուղացիների հավատքը տեսել է միայն մահենք-
ների ժամանակ.

Ցուպը ձեռքին մի խոլ պառավ,
Հարց է տալիս. «Էս ո՞վ մեռավ»,
Պատասխանեց մի կոմսոմոլ.
— Այ իմ տատի կրոնամոլ,
Մարդ չի մեռել, մի վրդովվի,
Գյուղն է գնում գյուղժողովի,
Ընտրություն է գյուղխորհրդի:

Պառավը քարացած հնի սիմվոլն է, նրա հա-
մար վայրենի է այն ամենն, ինչ չի բռնում նրա
երբենի «սուրբ» օրենքներին, թեև որանք
նրան ոչինչ չեն տվել երկար ու շարքաշ կյանքում:
Նրա համար տարօրինակ է, որ

Մարդ, օղլուշաղ,
Համբո, Դմբո,
Մագո, Հեքո
Ու Վարդիշաղ՝
Խելքից թեթև
Ոտքից արագ,

Թողած աղոթք,
Ժամ, պատարագ,
Սրբոց տաճար, աստծո տունը
Հավաքվում են «չարյաց» բունը...

Բայց այլևս այդպես չեն մտածում գյուղի երիտասարդները, այդ թվում կանայք: Նրանք զայրույթով դուրս են վունդում գյուղխորհուրդ խցկըված կուլակին և նախագահ ընտրում Եղանակին: Միա մեջ Խնկոյանը տեսնում է կուլտուրական ու սոցիալական հեղափոխությունը գյուղում: Կինը մեծ ուժ է ու այդ հեղափոխության մեջ հսկայական մասն ունի: Այս գաղափարին է ուղղված Խնկոյանի մեկ այլ ոտանավորը՝ «Գյուղի կանայք, հարս ու կեսուր, մանկանց համար բացենք մսուր»¹, որտեղ նկարագրում է կնոջ աշխատանքի ծանրությունը, հորդոր կարդում հասարակական զանազան միջոցառումներով այն թեթևացնելու մասին: Վերջապես նույն գաղափարին են ծառայում Խնկոյանի արձակ ու դրամատիկական մի քանի գործերը, դարձյալ տպագրված վերը հիշատակված պարբերականներում: Դրանց մի մասը փոխադրություններ են, ինչպես «Դատական քըննիշ Աննան»², որտեղ նկարագրվում է, թե ինչպես բանվորութիւն դառնում է մարդկանց բախտը տնօրինող արդարամիտ դատավոր: Հետաքրքիր

¹ «Հայաստանի աշխատավորութիւն», 1928, № 5, էջ 1—2:

² «Հայաստանի աշխատավորութիւն», 1929, № 10, էջ

է «Ել չեմ անի, ուղղիս տունը ինձ ուղղեց»¹ պատմվածքը: Այստեղ դատապարտվում է կենցաղային արատը (հարբեցողությունը) և նկարագրվում է նոր կարգերի ներկայացուցիչների պայքարը հանուն կուլտուրական ու բարեկեցիկ կյանքի: Պատմվածքում իրար են բախվում «նորն» ու «հինը», երկու տարբեր հայացքները կնոշ հասարակական դերի մասին, կենցաղի, բարոյականության իրարամերժ ընկալումները: Արտոն հարբեցող է, կինը՝ Մարուշը պայքարում է դրա դեմ: Արտոյի կարծիքով եթե. «չախմախչու աղջկան էդ դուր չի գալիս՝ թող բաժանվի ինձանից, իմ տանիցը հեռանա, տասնինգ տարին էլ բոլ ա, ես ուրիշ կնիկ կբերեմ, աշխարհը հո իրա գլխին շինված չի»: Այս խոսքերում է բաքնված ամբողջ չարիքը: Բանն այն է, որ Արտոն ոչ թե արտակարգ «բացասական» կերպար է, այլ ժամանակի «սովորական» գյուղացի, որ կաված է հարազատ երեխաների հետ, որ չի ատում կնոջը, բայց իր տգիտությամբ կառչել է հին, վիրավորական աղաթին՝ «տղամարդը գլուխն է, կինը՝ ոտքը»: Եվ Խնկոյանի նպատակը այս «աղաթի» խարազանումն է, Արտոյի դաստիարակությունը, որի համար նա հերոսին ուղարկում է ուղղիչ տուն: Պատմվածքի վերջում արդեն դաստիարակված Արտոյի վերադարձը, նրա զղչումը, իհարկե, սիւնատիկ է, ինչ-

¹ «Հայաստանի աշխատավորութի», 1926, № 10, էջ 12—17:

պես այդ թվականների տասնյակ ագիուցիոն-գեղարվեստական նյութերում։ Սակայն հարցի դրվածքն իսկ բաղաքացիական, ուսուցողական արժեք ունի։

«Մաճկալ»-ում և «Հայաստանի աշխատավորուհի» հանդեսում տպագրած նյութերում ևս Խընկոյանը ոչ մի վայրկյան չի մոռանում իր գրող-դաստիարակի կոչումը։ Նրա համար «Մաճկալ» ընթերցողները մեծահասակ մանուկներ են, որոնց պետք է ցուց տալ աշխարհի չարն ու բարին, որոնց պետք է խրատել ու սովորեցնել։ Խրատական են անգամ նրա բանաստեղծությունների վերնագրերը, որ նա սովորություն ունի հանգավորել. «Օրը-օրին, հետևիր նորին», «Ժամանակի հետ գնանք, տղամարդոց ետ չմնանք», «Խնայողական կասա—ինչ լավ բան է սա» և այլն։ Իր ագրոզրույցներում, ուտանավորներում, ինչպես միջին տարիքի երեխաների համար գրված բանաստեղծություններում, նա առանց միշնորդումների, ուղղակի նորդորներ է կարդում։

Միջոցներ գտեք,
Եկեք օգնության,
Հիշեք խեղճ կանանց,
Տվեք կով կթան։
Մի թողեք մեռնեն
Սիրասուն բալեք,
Զանել ծիլերը
Մահից ետ խլեք...

Այստեղ էլ Խնկոյանը նույն դաստիարակն է, մտահոգված իր ընթերցողի կյանքով ու ճակատագրով՝ «չարի» ու «բարու» պայքարի ամենալնդիանուր, ոելինք գծերը ուսուցանելու միտումով։ Դրա համար էլ նա չի խորշում ամենապրոգայիկ թեմաներից։ «Նա առակ-պոեմ է գրում նույնիսկ այն մասին, թե ինչքան օգուտ են տալիս գյուղատնտեսության վնասատուներին ոչնչացնող թռչունները («Բուն և Միրուք Արշակը»—«Մաճկալ», 1930, № 133)։

Առակներով ու առակատիա ուտանավորներով է խոսում Խնկոյանը հայ գեղջուկի հետ նաև ավելի խոշոր հարցերի մասին։ Առակը փորձված զենք է մեր բանաստեղծի զինանոցում և այս դեպքում ևս նա առատորեն օգտվում է դրա ընձեռած հնարավորություններից։ Առակ է Խնկոյանի «Նոր ջուրը»¹, որում փոխաբերաբար պատկերվում է ժողովրդի հեղափոխական ընդվզումը տիրողների դեմ։ Մի աշխարհում լուր է տարածվում, որ առուներով ու գետերով նոր ջուր է հոսելու։ Դա հրաշգործ, խենթ ջուր է, որ փոխելու, «խենթացնելու» է մարդկանց։ Թագավորն ու նրա պալատականները հին ջուրը ամբարում են «խենթանալուց» փրկվելու համար։ Հոսում է նոր ջուրը, ժողովուրդը խմում է, իմաստնանում ու տապալում թագավորին։ Հայ շինականին հասկանալի տողե-

¹ «Մաճկալ», 1925, № 18.

բով Խնկոյանը քացում է փոխաբերությունը. նոր ջուրն այն նոր գաղափարն է, որի «խենթ ուժով».

Դարձավ չարխը,
Խեղդեց խալխը
Գիծ արքային ջրամբարում
Շատ հեռու չէ՝ մեր օրերում,
Ու ցուց տալով իր նոր խելքը,
Իշխանությունն առավ ձեռքը:

Առակ է ըստ Դ. Բեդնու գրած «Զահը»¹, որ տեղ փոխաբերությամբ նկարագրում է Լեռինի գործի՝ հեղափոխության փրկարար դերը աշխատավոր ժողովրդի համար:

Վերջապես առակատիպ են նրա ոտանավորները միջազգային, քաղաքական թեմաներով, ինչպես «Ծաքեցին լորդեր, ծափ տվին ճորտեր»², որ գրված է Անգլիայի արտաքին գործերի մինիստր Չեմբեռլենի հայտագրի և Խորհրդային Միության արտաքին գործերի Ժողովրդական կոմիսարի տեղակալ Լիտվինովի պատասխանի առթիվ՝ Չինաստանում ծավալված հականգլիական պայքարի մասին: Առակատիպ է անգամ սրա բանաստեղծական ոճն ու լեզվական ֆակտուրան.

— Ե, լավ, դուք լորդ,
Աշխարհը ճո՞րտ

¹ «Մաճկալ», 1925, № 19:

² «Մաճկալ», 1926, № 24:

Պիտի մնա հանապազօք:
 Ուզը քթոցի տակ միշտ չի մնա,
 Որ մեծացավ՝ շուտ շուտ կտա:
 Հասակն առած Չինիմաշին,
 Որ տալիս է լորդիդ դնչին,
 Պոչիդ տակն էլ փուշ է դնում,
 Բայց ափսոս որ ուշ է դնում,
 Մեղավո՞ր ենք, միստր Օստին,
 Ինչ եք ասում դուք ես փաստին:

* * *

Հայ աշխատասեր գյուղացու գրողը, նրա
 հոգսերի ու ցավերի ընկերը, նրա հաջողություննե-
 րով ապրող բանաստեղծը շատ ժամանակ նվիրեց
 հայ գյուղի կողտուրական վերաշինության գոր-
 ծին, ուրախացավ Երևանում բացված «գյուղացու
 տուն» հյուրանոցի, առաջին գրագետ գեղջկուհու,
 առաջին ցորենի հատիկի համար, որ հոդի մեջ
 նետվեց շարքացանով, առաջին գյուղթղթակցի
 համար, որ թեև տառախալներով, բայց իր սե-
 փական խոհն ուղարկեց գյուղացիական «Մաճ-
 կալ» թերթին:

Այսպես, քայլեց նա 65 տարի, մի ձեռքում թո-
 թովախոս մանկան ձեռքը, մյուսում՝ հայ աշխա-
 տավոր գյուղացու կոշտացած ափը, երկուսն էլ
 հարազատ, երկուսն էլ թանկագին՝ բանաստեղծի
 համար...



ԳԱԱ Հիմնարկ



FL00